

26.273

Ր. Ր. 403

Ժ Ա Մ Ա Ն Ա Կ Ա Վ Ո Ր
ԱՆԱՇԽԱՏՈՒՆԱԿՈՒԹՅԱՆ
ՆՊԱՍՏՆԵՐ

(ՀՈԴՎԱԾԱՅԻՆ ՄԵԿՆԱԲԱՆՄԱՄԲ)

ՕՏՅՅՐԵՆՈՒԹՅԱՆ
ՑԻՅՅԱՄՈՐՔԻ

334.6
4-29

ՀՐԱՏԱՐԱԿՈՒԹՅՈՒՆ ՀԱՅԱՐՀԿՈՈՊԳԱՆՋԱՐԿՆԻ
Յ Ե Ր Ե Վ Ա Ն 1940

Арм.
3-4927₂

Р. Р. 408

175 JAN 2010

334.6
4-29

704

Ժ Ա Մ Ա Ն Ա Կ Ա Վ Ո Ր
ԱՆԱՇԽԱՏՈՒՆԱԿՈՒԹՅԱՆ
ՆՊԱՍՏՆԵՐ

(ՀՈԴՎԱԾԱՅԻՆ ՄԵԿՆԱԲԱՆՄԱՄԲ)

Инв. № 17791



ՀՐԱՏԱՐԱԿՈՒԹՅՈՒՆ ՀԱՅԱՐՀԿՈՈՊԳԱՆՁԱՐԿՂԻ
Յ Ե Ր Ե Վ Ա Ն 1940

1-ից, այդ ժամկետից տարածելով նաև ժամանակավոր անաշխատունակության այն դեպքերի վրա, վորոնք 1939 թ. սեպտեմբերի 1-ին վերջացած չեն:

4. Ժամանակավոր անաշխատունակության նպաստների մասին սույն կանոնադրությունը գործադրության մեջ մտցնելով, վերացնել Համարակոտակախորհրդի կողմից 1937 թ. հուլիսի 9-ին հաստատված ժամանակավոր անաշխատունակության նպաստների մասին կանոնադրությունը:

ԿԱՆՈՆԱԳՐՈՒԹՅՈՒՆ ԺԱՄԱՆԱԿԱՎՈՐ ԱՆԱՇԽԱՏՈՒՆԱԿՈՒԹՅԱՆ ՆՊԱՍՏՆԵՐԻ ՄԱՍԻՆ

1. ԸՆԴՀԱՆՈՒՐ ԳՐՈՒԹՅՈՒՆ

1. Ժամանակավոր անաշխատունակության նպաստի իրավունք ունեն՝

ա) արհեստագործական և անտառարհեստագործական կոոպերացիայի արտելների անդամներն ու անդամության թեկնածուները.

բ) արհեստագործական և անտառարհեստագործական արտելների ընդհանուր արհեստանոցներում, կոոպերացված տնայնագործների տանը (անհրաժեշտ ցուցակագրման դեպքում) կամ արհեստագործական և անտառարհեստագործական կոոպերացիայի աշակերտության դպրոցներում (Ֆաբգործուս և պրոֆտեխդպրոցներ) բրիգադային կամ անհատական կարգով աշակերտությունն անցնող աշակերտները, անկախ արտելի անդամ լինելուց:

ԾԱՆՈԹՈՒԹՅՈՒՆ.— Արտելների անդամներին վերաբերվող հետագա հոդվածների բոլոր կանոնները, — համապատասխանորեն կիրառվում են նաև սույն հոդվածում նշված թեկնածուների և աշակերտների նըկատմամբ:

§ 1. Սույն կանոնադրության առաջին հոդվածում նշված անձանց ժամանակավոր անաշխատունակությունն առաջանալու դեպքում, արհեստագործական կոոպերացիայի փոխադարձ սպասուկովազրության և փոխադարձ ոգնության գանձարկղներն սպասարկում են նրանց, կորցրած աշխատավարձի փոխարեն, ժամանակավոր անաշխատունակության նպաստներ վճարելու միջոցով:

§ 2. Որենքով սահմանված ժամկետի ընթացքում, արտելի

անդամների կազմում չընդունված արտելի անդամության թեկնածուները յենթակա յեն ապահովման պետական սոցիալական ապահովագրության կարգով (և վոչ սույն կանոնադրությանը): Թեկնածուին արտելի անդամ չընդունելու դեպքում, — նրա աշխատավարձի հաշվարկումը կատարվում է համաձայն բանվորների և ծառայողների վերաբերյալ գործող աշխատանքի որենսդրության, ըստ վորի վճարած աշխատավարձի դիմաց պրոֆմիտությանը վճարում են պետական սոցիալական ապահովագրության համար հասանելիք մուծանքները, դրանից պահելով արտելի անդամ չընդունված թեկնածուին վճարած ժամանակավոր անաշխատունակության նպաստների գումարները:

§ 3. Արհեստագործական կոոպերացիայի սիստեմում կազմակերպված դասընթացներում սովորող արտելների անդամներին, սովորելու ժամանակամիջոցում նրանց աշխատավարձը պահպանելու դեպքում (կամ այդ աշխատավարձը վորպես թոշակ վճարելու դեպքում), ժամանակավոր անաշխատունակությունն առաջանալիս, նպաստներով ապահովվում են սույն կանոնադրության կարգով:

§ 4. Չեղանորեն արտելի անդամներ հանդիսացող, բայց փաստորեն արտելում չաշխատող անձինք, — ժամանակավոր անաշխատունակության դեպքում, — նպաստ ստանալու իրավունք չունեն:

§ 5. Արտելներում վարձու աշխատող բանվորներն ու ծառայողները յենթակա յեն ապահովման պետական սոցիալական ապահովագրության դժով և վոչ թե արհեստագործական կոոպերացիայի փոխադարձ ապահովագրության և փոխադարձ ոգնության կարգով:

§ 6. Սույն կանոնադրությունը չի տարածվում Արհապահանձարկում ապահովագրված չկոոպերացված տնայնագործների վրա: Նրանց ապահովումը նպաստներով կատարվում է համաձայն հատուկ կանոնների:

2. նպաստը տրվում է, յեթե անաշխատունակությունն առաջացել է փաստորեն արտելում աշխատանքը դադարեցնելու որից վոչ ուշ (և վոչ արտելի կազմից

դուրս գալու որից), անկախ նրանից՝ թե արտելի տվյալ անդամի հետ վերջնահաշիվ կատարված է թե վոչ:

§ 1. Կացարած հանցագործության, արտելի կանոնադրության ու աշխատանքային կարգապահության խախտման կամ իր անձնական ցանկությունը աշխատանքն արտելում դադարեցնելու դեպքում, ժամանակավոր անաշխատունակության նպաստ չի տրվում նաև այն դեպքում, յերբ անաշխատունակությունն առաջանում է աշխատանքը դադարեցնելու որվա ընթացքում: Այդ դեպքում, նշանակություն չունի, թե վերոհիշյալ պատճառներով աշխատանքը դադարեցնողն արդեն հանված է արտելի կազմից թե վոչ: Մնացած բոլոր դեպքերում, աշխատանքը դադարեցնելու որն առաջացած ժամանակավոր անաշխատունակության նպաստը տրվում է ընդհանուր կարգով:

Որինակ 1. Արտելի լուծարքի կապակցությամբ, Վասինան արտելում աշխատանքը դադարեցրել է 1939 թ. հոկտեմբերի 14-ին: Հոկտեմբերի 13-ին ամբողջ բանվորական որն աշխատելով, — նա տուն վերադառնալիս ճանապարհին ընկնում է տրամվայի տակ, վիրավորվում և ժամանակավոր անաշխատունակության արձակուրդ է ստանում քսան որով: նպաստ նա ստանում է սովորական կարգով, վորովհետև նրա ժամանակավոր անաշխատունակությունն առաջացել է աշխատանքը դադարեցնելու որը և աշխատանքից հեռանալու պատճառն էլ յեղել է հարգելի:

Որինակ 2. Արտելի անդամ Կելզինան 1939 թ. հոկտեմբերի 15-ին աշխատանքից ուղացել է յերկու ժամով և դրա կապակցությամբ էլ հանված է արտելի կազմից: Յեթե Կելզինան՝ հոկտեմբերի 15-ից սկսված ժամանակավոր անաշխատունակության հետևանքով հիվանդանոցային թերթիկ ներկայացնի վճարման համար, բայց չկարողանա ուղացման պատճառն արդարացնել, — նրան նպաստ չի տրվի:

§ 2. Արտելի կազմից դուրս գալու մասին դիմում տված, բայց դեռ աշխատանքը չդադարեցրած արտելի անդամի ժամանակավոր անաշխատունակությունն առաջանալու դեպքում, — նրա նպաստ պետք է տրվի ընդհանուր հիմունքներով:

§ 3. Յեթե ժամանակավոր անաշխատունակությունն առաջացել է արտելում աշխատանքը դադարեցնելուց հետո, թեկուզ հետևելով որը, — նպաստ չի տրվում, անկախ աշխատանքը թողնելու

պատճառից: Նպաստ չի տրվում նաև այն դեպքում, յերբ արտելի անդամի ժամանակավոր անաշխատունակութունն առաջանում է այն ժամանակամիջոցում, վորի համար նա հեռանալիս շոգտագործած հերթական և լրացուցիչ արձակուրդի դիմաց կոմպենսացիա չե ստացել:

Որինակ. վլասովան, արտադրության ծավալը կրճատվելու կապակցությամբ, արտելում աշխատանքը թողել է 1939 թ. հոկտեմբերի 14-ից, — հաշվարկման ժամանակ ստանալով շոգտագործած յերկու շաբաթվա արձակուրդի համար կոմպենսացիա: Հոկտեմբերի 2-ին նա հիվանդանում և յերկու որվա հիվանդանոցային թերթիկ է ստանում: Վլասովային նպաստ չի տրվում, վորովհետև նրա ժամանակավոր անաշխատունակութունն առաջացել է աշխատանքը դադարեցնելուց յերկու որ հետո:

§ 4. Այն դեպքերում, յերբ արտելում աշխատանքը դադարեցնելը կապված է գործերն ու գույքը հանձնելու հետ, — ժամանակավոր անաշխատունակության նպաստի իրավունքը սահմանելու համար աշխատանքը փաստորեն դադարեցնելու որը պետք է հաշվել հանձնումը վերջացնելու որը:

§ 5. Յեթե անաշխատունակութունն առաջանում է արտելի անդամների կազմից հանելու ճշտության մասին վեճի ընթացքում, — հիվանդանոցային թերթիկով նպաստ տրվում է միայն աշխատանքի մեջ վերականգնելու որից:

3. Արտելի բոլոր անդամներն իրավունք ունեն ժամանակավոր անաշխատունակության նպաստի՝ հիվանդության, ընտանիքի հիվանդ անդամին խնամելու և կարանտինի հետևանքով, անկախ տվյալ արտելում աշխատանքի ստաժի տևողությունից:

Սակայն, կատարած հանցագործության, արտելի կանոնադրությունն ու աշխատանքային կարգապահությանը խախտելու և իր անձնական ցանկությամբ հեռանալու հետևանքով ուրիշ արտելի անդամների կազմից հանված (կամ վարձու աշխատանքից նույն պատճառներով հեռացված) անձը, արտել մըտնելուց, — ժամանակավոր անաշխատունակության նպաստ ստանում է տվյալ արտելում (նոր աշխատանքի վայրում) 6 ամսից վոչ պակաս աշխատելուց հետո:

Այս կանոնը վերաբերվում է նաև արտելի այն անդամներին, վորոնք նշված պատճառներով արտելից հեռանալու որից 3 ամիս անցնելուց հետո, վերականգնել են աշխատանքի մեջ նույն արտելում:

§ 1. Կանոնադրության սույն հոդվածով սահմանվում է ընդհանուր կանոն, ըստ վորի, արտելների անդամներն իրավունք ունեն ժամանակավոր անաշխատունակության նպաստ ստանալու՝ արտելում աշխատանքի մտնելու առաջին որվանից, — առանց տվյալ արտելում նրան աշխատանքի վորոշ ստաժի պահանջ ներկայացնելու: Կանոնադրությամբ, այս ընդհանուր կանոնից դուրս, սահմանված են հետևյալ յերկու բացառությունը միայն.

ա) արտելի կին անդամին հղիության ու ծննդաբերության արձակուրդի ժամանակ նպաստի վճարումը պայմանավորված է տվյալ արտելում անընդհատ աշխատանքի վորոշ ստաժի առկայությամբ (մանրամասն տես հոդ. 4):

բ) Կատարած հանցագործության, արտելի կանոնադրությունն ու աշխատանքային կարգապահությանը խախտելու, կամ իր անձնական ցանկությամբ արտելի անդամների կազմից հանված (կամ վարձու աշխատանքից հեռացված) անձանց, ժամանակավոր անաշխատունակության նպաստ տրվում է միայն նոր աշխատանքի վայրում (տվյալ արտելում) վեց ամսվա ստաժի առկայության դեպքում:

§ 2. Անկախ ստաժի տևողությունից, ժամանակավոր անաշխատունակության նպաստ հիվանդության, խեղանդամության, կարանտինի և ընտանիքի հիվանդ անդամին խնամելու հետևանքով պետք է տրվի հետևյալ անձանց, վորոնց վրա վեց ամսվա ստաժի պահանջը չի տարածվում.

ա) նախորդ վարձու աշխատանքից հաստիքների կրճատման հետևանքով հեռացվածների կամ արտելի կազմից աշխատանքների ծավալը կրճատվելու կապակցությամբ դուրս յեկածներին.

բ) ձեռնարկության, հիմնարկության կամ արտելի լուծարքի հետևանքով նախորդ վարձու աշխատանքից հեռացվածներին կամ արտելի կազմից դուրս յեկածներին.

գ) աշխատանքին անհամապատասխան լինելու հետևանքով

նախորդ վարձու աշխատանքից հեռացվածներին կամ արտելի կազմից դուրս չեկաձններին.

դ) առաջին անգամ աշխատանքի մտածներին (արտելներում կամ վարձու չաշխատողներին).

ե) արտելներում կամ վարձու չաշխատած տնտեսուհիներին.

զ) առաջին անգամ արտել մտած և արտելում կամ վարձու չաշխատած չկոոպերացված տնայնագործներին.

է) արտելներում կամ վարձու չաշխատած կոլխոզնիկներին.

ը) ուսումնական հաստատությունն ավարտելուց հետո, անմիջապես արտել մտած անձանց.

թ) Կարմիր Բանակի և Ռազմա-Մովսիսին նավատորմի շարքերից զորացրվածներին.

ժ) կենսաթոշակ ստանալու ընթացքում վարձու կամ արտելներում չաշխատած թոշակառուներին.

§ 3. Վեց ամսյա ստաժի պահանջը չի տարածվում նաև այն անձանց վրա, վորոնք վարձու աշխատանքից հեռացված կամ արտելի կազմից հանված են հանցագործություն կատարելու, արտելի կանոնադրությունն ու աշխատանքային կարգապահությունը խախտելու և մինչև 1938 թ. դեկտեմբերի 29-ը, այսինքն՝ մինչև ԽՍՀՄ Ժողովուրդների, ՀամԿ(բ)ԿԿԿ և ՀԱՄԿԽ-ի աշխատանքային կարգապահության ամրացման միջոցառումների մասին 1938 թ. դեկտեմբերի 28-ի վորոշումը, — իրենց անձնական ցանկությանը հեռանալու հետևանքով:

Որինակ. Ալեքսանդրովը 1939 թ. դեկտեմբերի 20-ից պարապուրդի պատճառով հանված է յեղել արտելի կազմից: Ալեքսանդրովն ընդունվել է ուրիշ արտելում վորպես անդամ և այդ որովանից ել սկսել է աշխատել: 1939 թ. փետրվարի 1-ին հիվանդանալու դեպքում Ալեքսանդրովն իրավունք ունի ժամանակավոր անաշխատունակության նպաստ ստանալու, թեկուզ վեց կավոր անաշխատունակության նպաստ ստանալու, թեկուզ վեց ամսվա ստաժ չունենա ել, վորովհետև նա արտելից հանված է յեղել 1938 թ. դեկտեմբերի 20-ին, այսինքն՝ մինչև ԽՍՀՄ Ժողովուրդների, ՀամԿ(բ)Կ ԿԿԿ և ՀԱՄԿԽ-ի 1938 թ. դեկտեմբերի 28-ի վորոշման հրատարակվելը:

§ 4. Ժամանակավոր անաշխատունակության նպաստ ստանալու համար, ստաժը պետք է հաշվել վոր թե արտելի կանոնադրությունը խախտելու և այլ պատճառների հետևանքով արտելի կազմից հանելու (կամ վարձու աշխատանքից հեռացնելու)

որվանից, վորի դեպքում նպաստ ստանալու համար պահանջվում է վեց ամսյա ստաժ, այլ նոր արտելում աշխատանքն սկսելու (այսինքն աշխատանքի նոր վայրում) որվանից:

Որինակ. Էշինան 1939 թ. հունվարի 2-ից հեռացված է յեղել աշխատանքից պրոգուլի պատճառով: Մինչև մայիսի 4-ը նա չի աշխատել, այլ զբաղվել է տնային տնտեսությամբ: 1939 թ. մայիսի 4-ին Իլինան ընդունվել է արտելի անդամ և սկսել է աշխատել: 1939 թ. նոյեմբերի 1-ին հիվանդանալու հետևանքով Իլինան ժամանակավոր անաշխատունակության նպաստ չի ստանա, վորպես նոր աշխատանքի վայրում վեց ամսից պակաս աշխատող, չնայած նրան, վոր պրոգուլի հետևանքով հեռացվելուց հետո անցել է 10 ամիս:

§ 5. Այն արտելի անդամը, վորին նպաստ նշանակելիս պետք է առաջադրվի վեց ամսյա ստաժի պահանջ, ժամանակավոր անաշխատունակության նպաստ ստանում է ժամանակավոր անաշխատունակությունն առաջանալու որը պահանջված ստաժի առկայության դեպքում միայն: Կարճ ժամկետով աշխատողներին նպաստ բուրոսովին չի տրվում՝ ժամանակավոր անաշխատունակության բոլոր որերի համար, թեկուզ և այդ ժամանակամիջոցում, լրանա յել տվյալ արտելում աշխատանքի սկզբի որից՝ վեց ամիսը:

Որինակ. Կանոնադրությունը խախտելու համար, 1939 թ. մայիսին, արտելից հեռացված Վլասովը, 1939 թ. հունիսի 4-ից սկսել է աշխատել մի ուրիշ արտելում՝ ընդունվելով նրա անդամ: Վլասովը 1939 թ. դեկտեմբերի 1-ին հիվանդանում և հիվանդանոցային թերթիկով 25 որվա արձակուրդ է ստանում: Վլասովը, հիվանդության ամբողջ ժամանակամիջոցի համար, ժամանակավոր անաշխատունակության նպաստ չի ստանա, վորովհետև նա առ 1-ն դեկտեմբերի, դեռևս 6 ամիս չի աշխատել: Այն հանգամանքը, վոր հիվանդության արձակուրդի մի մասն ընկնում է դեկտեմբերի 4-ից հետո (յերբ տվյալ արտելում աշխատանքի սկզբի որից 6 ամիսը լրացել է), նշանակություն չունի, քանի վոր պահանջվելիք ստաժը նա պետք է ունենար հիվանդության սկզբին:

§ 6. Կատարած հանցագործության, արտելի կանոնադրությունն ու աշխատանքային կարգապահությունը խախտելու, կամ անձնական ցանկությանը 1938 թ. դեկտեմբերի 29-ից սկսած վարձու աշխատանքից հեռացված կամ արտելի կազմից հանված անձինք, — նոր աշխատանքի վայրում վեցամսյա ստաժի բա-

ցակայութեան դեպքում — նպաստ չեն ստանում ժամանակավոր անաշխատունակութեան բոլոր դեպքերում, նույն թվում և աշխատանքային խեղանդամութեան դեպքում:

Յեթե այդ ժամանակամիջոցում տեղի ունեցած ժամանակավոր անաշխատունակութունն առաջացնող դժբախտ պատահարը տեղի չե ունեցել արտելի կամ կողմնակի ձեռնարկութեան, հիմնարկութեան ու այլոց հանցանքով, — տուժողը կարող է իրեն պատճառած վնասը փոխհատուցելու մասին, խեղանդամութեան հայց հարուցել նրանց դեմ, ընդհանուր քաղաքացիական կարգով:

§ 7. Անհրաժեշտ դեպքերում աշխատանքի վեցամսյա ստաժը հաշվելիս, նրա մեջ մտցվում է փաստացի աշխատանքի ժամանակամիջոցը, և վոչ թե արտելի անդամ լինելու ժամանակաշրջանը:

Որինակ. Վասիլեվը պրոգնոզի պատճառով վարձու աշխատանքից հեռացված է յեղել 1939 թ. մարտի 1-ից: Մարտի 15-ից նա ընդունվել է արտելի անդամ, բայց արտելում սկսել է աշխատել միայն 1939 թ. հունիսի 1-ից: Ժամանակավոր անաշխատունակութունը 1939 թ. նոյեմբերի 21-ից տեղի ունենալու դեպքում, Վասիլեվը նպաստ չի ստանում: Նախկին աշխատանքից պրոգնոզի պատճառով հեռացվածներից պահանջվում է վեցամսյա ստաժ, իսկ Վասիլեվը թեև արտելի անդամ է վեց ամսից ավելի, բայց արտելում աշխատել է միայն 5 ամիս 20 օր:

§ 8. Վորոշ դեպքերում պահանջվելիք վեց ամսյա ստաժի մեջ պետք է մտցվի արտելի անդամի միայն փաստացի աշխատանքը: Այսպիսով ստաժի մեջ չի կարող մտնել նպաստով չվճարված ժամանակավոր անաշխատունակութեան ժամանակաշրջանը և առանց աշխատավարձի պահանջման արձակուրդի ժամանակաշրջանը:

Որինակ. Կազանսկին պրոգնոզի համար վարձու աշխատանքից հեռացված է յեղել 1939 թ. մարտի 14-ից: 1939 թ. մայիսի 4-ին նա մտնելով արտել՝ վորպես անդամ, — սկսել է աշխատել արտելում: Ոգոստոսին Կազանսկին իր հաշվին 15 օրվա արձակուրդ է ունեցել, իսկ սեպտեմբերին էլ 15 օր հիվանդացել և հիվանդանոցային թերթիկ է ստացել, սակայն վեցամսյա ստաժի բացակայության հետևանքով նպաստ չի վճարվել: 1939 թ. նոյեմբերի 15-ից Կազանսկին նորից ժամանակավոր անաշխատունակու-

թեան հետևանքով 10 օրվա արձակուրդ է ստացել: Չնայած այդ արտելում Կազանսկու աշխատանքից հետո (մայիսի 4-ից առ 15-ը նոյեմբերի) վեց ամսից ավել է անցել, բայց և այնպես նա նրպասե չի ստանա, վորովհետև այդ ժամանակաշրջանում նա այդ արտելում աշխատել է (դուրս գալով արձակուրդները՝ իր հաշվին ոգոստոսին և հիվանդութեան հետևանքով՝ սեպտեմբերին) մոտավորապես 5 ու կես ամիս միայն:

§ 9. Համաձայն ԽՍՀՄ Ժողկոմխորհի, ՀամԿ(բ)ԿԿ և ՀՍՄԿԽ-ի պարզաբանման («Պրավդա» 26-ը հունվարի 1939 թ.) — «Պրոգնոզի հետևանքով հեռացված բանվորներն ու ծառայողները չեն կարող յերեք ամսվա ընթացքում աշխատանքի ընդունվել նույն ձեռնարկութունում կամ հիմնարկութունում, բայց կարող են անմիջապես ընդունվել այլ ձեռնարկութուններում կամ հիմնարկութուններում. և այս, և այն դեպքերում նրանք կարող են աշխատանքի ընդունվել միայն ԽՍՀՄ Ժողկոմխորհի, ՀամԿ(բ)ԿԿ և ՀՍՄԿԽ-ի 1939 թ. դեկտեմբերի 28-ի «Աշխատանքային կարգապահութունը կարգավորելու միջոցառումների մասին» վորոշմամբ նախատեսված կարգով, համաձայն վորի՝ պրոգնոզի հետևանքով հեռացվածները կորցնում են իրենց անընդհատ ստաժը և դրա հետ կապված իրավունքներն ու արտոնութունները, ըստ վորի, նրանք նույն ձեռնարկութունը կամ հիմնարկութունը մտնելիս, — ընդունվում են ինչպես ամեն վոր, վորն աշխատանքի ստաժ չունենալով, առաջին անգամ աշխատանքի չե մտնում»:

Յեղնելով վերոհիշյալ պարզաբանումից, սույն կանոնադրութեան 3-րդ հոդվածն այն անձանց համար, վորոնք արտելից հեռացված են վերոհիշյալ հոդվածում նշված պատճառներով, բայց այնուամենայնիվ յերեք ամսից հետո վերականգնված են աշխատանքի մեջ նույն արտելում, — ժամանակավոր անաշխատունակութեան ապահովութեան իրավունք ձեռք բերելու համար սահմանվում է վեցամսյա ստաժ (աշխատանքը վերսկսելուց հետո): Այդ դեպքում պետք է ի նկատի ունենալ, վոր յերեքամսյա ժամկետը հաշվվում է վոչ թե արտելի կազմից հեռացվելու օրվանից, այլ աշխատանքը փաստորեն դադարեցնելու օրվանից. իսկ նպաստի իրավունք ձեռք բերելու համար պահանջվելիք վեցամսյա ստաժը պետք է հաշվել աշխատանքը նորից սկսելու օրվանից:

Որինակ 1. Արտելի անդամ Կոլեսովին արտելի կողմից հեռացվել է 1939 թ. ոգոստոսի 15-ից: Յերեք ամսից հետո Կոլեսովը նորից ընդունվել է նույն արտելի անդամ և 1939 թ. նոյեմբերի 20-ից սկսել է աշխատել: Աշխատանքի առաջին վեց ամսվա ընթացքում, այսինքն՝ մինչև 1940 թ. մայիսի 20-ը, Կոլեսովը հիվանդանալու ղեպքում, — նրան նպաստ չի տրվում:

Որինակ 2. Կատինն իր անձնական ցանկությանը արտելից հեռացել է 1939 թ. հունիսի 10-ին, իսկ 1939 թ. հոկտեմբերի 1-ին նորից ընդունվել է արտելի կազմում և անցել է աշխատանքի: 1939 թ. հոկտեմբերի 1-ից սկսած, աշխատանքի առաջին վեց ամսվա ընթացքում հիվանդանալու ղեպքում, — Կատինը ժամանակավոր անաշխատունակության նպաստ չի ստանալ:

Այս ղեպքում նշանակություն չունի, թե՛ Կատինի հեռացումը արտելի անդամների կազմից, յերբ նա աշխատելիս չի յեղել, — ձևակերպված է յեղել թե՛ վոչ:

Յեթե Կատինը արտելում աշխատանքը թողած լինի վոչ իր անձնական ցանկությանը, այլ հարգելի պատճառով (որինակ, աշխատանքի ծավալի կրճատում), այդ ղեպքում, հոկտեմբերի 1-ից աշխատանքը վերսկսելիս, — նա կարող է ժամանակավոր անաշխատունակության նպաստ ստանալ, — թեկուզ հիվանդացած լինի աշխատանքը վերսկսելու որը:

4. Արտելների կին անդամները, ժամանակավոր անաշխատունակության նպաստի իրավունք ունեն հղիության ու ծննդաբերության հետևանքով, յեթե նրանք հղիության արձակուրդ ստանալու որը տվյալ արտելում անընդհատ աշխատել են (հոդ. հոդ. 27—28) 7 ամսից վոչ պակաս:

§ 1. Հղիության ու ծննդաբերության հետևանքով արձակուրդ (արձակուրդի ժամկետները տես հոդ. 19, հջ 38) տրվում է բոլոր արտելի կին անդամներին, անկախ նրանց աշխատանքի ստաժի տևողությունից արտելում: Սակայն, ժամանակավոր անաշխատունակության ժամանակամիջոցի համար նպաստ ստանալու իրավունք են ունենում այն կանայք, վորոնք առ հղիության արձակուրդի առաջին որը, տվյալ արտելում անընդհատ աշխատել են 7 ամսից վոչ պակաս:

§ 2. Առ հղիության արձակուրդի առաջին որը յոթ ամսվա

ստաժ չունեցող արտելի կին անդամներին նպաստ չի տրվում վոչ հղիության և վոչ էլ հետ ծննդաբերության շրջանի արձակուրդի ժամանակամիջոցի համար:

§ 3. Հղիության ու ծննդաբերության արձակուրդի նպաստ ստանալու իրավունք ձեռք բերելու համար պահանջվելիք յոթ ամսվա ստաժը պետք է լինի անընդհատ տվյալ արտելում: Նախորդ աշխատանքները ստաժի մեջ հաշվելու կարգը (վորոչ պայմաններով) տես հոդ. հոդ. 27 և 28 և նրանց կից մեկնաբանումները — հջ 48—50):

§ 4. Յեթե հղիության ու ծննդաբերության հետևանքով արձակուրդում գտնվող, բայց նպաստ ստանալու իրավունք չունեցող կնոջ ժամանակավոր անաշխատունակությունն առաջանում է այլ պատճառով (հիվանդություն, կարանտին և այլն), — նպաստ նրան տրվում է միայն այն որվանից, յերբ նա, հետ ծննդաբերության շրջանի արձակուրդը վերջանալուց հետո, պետք է անցնել աշխատանքի:

5. Հերթական կամ լրացուցիչ արձակուրդում գտնվելու ժամանակ արտելների հիվանդացած անդամներին՝ արձակուրդի շրջանում ընկած հիվանդ որերի համար նպաստ տրվում է ընդհանուր հիմունքներով (իսկ արձակուրդը, համաձայն արձակուրդների մասին գործող կանոնների, — յենթակա յե յերկարացման կամ հետաձգման):

§ 1. Որինակ. Սեպտեմբերի 16-ից առ 30-նը սեպտեմբերի հերթական արձակուրդում գտնվող արտելի անդամը սեպտեմբերի 25-ին հիվանդացել է, վորը տեսել է մինչև հոկտեմբերի 5-ը: Նրա արձակուրդը սեպտեմբերի 25-ից դադարեցվում է: Արձակուրդի մնացած շոգապարձած որերը պետք է փոխադրվի այլ ժամկետի, իսկ արտելի անդամին, սեպտեմբերի 25-ից մինչև հոկտեմբերի 4-ը, վճարվում է ժամանակավոր անաշխատունակության նպաստ:

§ 2. Հերթական կամ լրացուցիչ արձակուրդների շրջանում հիվանդության հետևանքով, հիվանդանոցային թերթիկ ստանալու համար չի պահանջվում, վոր այդ հիվանդությունն անպայման կապված լինի անկողային ռեժիմի հետ:

§ 3. Հերթական կամ լրացուցիչ արձակուրդի ժամանակ հիվանդանոցային թերթիկ տրվում է միայն հիվանդության հետեվանքով ժամանակավոր անաշխատունակության դեպքում: Իսկ ընտանիքի հիվանդ անդամին խնամելու, կարանտինի և այլ դեպքերում հերթական և լրացուցիչ արձակուրդի ժամանակ հիվանդանոցային թերթիկներ չեն տրվում և նպաստ ել չի վճարվում:

§ 4. Այն ապահովագրվածներին, վորոնց ժամանակավոր անաշխատունակությունն առաջանում է մշտական բնակավայրից ու աշխատանքի վայրից դուրս (որինակ, գործուղման ժամանակ, հանգստյան տնում և այլն) հիվանդանոցային թերթիկներ տրվում են նրանց ժամանակավոր բնակավայրերում, միայն բուժ-հիմնարկի գլխավոր բժշկի հաստատմամբ (ԽՍՀՄ Ժողկոմխորհի կողմից 1937 թ. ոգոստոսի 14-ին հաստատված, ՀԱՄԿԽ-ի և ԽՍՀՄ Առժողկոմատի 1937 թ. հուլիսի 31-ի հրահանգի 24-րդ հոդվածով):

6. Յեթե աշխատունակությունը կորցրած է, արտելի ներքին կարգապահական կանոններով նախատեսված, առանց աշխատավարձի պահպանման արձակուրդի ժամանակ, նման արձակուրդի շրջանում ընկած անաշխատունակության օրերի համար նպաստ չի տրվում, բայց յեթե անաշխատունակությունը շարունակվում է և արձակուրդից հետո, — նպաստ տրվում է սկսած այն օրվանից, յերբ արտելի անդամը պետք է աշխատանքի անցներ:

§ 1. Հանված է:

§ 2. Յեթե ժամանակավոր անաշխատունակությունն առաջացել է առանց աշխատավարձի պահպանման արձակուրդի ժամանակ, նպաստ չի տրվում ժամանակավոր անաշխատունակության ամբողջ ժամանակաշրջանի համար, յեկուզ այդպիսին ընդգրկի և այն ժամանակամիջոցը, յերբ արտելի անդամը պետք է անցներ աշխատանքի:

Որինակ. 1. Արտելի անդամ Բորիսովը առանց աշխատավարձի պահպանման արձակուրդ է ստացել 1-ից առ 10-ը հոկտեմբերի: Յեթե Բորիսովը 5-ից առ 15-ը հոկտեմբերի հիվանդանոցային թերթիկ ստանա, — նրան պետք է ժամանակավոր անաշխատունակության նպաստ վճարվի սկսած հոկտեմբերի 11-ից, այսինքն այն օրվանից, յերբ նա պետք է անցներ աշխատանքի:

7. Բանտարկության և դատական-բժշկական եքսպերտիզայի ժամանակ նպաստ չի տրվում: Յեթե անաշխատունակությունը շարունակվում է նաև ազատվելուց հետո, — նպաստ տրվում է կալանքից ազատվելուց կամ դատական-բժշկական եքսպերտիզան վերջանալուց հետո ընկած ժամանակի համար, յեթե արտելի անդամը վերականգնել է աշխատանքի մեջ նույն արտելում:

§ 1. Ժամանակավոր անաշխատունակությունը բանտարկման կամ դատական-բժշկական եքսպերտիզան անցնելու հետ զուգադրյալու դեպքում, նպաստ չի տրվում բոլոր դեպքերում, այսինքն և այն ժամանակ, յերբ արտելի անդամը կալանքից ազատվելուց կամ դատական-բժշկական եքսպերտիզան վերջանալուց հետո աշխատանքի մեջ էլ վերականգնվի: Արտելի անդամին այդ ժամանակի համար աշխատավարձ վճարելու հարցը լուծվում է արտելի անդամների ընդհանուր ժողովի վորոշմամբ (կամ նրա հանձնարարությամբ — վարչության) կամ դատական կարգով համաձայն ԽՍՀՄ Գերագույն Դատարանի Պլենումի 1939 թ. սեպտեմբերի 21-ի վորոշման:

Ժամանակավոր անաշխ.



II. ՆՊԱՍՏ ՎՃԱՐՆԵԼՈՒ ԴԵՊՔԵՐԸ

1. ԸՆԴՀԱՆՈՒՐ ԿԱՆՈՆՆԵՐ

8. Արտելների անդամները ժամանակավոր անաշխատունակության նպաստ ստանում են.—

ա) հիվանդության դեպքում,— յեթե նրանք կորցնում են իրենց աշխատունակությունը.

բ) հիվանդության կապակցությամբ այլ աշխատանքի փոխադրվելու դեպքում.

գ) հղիության ու ծննդաբերության դեպքում.

դ) ընտանիքի հիվանդ անդամին խնամելու անհրաժեշտության դեպքում.

ե) կարանտինի դեպքում:

Արտելների անդամների աշխատանքից ազատումը, բոլոր նշված դեպքերում, կարող է տեղի ունենալ բացառապես ԽՍՀՄ Ժողկոմխորհի կողմից 1937 թ. ոգոստոսի 14-ին հաստատված ՀԱՄԿե-ի և ԽՍՀՄ Առժողկոմատի 1937 թ. հուլիսի 31-ի (ԽՍՀՄ Որ. Ժող. 1937 թ. № 54, էջ 209) հրահանգով նախատեսված կարգով:

§ 1. Կանոնադրության սույն հոդվածում նշված ԽՍՀՄ Ժողկոմխորհի կողմից 1937 թ. ոգոստոսի 14-ին հաստատված ՀԱՄԿե-ի և ԽՍՀՄ Առժողկոմատի 1937 թ. հուլիսի 31-ի հրահանգը, վորը սույն մեկնաբանման մեջ քաղվածքներով մեջ է բերված,— ԽՍՀՄ Առժողկոմատի և Համարհկոոպզանձխորհրդի 1937 թ. սեպտեմբերի 7-ի նամակով (Համարհկոոպզանձխորհրդի բյուլետեն, 1937 թ. № 14) տարածված է արհեստագործական կոոպերացիայի սիստեմայի վրա:

§ 2. Հիվանդության կամ խեղանդամության հետևանքով արձակուրդ տրվում է ժամանակավոր անաշխատունակության ամբողջ շրջանի ընթացքում՝ մինչև աշխատունակության վերականգնումը կամ մինչև բժշկական-աշխատանքային երսպերտ հանձնաժողովի կողմից հաշմության սահմանումը (ԽՍՀՄ Ժողկոմխորհի կողմից 1937 թ. ոգոստոսի 14-ին հաստատված ՀԱՄԿե-ի և ԽՍՀՄ Առժողկոմատի 1937 թ. հուլիսի 31-ի հրահանգի 6-րդ հոդվածը): Նպաստը վճարելու ժամկետի մասին տես սույն կա-

նոնադրության հոդ. հոդ. 16, 17, 18 և նրանց կից մեկնաբանումները:

§ 3. Բժիշկները իրավունք ունեն միանձնորեն հիվանդանոցային թերթիկներ տալ յուրաքանչյուր անգամ յերեք որից վոչ ավելի, իսկ ընդհանուր առմամբ, հիվանդության կամ խեղանդամության տվյալ դեպքի համար՝ տաս որից վոչ ավելի (նույն հրահանգի 7-րդ հոդվածը):

§ 4. Անաշխատունակությունն առաջանալուց հետո 10 որից ավելի հիվանդանոցային թերթիկի յերկարացումը, այլ նաև հետագա ամեն մի յերկարացում կատարվում է բուժող բժշկի կողմից՝ միայն գլխավոր բժշկի կամ տվյալ բուժհիմնարկում կազմակերպված բժշկական կոնսուլտացիոն հանձնաժողովի հաստատմամբ:

§ 5. Այն բոլոր անձինք, վորոնց իրավունք է վերապահված 10 որից ավելի հիվանդանոցային թերթիկները յերկարացնելու (հոդ. 8).— այդ յերկարացումը կարող է թույլատրվել միայն հիվանդին անձամբ քննելուց հետո: Յերկարատև հիվանդությունների դեպքում այդ քննությունները կարող են կատարվել վոչ հաճախ, քան 10 որը մեկ անգամ (նույն հրահանգի 9-րդ հոդվածը):

§ 6. Աշխատունակ ապահովագրվածների համար բոլոր լաբարատոր հետազոտումներն ու բուժական պրոցեդուրաները— (Ֆիզիոտերապիա, ռենտգենոտերապիա և այլն) պետք է անցկացնեն նրանց համար վոչ աշխատանքի ժամերին,— առանց հիվանդանոցային թերթիկներ տալու, բացի այն դեպքերից, յերբ տրվյալ հետազոտումն ու պրոցեդուրան, ըստ իրենց բնույթի, կարող են կատարվել միայն աշխատանքի ժամերին (նույն հրահանգի 10-րդ հոդվածը):

§ 7. Պոլիկլինիկաներին կցված արտելների անդամներին հիվանդանոցային թերթիկներ տալիս են այդ պոլիկլինիկաների բժիշկները: Բայց յեթե հիվանդն ըստ իր առողջության դրության չի կարող ներկայանալ պոլիկլինիկա, իսկ պոլիկլինիկան էլ իր բժիշկները չունի՝ տանը բուժողնություն ցույց տալու համար,— հիվանդանոցային թերթիկ տրվում է արտելի անդամի բնակավայրում գտնվող բուժհիմնարկի բժշկի կողմից: Արտելի մնացած անդամներին հիվանդանոցային թերթիկներ տրվում են՝ կամ ար-

տելի անդամի բնակավայրում կամ նրա աշխատանքի վայրում գտնվող բուժհիմնարկների բժիշկների կողմից:

§ 8. Ստացիոնարում բուժվելու դեպքում (հիվանդանոց, կլինիկա և այլն) հիվանդին ստացիոնարում գտնվելու ամբողջ ժամանակամիջոցի համար, հիվանդանոցային թերթիկներ տրվում են բուժող բժշկի կողմից՝ բաժանմունքի վարիչի հետ միասին: Ստացիոնարից դուրս գրվելուց հետո, հիվանդանոցային թերթիկի յերկարացումը կատարվում է նույն անձանց կողմից միասին՝ մինչև բուժհիմնարկ ներկայանալու կամ տունը բժիշկ հրավիրելու համար նշանակված ժամկետը, բայց միաժամանակ վոչ ավելի 15 օրից (ԽՍՀՄ Ժողկոմխորհի կողմից 1937 թ. ոգոստոսի 14-ին հաստատված ՀԱՄԿԽ-ի և ԽՍՀՄ Առժողկոմատի 1937 թ. հուլիսի 31-ի հրահանգի 13 և 14 հոդվածները):

§ 9. Մեկ բժիշկ ունեցող բուժհիմնարկներում (գյուղական վայրերում, հեռավոր շրջաններում և այլն) այդ բժշկին իրավունք է վերապահվում հիվանդանոցային թերթիկներ տալ միանձնորեն հիվանդության ամբողջ ժամանակամիջոցի համար (նույն հրահանգի 15-րդ հոդվածը):

§ 10. Այն վայրերում, ուր բուժող բժիշկներ չկան, հիվանդանոցային թերթիկներ տալու իրավունքը, մարզային առբաժնի կամ ավտոնոմ ԽՍՀ առժողկոմատի կողմից, կարող է հանձնարարվել բուժակին՝ բուժըջանի վարիչին, բժշկական շրջանի վարիչի կողմից հետագա ստուգման պայմանով (նույն հրահանգի 3-րդ հոդվածից):

§ 11. Սանկուրորտային բուժման համար ժամանակավոր անաշխատունակության արձակուրդ տրվում է բացառապես սանկուրորտային հանձնաժողովների վորոշմամբ:

Սանկուրորտային բուժման ուղարկելիս հիվանդանոցային թերթիկներ տրվում են միայն սանկուրորտային հանձնաժողովների կողմից, յերկու ստորագրությամբ՝ նախագահի և հանձնաժողովի անդամներից մեկի:

Այդ հիվանդանոցային թերթիկները տրվում են բուժման գնալուց առաջ:

Սանկուրորտային հանձնաժողովների վորոշումները հանդիսանում են վերջնական:

Սանկուրորտային բուժման համար այլ կարգով տրված հիվանդանոցային թերթիկները (վոչ սանկուրորտային հանձնաժո-

ղովի կողմից, այլ բուժող բժշկի կողմից) վճարման յենթակա չեն: Յեթե սանկուրորտային հանձնաժողովը հիվանդի համար անհրաժեշտ չի համարի սանկուրորտային բուժումը, — այդ դեպքում, վոչ միայն ժամանակավոր անաշխատունակության արձակուրդ, այլ և ուղեգիր չի կարող տրվել:

§ 12. Յեթե սանկուրորտային բուժման ուղարկելու օրն արտելի անդամը ձանաչված է անաշխատունակ, — ժամանակավոր անաշխատունակության արձակուրդ սանկուրորտային բուժման ամբողջ ժամանակամիջոցի համար, ավելացրած նաև գնալ-վերադառնալու համար պահանջվող օրերը, — տրվում է առանց հաշվի առնելու հերթական և լրացուցիչ արձակուրդները: Այս դեպքում, նշանակության շունի, թե սանատորական ուղեգրերը կամ կուրսովնակություն չունի, թե սանատորական ուղեգրերը կամ կուրսովնակության շունի կամ թե չե այդպիսին ձեռք է բերված արտելի անդամի իրեն հաշվին:

Սակայն այն դեպքերում, յերբ արտելի անաշխատունակ անդամի հերթական և լրացուցիչ արձակուրդների ընդհանուր տեվորությունը 30 օրից գերազանցում է, — արձակուրդային ժամանակամիջոցի 30 օրից գերազանցող մասը մտցվում է սանկուրորտային բուժման համար տրվող արձակուրդի մեջ:

Որինակ. Արտելի անդամ վասիլեվը հողացավի հետեանքով մի ամսվա ընթացքում ժամանակավոր անաշխատունակության արձակուրդ է ստացել: ԱՊԿԲԲ վասիլեվին, հողացավը բուժելու համար, ուղարկում է Մացեստա: Վորովհետև կուրորտ ուղարկելու մոմենտին վասիլեվը գտնվում է ժամանակավոր անաշխատունակության արձակուրդում այն հիվանդությամբ (հիվանդանոցային թերթիկ ունի), վորի բուժման համար նա կուրսովնակության շունի, — նրան ժամանակավոր անաշխատունակության արձակուրդ տրվում է կուրորտում գտնվելու ամբողջ ժամկետի (30 օր) և գնալ վերադառնալու համար ($4 \times 2 = 8$ օր): Այս դեպքում արգելվում է հերթական և լրացուցիչ արձակուրդները հաշվել կուրորտային բուժման համար պահանջվող ժամկետի հաշվին, յեթե հերթական և լրացուցիչ արձակուրդների տեվորությունը չի գերազանցում մեկ ամսից, իսկ յեթե գերազանցում է, — արձակուրդի մեկ ամսից ավելի համապատասխան մասը, մտցվում է բուժման համար տրվելիք արձակուրդի ժամկետի մեջ:

Յեթե վասիլեվն ունենար հերթական և լրացուցիչ արձակուրդներ 30 բանվորական օրվա (իսկ 36 օրացուցային), հի-

վանդանոցային թերթիկ նրան պետք է տրվի վոչ թե 38 որվա, այլ 32 որվա (36—30=6, 38—6=32):

§ 13. Սանկտորտային բուժման կարիք ունեցող արտելների աշխատունակ անդամներին, վորոնք ուղարկվում են արհապագանձարկղների ձրի ուղեգրերով և ԱՊԿԲԲ-ների միջոցով բաշխված արտելների վարչութիւնների ձրի ուղեգրերով,— բուժման և գնալ-վերադառնալու համար ժամանակավոր անաշխատունակութեան արձակուրդի ժամկետի մեջ է մտցվում հերթական և բոլոր լրացուցիչ արձակուրդները, իսկ չբավականացող ժամանակի համար տրվում է հիվանդանոցային թերթիկ:

Յեթե արտելի աշխատունակ անդամը մինչև սանատորիա կամ կուրորտ գնալը, մի վորակից պատճառով արդեն ոգտագործել է իր արձակուրդը, այդ դեպքում էլ հերթական և լրացուցիչ արձակուրդները մտցվում են բուժման և գնալ-վերադառնալու ժամկետի մեջ, իսկ հիվանդանոցային թերթիկ տրվում է այդպիսին հաշվելուց հետո, մնացած որերի համար:

Որինակ. Բախարեվն ըստ արձակուրդների գրաֆիկի՝ իր հերթական արձակուրդն ոգտագործել է մայիսին: Ոգոստոսին Բախարեվը գնում է սանատորիա՝ Կիսլավոդսկ: Սանատորիայում մնալու տևողութիւնն ըստ ուղեգրի սահմանված է 30 որ: Գնալ-վերադառնալու համար անհրաժեշտ է 6 որ: Բախարեվի հերթական արձակուրդը կազմում է 12 բանվորական որ (ներկա դեպքում 15 որացուցային որ): Բախարեվը հիվանդանոցային թերթիկով արձակուրդ կստանա 21 որվա (30+6=36. 36—15=21), իսկ չբավականացնող 15 որվանն էլ Բախարեվն արտելի վարչութեան թուղտութեամբ կարող է արձակուրդ ստանալ իր հաշվին:

§ 14. Սանկտորտային բուժման կարիք ունեցողներին, վորոնք գնում են՝

ա) իրենց հաշվին գնված ուղեգրերով.

բ) արտելի վարչութեան կողմից (անկախ ԱՊԿԲԲ-ից) անմիջականորեն տրված ձրի ուղեգրերով.

գ) կուրսովկաներով (ձրի կամ վճարով).

դ) մասամբ արտելի անդամի իրեն կողմից վճարված ուղեգրերով),— ժամանակավոր անաշխատունակութեան արձակուրդ չի

1) Փոխադարձ ապահովագրութեան միջոցների հաշվին տրված, իսկ 20%-ը արտելի անդամի կողմից վճարած, ուղեգրերը հավասարեցվում են ձրիներին:

տրվում, թեկուզ և հերթական ու լրացուցիչ արձակուրդների ժամկետը բավական էլ չլինի բուժման և գնալ-վերադառնալու համար: Չբավականացնող ժամանակի համար արտելի վարչութիւնը կուրորտ կամ սանատորիա գնացողներին արձակուրդ տալիս է առանց աշխատավարձի պահպանման:

§ 15. Այն դեպքերում, յերբ ժամանակավոր անաշխատունակութիւնն առաջանում է սանատորիայում և զուգադիպում է կութիւն կամ մասնակի) հերթական ու լրացուցիչ արձակուրդների հետ,— հիվանդանոցային թերթիկ տրվում է սանատորիայից դուրս գրվելիս: Այն ժամանակ թերթիկ տրվում է հերթական կամ լրացուցիչ արձակուրդի հետ զուգադիպած ժամանակավոր անաշխատունակութեան բոլոր որերի համար, հանելով այն որերը, վորի համար արտելի անաշխատունակ անդամն արդեն հիվանդանոցային թերթիկ է ունեցել նրան սանատորիա ուղարկելու կապակցութեամբ: Իսկ առանց աշխատավարձի պահպանման արձակուրդի հետ զուգադիպած ժամանակավոր անաշխատունակութեան որերի համար, հիվանդանոցային թերթիկ չի տրվում:

Որինակ. Արտելի անաշխատունակ անդամ Ռոստովցեվին սանատորիա ուղարկելիս տրվել է 4 որվա հիվանդանոցային թերթիկ, հաշվելով և հերթական արձակուրդը: Սանատորիայում նա հերթական արձակուրդի ժամանակ, անգինայով հիվանդանալու հետևանքով 6 որ անաշխատունակ է յեղել: Անգինայի կստանա միայն 2 որպատճառով հիվանդանոցային թերթիկ նա կստանա միայն 2 որվա (հանելով առաջուց ստացած արձակուրդի 4 որը. 6—4=2): Այն դեպքում, յեթե Ռոստովցեվին սանատորիա ուղարկելիս արձակուրդ տրված լիներ վոչ թե 4, այլ 6 կամ ավելի որվա,— այդ դեպքում, անգինայի հետեւանքով, նա բոլորովին արձակուրդ չեր ստանա հիվանդանոցային թերթիկով:

§ 16. Արտելի հիվանդ անդամներին ճաշարանները դիետ (բուժական) սնդի ուղարկելիս, հիվանդանոցային թերթիկ չի տրվում, վորովհետեւ ճաշարաններում սնունդը պետք է անցկացվի աշխատանքային ժամերից հետո:

§ 17. Հանգստյան տնում մնալու համար ժամանակավոր անաշխատունակութեան արձակուրդ չի տրվում: Հանգստյան տնում գտնվելու ժամանակ, ժամանակավոր անաշխատունակութեան արձակուրդ տրվում է միայն այն դեպքում, յերբ այդպիսին անհրաժեշտ է անկախ հանգստյան տուն ուղարկելուց:

2. ԸՆՏԱՆԻՔԻ ՇԻՎԱՆԴ ԱՆԴԱՄԻՆ ԽՆԱՄԵԼՈՒ ՀԱՄԱՐ

9. Ընտանիքի անդամը հիվանդանալու դեպքում, յեթե խնամք ե պահանջվում,— հիվանդին խնամող արտելի անդամին նպաստ տրվում ե՝ յեթե նա տանը չի աշխատում և ապրում ե հիվանդի հետ միասին, յեթե խնամքի բացակայությունը վտանգ ե սպառնում հիվանդի կյանքին ու առողջությանը, և յեթե այդ դեպքում հնարավոր չե հիվանդին հիվանդանոցում տեղավորել, իսկ ընտանիքում ել չկա մի ուրիշ ընտանիքի անդամ, վորը կարողանա խնամել հիվանդին:

Մինչև 2 տարեկան յերեխան հիվանդանալու դեպքում,— արտելի անդամ մայրը,— վերոհիշյալ բոլոր պայմաններում նպաստ ե ստանում, անկախ նրանից, թե ընտանիքում կա մի ուրիշ ընտանիքի անդամ, վորը կարողանա խնամել հիվանդ յերեխային թե վոչ:

§ 1. Հիվանդին խնամելու համար ժամանակավոր անաշխատունակության արձակուրդ տալիս, տնային ծառայողն ընտանիքի անդամ չի համարվում:

§ 2. Խնամելու համար հիվանդանոցային թերթիկ տրվում ե մինչև հիվանդին հիվանդանոցում տեղավորելը միայն: Սակայն, յեթե հիվանդ յերեխայի հետ միասին հիվանդանոցում տեղավորել են նաև առողջ մորը,— նա պետք ե հիվանդանոցում գտնվելու ժամանակամիջոցի համար հիվանդանոցային թերթիկով արձակուրդ ստանա ընդհանուր հիմունքներով,— պայմանով, յեթե բժշկի յեզրակացությունամբ՝ մոր հիվանդանոցում մնալն անպայման անհրաժեշտ ե:

§ 3. Ընտանիքի հիվանդ անդամին խնամելու համար հիվանդանոցային թերթիկ տրվում ե յերեք որից վոչ ավելի ժամկետով: Այդ ժամկետի յերկարացումը կատարվում ե առանձին բացառիկ դեպքերում միայն (հիվանդության ծանրության և կենցաղային շրջակայության կապակցությամբ) բուժող բժշկի կողմից՝ գլխավոր բժշկի հետ միասին և այն ել միայն սահմանափակ ժամկետով

(եՍՀՄ ժողկոմխորհի կողմից 1937 թ. ոգոստոսի 14-ին հաստատված՝ ՀԱՄԿԽ-ի և եՍՀՄ Առժողկոմատի 1937 թ. հուլիսի 31-ի հրահանգի 21-րդ հոդվածը):

§ 4. Հիվանդանոցային թերթիկներ տալը չի թույլատրվում՝ ա) խրոնիկ հիվանդներին խնամելու համար.

բ) այն հիվանդին խնամելու համար, վորին հիվանդանոցում տեղ ե հատկացվում, բայց ինքը (կամ նրա ընտանիքը) հրաժարվում ե հիվանդանոցում տեղավորվելուց.

գ) առողջ յերեխաներին խնամելու համար, որինակ՝ մոր հիվանդության, մսուրի, մանկապարտեզի, տվյալ յերեխայի վրա կարանտին դնելու և այլ դեպքերում: Նշված դեպքերում յերեխային խնամող ընտանիքի անդամին տեղեկանք ե տրվում մոր հիվանդության կամ կարանտինի մասին, վորպես արդարացուցիչ փաստաթուղթ՝ հարգելի պատճառով աշխատանքի դուրս չգալու մասին.

դ) առողջ յերեխաներին խնամելու համար,— մորը ծննդատնում կամ հիվանդանոցում տեղավորելու դեպքում.

ե) տանն աշխատող արտելի անդամներին,— բոլոր դեպքերում և

զ) հիվանդի հետ միասին շապրող արտելի անդամներին,— բոլոր դեպքերում:

3. Կ Ա Ր Ա Ն Տ Ի Ն

10. Կարանտինի դեպքում նպաստ տրվում ե, յեթե արտելի անդամը, նրան շրջապատող անձանց վարակիչ հիվանդության հետեվանքով, սանիտարական հսկողության մարմինների կողմից հեռացված ե աշխատանքից, իսկ տանն աշխատողը՝ յեթե նրան արգելված ե յեղել աշխատելը և նա, դրա կապակցությամբ ել, իսկապես չի աշխատել:

§ 1. Յեթե բժիշկը հիվանդի մոտ վարակիչ հիվանդություն ե գտնում,— նա այդ մասին պարտավոր ե անմիջապես հայտնել սանիտարական հսկողության մարմիններին, հիվանդի բնակարա-

նում ախտահանում կատարելու համար: Հիվանդը պետք է տեղավորվի հիվանդանոցում: Այդ նույն ժամանակ վարակը տարածելուց խուսափելու համար, վորոշ դեպքերում, հիվանդացածի ընտանիքի անդամներն ազատվում են աշխատանքից:

Կարանտինը կարող է տարածվել վոշ միայն հիվանդացածի ընտանիքի անդամների վրա, այլ նաև նույն բնակարանում կամ սենյակում ապրող այլ անձանց վրա:

§ 2. Վարակիչ հիվանդների և նրանց հետ շփվողների մեկուսացման ժամկետները նախատեսված են ԽՍՀՄ Առժողովոմատի Գիտական բժշկական խորհրդի 1938 թ. ապրիլի 4-ի վորոշմամբ և հաստատված են ԽՍՀՄ Առժողովոմատի կողմից 1938 թ. ապրիլի 20-ին:

Կարանտինի ժամկետները տարբեր են, նայած հիվանդությունից, հիվանդի հետ շփման աստիճանից և նրանից, թե վոր տեղ և վորպես ո՞վ է աշխատում հեռացվողը (հացի փոռում, ճաշարանում, հրուշակային արտադրությունում և այլն):

§ 3. Տանն աշխատող արտելների անդամներին կարանտինի հետեվանքով արձակուրդ տրվում է միայն այն դեպքում, յերբ նրանց կարանտինի նպատակներով արգելվում է իրենց աշխատանքը շարունակել: Այդ դեպքում, տանն աշխատողներին նպաստ տրվում է միայն այն ժամանակ, յերբ աշխատանքից հեռացման ընթացքում նրանք փաստորեն չեն աշխատել: Ամբուլատորիայի բժշկի կողմից (կամ տանը բուժոգնություն ցույց տվող բժշկի կողմից) բոլոր աշխատանքից ազատվածներին հիվանդանոցային թերթիկ է տրվում: Աշխատանքից ազատումը կատարվում է սանիտարական հսկողության կողմից կարանտինի համար սահմանված ժամկետով:

4. ԱՅԼ ԱՇԽԱՏԱՆՔԻ ՓՈՒԱԴՐՈՒՄ

11. Յեթե արտելի անդամը (բացառությամբ տանն աշխատողներից) հիվանդության հետեվանքով չի կարող իր սովորական աշխատանքը կատարել, բայց կարող է առանց առողջությանը վնասելու և առանց բուժման նորմալ ընթացքը խախտելու այլ աշխատանք կատարել, — նա փոխադրվում է այդ աշխատանքին:

§ 1. Կանոնադրության սույն հոդվածի իմաստով այլ (թեթև) աշխատանքի փոխադրելու տակ պետք է հասկանալ միայն կանոնադրության 12-րդ հոդվածի կարգով կատարվելիք փոխադրությունները — տալով հիվանդանոցային թերթիկ: Ամեն տեսակի այլ փոխադրումներ մի ուրիշ, ավելի թեթև աշխատանքի, — բժշկի խորհրդով, բայց առանց հիվանդանոցային թերթիկ տալու կամ հաշմություն կապակցությամբ և այլն, — Կանոնադրության 11—15 հոդվածների կարգով իրավունք չեն տալիս ժամանակավոր անաշխատունակության նպաստ ստանալու: Ուրիշ զուտ պրոֆիլակտիկ բնույթ կրող, ավելի թեթև կամ քիչ վնասակար աշխատանքի նման փոխադրումների (նաև անցումների) ժամանակ, արտելի անդամը հիվանդանոցային թերթիկով ի հաշիվ փոխադարձ ապահովագրության միջոցների՝ վոշ մի հավելավճար իր աշխատավարձին չի ստանում:

Ուրիշակ. Արտելի աշխատունակ անդամը, թույլ թոքերով, զբաղված է փոշոտ աշխատանքի մեջ: Բժշկի խորհրդով նա անցնում է այլ աշխատանքի նույն արտելում: Վորպես աշխատունակ նա հիվանդանոցային թերթիկ չի ստանում, հետեվապես նրան վոշ մի նպաստ չի ել հասնում: Նման դեպքում, յեթե բժիշկը նրան հիվանդանոցային թերթիկ տա ել, — նման թերթիկի տալը կլինի անորինական:

§ 2. Տանն աշխատող արտելների անդամներին հիվանդանոցային թերթիկով այլ (թեթև) աշխատանքի փոխադրումներ չեն անցկացվում, այդ միջոցառման կիրառումը տանն աշխատողների նկատմամբ փաստորեն հնարավոր չլինելու պատճառով: Յեթե տանն աշխատողին բժիշկը հիվանդանոցային թերթիկ է տալիս՝ փոխադրելով թեթև աշխատանքի, արտելի անդամը պետք է արձակուրդի ժամանակի համար ժամանակավոր անաշխատունակության սովորական նպաստ ստանա՝ ընդհանուր հիմունքներով:

12. Այլ աշխատանքի փոխադրելու անհրաժեշտությունը, այդ աշխատանքի բնույթը և այնտեղ գտնվելու տեվողությունը սահմանվում է բուժող

բժշկի կողմից, ըստ վորի, 10 որից ավելի ժամկետով փոխադրելու դեպքում— գլխավոր բժշկի հաստատմամբ, իսկ մեկ ամսից ավելի ժամկետից— բժշկական-աշխատանքային եքսպերտ հանձնաժողովի (ԲԱԵՀ-ի) կողմից: Փոխադրումն իրացվում է արտելի վարչության կողմից— ԱՊԿԲԲ-ի հետ համաձայնեցված:

Յեթե արտելի անդամը համաձայն չէ այլ աշխատանքի փոխադրվելու մասին բուժող բժշկի յեզրակացության հետ,— նա կարող է բողոքարկել բժշկական կոնսուլտացիային կամ բժշկական աշխատանքային եքսպերտ հանձնաժողովին: Յեթե կոնսուլտացիան կամ հանձնաժողովը նրա բողոքը գտնում են անհիմն,— պրոգնոզի որերի համար վորչինչ չի վճարվում:

Արտելների անդամների կողմից բժշկական կոնսուլտացիային կամ բժշկական-աշխատանքային եքսպերտ հանձնաժողովին տրված բողոքները պետք է քննության յենթարկվեն ամեն տեսակի հերթերից դուրս:

§ 1. Որինակ՝ արտելի անդամ չարխագործ վասիլելը փոխադրվել է այլ (թեթեվ) աշխատանքի 10 որվա ժամկետով և նրան տրվել է հիվանդանոցային թերթիկ, վասիլելը թեթև աշխատանքի փոխադրման հետ չի համաձայնվել և բուժող բժշկի վորոշումը բողոքարկել է ԲԱԵՀ-ին, վորը հաստատել է բժշկի կողմից կատարված փոխադրումը: Բողոքարկման համար վասիլելը կորցրել է 2 բանվորական որ: Այդ որերի համար նա չի ստանում վոր՛չ աշխատավարձ և վոր՛չ էլ նպաստ:

§ 2. Արտելի անդամն այլ (թեթեվ) աշխատանքի փոխադրվելուց հրաժարվելու դեպքում, այդ ժամանակամիջոցի համար հիվանդանոցային թերթիկով ժամանակավոր անաշխատունակության նպաստ չի վճարվում, բայց պրոգնոզ էլ չի հաշվվում:

13. Յեթե հնարավոր չլինի անաշխատունակության թերթիկում նշված ժամկետին աշխատանք տալ, — դրա հետևանքով բաց թողած որերի համար նպաստ տրվում է ընդհանուր հիմունքներով:

§ 1. Յեթե բժշկի կողմից հիվանդանոցային թերթիկով այլ (թեթեվ) աշխատանքի փոխադրված արտելի անդամին այդ աշխատանքը տրամադրվում է ուշացումով, այսինքն, յեթե նա, որինակ, 10 բանվորական որից, վոր նա փոխադրված է յեղել թեթեվ աշխատանքի, աշխատել է միայն 6 որ, իսկ 4 որ նրան աշխատանք չի տրամադրվել,— 4 որվա համար պետք է նպաստ տրվի ընդհանուր կարգով լրիվ, իսկ 6 որվա համար՝ համաձայն կանոնադրության 14-րդ հոդվածի:

§ 2. Արտելի ժամանակավոր անաշխատունակ անդամին, համաձայն բժշկի կողմից հիվանդանոցային թերթիկի վրա արված նշումների, այլ (թեթեվ) աշխատանք չտրամադրելու համար, ինքը վոր մի պատասխանատվություն չի կրում և այդ որերի համար նրան հասանելիք ժամանակավոր անաշխատունակության նպաստը պետք է տրվի լրիվ չափով:

14. Այլ աշխատանքի փոխադրվելու դեպքում (հոդ. հոդ. 11—12) ժամանակավոր անաշխատունակության նպաստ տրվում է այն չափով, վորպեսզի նոր աշխատանքի աշխատավարձի հետ միասին չգերազանցի ըստ աշխատանքի ստաժի հաշված նպաստի չափից (հոդ. հոդ. 21—23):

Այդ կարգը չի կիրառվում, յերբ այլ աշխատանքի փոխադրումը տեղի յե ունեցել հղիության կապակցությամբ: Այդ դեպքում, աշխատավարձի պահպանումն ընկնում է արտելի վարչության վրա՝ ԽՍՀՄ Կենտգործկոմի և Ժողկոմխորհի 1936 թ. հունիսի 27-ի «Աբորտների արգելման, նորածինների նյութական ոգնության, բազմանդամների պետական ոգնության սահմանման, ծննդատների ցանցի լայնացման, ալիմենտը չվճարելու համար քրեական պատիժն ու ժեղացնելու և ամուսնալուծության որենսդրության մեջ մի շարք փոփոխությունների մասին» (ԽՍՀՄ Որ. Ժող. 1936 թ., հոդ. 309) վորոշման համաձայն:

§ 1. Այլ (թեթեվ) աշխատանքում աշխատավարձի հաշվումը, վճարման յենթակա նպաստի հասանելիք գումարը հաշվելու,

պետք է կատարվի վոչ թե յուրաքանչյուր որվա համար առանձին, այլ հաշվարկման շրջանի կամ թեթև աշխատանքի փոխադրման վողջ ժամկետի համար միագումարով:

Որինակ 1. Արտելի անդամ Բրյանսկին փոխադրված է յեղել թեթև աշխատանքի, տալով 20 բանվորական որվա հիվանդանոցային թերթիկ: Իրանից նա 10 բանվորական որ աշխատել է, իսկ մնացած ժամանակի համար նրան աշխատանք տրված չի յեղել: Բրյանսկուն ժամանակավոր անաշխատունակության նրպաստ պետք է հաշվել հետևյալ ձևով. Բրյանսկու միջին որական աշխատավարձը հավասար է 20 ուրբլու: Նպաստ նրան հասնում է 100%-ի չափով: Թեթև աշխատանքում, 10 բանվորական որվա համար, նա միջին հաշվով որական աշխատել է 8 ուրբլի: 10 որվա համար, վորի ընթացքում արտելի կողմից նրան թեթև աշխատանք չի տրվել, նա կստանա 200 ուրբլի նպաստ, իսկ թեթև աշխատանքում գտնվելու 10 որվա համար նպաստ պետք է տրվի 120 ուրբլի ($200 - 80 = 120$). Բրյանսկուն ընդամենը նպաստ հասնում է 320 ուրբլի:

Որինակ 2. Յեթե Բրյանսկին տվյալ արտելում ըստ իր անընդհատ ստաժի տևողության իրավունք ունենար նպաստի վոչ թե 100%-ի չափով, այլ միայն 50%, այսինքն, որական 10 ուրբլի, — նպաստ նրան կհաշվվեր հետևյալ չափերով. այն 10 որվա համար, վորը չի աշխատել, — նա կստանա 100 ուրբլի ($10 \times 10 = 100$), իսկ թեթև աշխատանքում յեղած 10 որվա համար Բրյանսկին արդեն կստանա վոչ թե 120 ուրբլի, այլ միայն 20 ուրբլի նպաստ, վորովհետև հավելավճարը թեթև աշխատանքի աշխատավարձի հետ միասին չի կարող բարձր լինել այն նպաստից, վորը Բրյանսկին կստանար, յեթե նա չաշխատեր ($10 - 8 = 2$, $2 \text{ ուրբլ.} \times 10 = 20 \text{ ուրբլ.}$): Այսպիսով նա պետք է արդեն ստանա վոչ թե 320 ուրբլի, այլ 120 ուրբլի:

Որինակ 3. Կիրյակովը փոխադրվել է թեթև աշխատանքի 4 բանվորական որով: Կիրյակովի միջին աշխատավարձը հավասար է որական 10 ուրբլու: Ըստ անընդհատ ստաժի տևողության, նպաստ նրան հասնում է 50% կամ որական 5 ուրբլի: Թեթև աշխատանքում Կիրյակովը 4 որում աշխատել է 32 ուրբլի կամ որական 8 ուրբլի: Հիվանդանոցային թերթիկով նրան նպաստ չի հասնում, վորովհետև Կիրյակովի աշխատավարձը թեթև աշխատանքում բարձր է նրան հասանելիք նպաստից:

§ 2. Հղիության դադարակցությանը կնոջ փոխադրումը թեթև

աշխատանքի, կատարվում է հղիների կոնսուլտացիաների կողմից (իսկ դրանց բացակայության դեպքում — ընդհանուր ամբուլատորիաների), առանց հիվանդանոցային թերթիկ տալու՝ պահպանելով նրանց վերջին 6 ամսվա միջին ամսական աշխատավարձը — արտելի հաշվին:

5. ԿՐՃԱՏ ԲԱՆՎՈՐԱԿԱՆ ՈՐՎԱ ՓՈՒԱԴՐՈՒՄԸ

15. Յեթե արտելի անդամը (բացառությամբ տանն աշխատողներից) հիվանդանալու հետևանքով չի կարողանում լրիվ բանվորական որվա ընթացքում կատարել իր աշխատանքը և փոխադրվում է կրճատ բանվորական որվա (12-րդ հոդվածում նախատեսված կարգով), — անաշխատունակության այդ ժամամանակամիջոցի համար նպաստը, յերբ կրճատ բանվորական որվա աշխատավարձը ցածր է նախկին աշխատավարձից, տրվում է այդ աշխատանքում յեղած ամբողջ ժամանակամիջոցի համար՝ 14-րդ հոդվածով սահմանված կարգով:

§ 1. Տես 14-րդ հոդվածի մեկնաբանումները:

III. ՆՊԱՍՏ ՎՃԱՐԵԼՈՒ ԺԱՄԿԵՏՆԵՐԸ

16. Նպաստ տրվում է աշխատունակության կորուստի առաջին որից սկսած, — հաշվի առնելով աշխատանքը փաստորեն դադարեցնելու որը, — մինչև աշխատունակության վերականգնումը կամ բժշկական աշխատանքային եքսպերտ հանձնաժողովի (ԲԱ.ԵՂ) կողմից հաշմոթյան սահմանումը:

§ 1. Հաճախ և յերկարատև հիվանդացող ապահովագրվածների պիսավոր բժիշկը պետք է բժիշկներ ամրացնի, հայտնելով այդ մասին ֆաբգործտեղկոմին¹⁾. ապահովագրվածին բժիշկ ամրացնելու մասին ֆաբգործտեղկոմը պետք է գրավոր հայտնի

1) Արհեստագործական կոոպերացիայում ԱԳԿԲ-ին կամ արհապգանձարկղին:

ապահովագրվածին, — նախազգուշացնելով, վոր ուրիշ բժիշկների կողմից տրված հիվանդանոցային թերթիկները չեն վճարվի (բացի բացառիկ դեպքերից՝ ֆաբրորտեղկոմների հատուկ վորոշմամբ):

Յեթե ապահովագրվածի մի վորեկից հիվանդությունը չի վերաբերվում այն բժշկի մասնագիտությանը, վորին նա կցված է, — կոնսուլտացիայի համար պետք է հրավիրվի համապատասխան մասնագետ: Այդ ժամանակ, հիվանդանոցային թերթիկը տրվում է յերկու բժշկի կողմից միասին, իսկ 10 որից ավելի, այդ թերթիկի յերկարացումը կատարվում է ընդհանուր կարգով (1937 թ. ոգոստոսի 14-ին ԽՍՀՄ Ժողկոմխորհի կողմից հաստատված ՀԱՄԿե-ի և ԽՍՀՄ Առժողկոմատի 1937 թ. հուլիսի 31-ի հրահանգի հոդ. 8—9 և 17):

§ 2. Յեթե ժամանակավոր անաշխատունակության նպաստ ստանալու տևողությունը վոր մի ժամկետով չի սահմանափակված, — հարց է ծագում՝ ժամանակավոր անաշխատունակությունն առաջանալու որից ի՞նչ ժամկետ անցնելուց հետո կարելի չէ հարց դնել հիվանդացածի հաշմության առկայության մասին:

Արհապահանձարկղները, ԱՊԿԲԲ-ները և բուժող բժիշկները, — յեթե արտելի անդամն աշխատունակության կորուստի կայուն նշաններ ունի, կարող են ցանկացած ժամանակ, անկախ հիվանդության տևողությունից, հարց դնել հաշմության առկայության մասին և հիվանդին ուղարկել ԲԱՆՀ-ին (բժշկական աշխատանքային եքսպերտ հանձնաժողովին), հաշմության խումբը վորոշելու համար:

Ժամանակավոր անաշխատունակության նպաստի վճարումը դադարեցվում է արտելի անդամին հաշմանդամ ճանաչելու որից:

§ 3. Հաշմանդամների շարքին պետք է դասել միայն նրանց, վորոնց հիվանդության նշաններն ընդունել են կայուն, մշտական բնույթ և այն ել բուժման զանազան միջոցառումների կիրառումն անարդյունք լինելուց հետո միայն: Զի թուլյատրվում ժամանակից շուտ հաշմության հետևանքով կենսաթոշակի փոխադրումն այն անձանց, վորոնց անաշխատունակությունը դեռ կարող է վերականգնել (ժամանակավոր հաշմություն, տես ԽՍՀՄ

Աշխտողկոմատի 1929 թ. հոկտեմբերի 8-ի շրջաբերականը, ԽՍՀՄ Աշխտողկոմատի 1929 թ. № 45—46 տեղեկատու):

§ 4. Յեթե ժամանակավոր անաշխատունակության ընթացքում լուծարքի չէ յենթարկվում այն արտելը, վորի անդամն է հանդիսացել հիվանդը, ժամանակավոր անաշխատունակության հետևանքով նրան նպաստը պետք է տրվի մինչև առողջանալը կամ մինչև հաշմության փոխադրելը:

§ 5. Արտելի անդամը հիվանդանոցային թերթիկի վրա գտնվելու ընթացքում, յեթե այն արտելի ձեռնարկությունը, վորում աշխատել է ժամանակավոր անաշխատունակը, հանձնվում է պետական արդյունաբերությանը, — ժամանակավոր անաշխատունակության նպաստը տրվում է մինչև նրա աշխատունակության վերականգնումը կամ հաշմության փոխադրումը փոխադարձ ապահովագրության կարգով, վորովհետև հիվանդանալու մոմենտին նպաստ ստացողը արտելի անդամ է յեղել:

17. Սեղոնային աշխատանքներում զբաղվածների նկատմամբ կիրառվում են հետևյալ կանոնները.

ա) յեթե անաշխատունակությունն առաջացել է պրոֆեսիոնալ հիվանդության կամ աշխատանքային խեղանդամության հետևանքով, — նպաստ տրվում է ընդհանուր հիմունքներով, մինչև անաշխատունակության վերականգնումը կամ հաշմության սահմանումը: Պրոֆեսիոնալ հիվանդության կամ աշխատանքային խեղանդամության առկայությունը վորոշվում է նույն կանոններով, — ինչպես և հաշմության հետևանքով կենսաթոշակ նշանակելիս (1939 թ. հունիսի 28-ին Համարհիտոպահանձխորհրդի նախագահության կողմից հաստատված կենսաթոշակների մասին կանոնադրության 14 և 15-րդ հոդվածները, Համարհիտոպահանձխորհրդի 1939 թ. № 13 բյուլետենը):

բ) Յեթե անաշխատունակությունն առաջացել է այլ պատճառների հետևանքով, — նպաստ, վորպես ընդհանուր կանոն, տրվում է վոր ավելի, քան մինչև այն աշխատանքի սեղոնի վերջանալը, վորտեղ



արտելի անդամը մինչև աշխատունակութեան առաջանալն զբաղված է յեղել: Սակայն այդ դեպքում, նրպաստը չի կարող 75 որոցուցային որից ավելի տրվել:

Սեզոնային աշխատանքների ցուցակները,— նըշելով այդ աշխատանքների տեղությունը,— հրատարակվում են հանրապետական, մարզային (յերկրային) արհապագանձարկղների (գանձարկղների միութեան) կողմից՝ համաձայնեցնելով արհարարողների (արհեստագործական միութեանների) հետ:

§ 1. Սեզոնային աշխատանքների ցուցակները կազմելիս պետք է յեղնել հետևյալ հիմունքներից.

ա) սեզոնային կարող են համարվել այն աշխատանքները, վորոնք կլիմայական և այլ պայմանների կապակցությամբ չեն կարող կլոր տարին կատարվել,— այլ կատարվում են վորոշ ժամկետների, բայց, վորպես կանոն, տարվա ընթացքում վեց ամսից վոշ ավելի:

բ) արտելի մշտական կազմի անձանց չի կարելի սեզոնային աշխատավորներ համարել (թեկուզ նրանք զբաղված ել լինեն սեզոնային աշխատանքում), այլ նաև սեզոնային աշխատանքներում վեց ամսից ավելի աշխատած արտելի անդամներին (որինակ՝ ձմեռային սեզոնային աշխատանքը վերջանալուց հետո— ամառային, նույնպես սեզոնային, աշխատանքին անցնողներին):

գ) սեզոնայինների համար սահմանված սահմանափակումները չեն կարող տարածվել այն արտելների անդամների վրա, վորոնք ըստ իրենց պրոֆեսիայի կարող են կլոր տարին աշխատել, բայց վորոնց աշխատանքը ժամանակավոր անաշխատունակությունն առաջանալու մոմենտին յեղել է սեզոնային,— որինակ, վառարան վառողներ, ջուր վաճառողներ և այլն, այլ նաև շինարարական աշխատանքներում:

Որինակ.— Արտելի անդամ Սոլովեվն զբաղված է արհապագանձարկղի կողմից հրատարակված սեզոնային աշխատանքների ցուցակում նշված աշխատանքում: Սոլովեվը աշխատանքային խեղանդամության հետևանքով, ոգոստոսի 1-ից՝ 4 ամիս ժամկետով անաշխատունակ է յեղել: Նպաստ նա կատանա ընդ-

հանուր կարգով, ժամանակավոր անաշխատունակության ամբողջ ժամանակամիջոցի ընթացքում: Յեթե Սոլովեվը հիվանդանոցային թերթիկով արձակուրդ ստանար ընդհանուր հիվանդության հետևանքով (որինակ՝— գրիպպ),— նա նպաստ կստանար միայն մինչև սեզոնի վերջը (սահմանված տվյալ աշխատանքի համար— առ 1-ն սեպտեմբերի), այսինքն մեկ ամսվա ընթացքում: Սոլովեվը սեզոնի սկզբին հիվանդանալու դեպքում,— որինակ՝ մայիսի 15-ից (սեզոնի սկիզբը մայիսի 10-ից լինելիս),— նպաստ կստանար վոշ թե 4 ամսվա համար, այլ միայն 75 որացուցային որվա համար (այսինքն առ 29 հուլիսի), չնայած նրան, վոր սեզոնը վերջանում է սեպտեմբերի 1-ին:

§ 2. Դժբախտ պատահարը համարվում է տեղի ունեցած աշխատանքի կապակցությամբ (աշխատանքային խեղանդամություն), յեթե նա տեղի յե ունեցել հետևյալ պայմաններից մեկն ու մեկի դեպքում.

ա) արտելի ներքին կարգապահական կանոններով նախատեսված պարտականությունները կատարելիս,— այլ նաև արտելի վարչության կամ նրա կողմից լիազորված անձանց առանձին հանձնարարությունները կատարելիս (նույն թվում գործուղման ժամանակ պաշտոնական պարտականությունները կատարելիս):

բ) թեկուզ և առանց արտելի վարչության կամ նրա կողմից լիազորված անձանց հանձնարարության, բայց արտելի շահերի համար գործողությունները կատարելիս:

գ) այն արտելի հետ կապված հասարակական աշխատանքները կատարելու կապակցությամբ, վորտեղ աշխատում է արտելի անդամը, այլ նաև խորհրդային, կուսակցական, կոոպերատիվ կամ պրոֆեսիոնալ կազմակերպությունների հատուկ հանձնարարությունները կատարելու կապակցությամբ, թեկուզ և այդ հանձնարարությունները կապված ել չլինեն տվյալ արտելի հետ, այլ նաև խորհրդային քաղաքացու պարտականությունները կատարելու կապակցությամբ:

դ) արտելի տերիտորիայում կամ աշխատանքի այլ վայրում բանվորական ժամերի ընթացքում, ներառյալ սահմանված ընդմիջումները, այլ նաև, աշխատանքի սկզբին կամ աշխատանքը վերջանալուց հետո, արտադրության գործիքները, հագուստը և այլն կարգի բերելու համար անհրաժեշտ ժամանակամիջոցում:

ե) աշխատանքի գնալու և աշխատանքից վերադառնալու ժամանակ.

զ) որենքով նախատեսանված պարտադիր դինվորական ծառայության հավաքներն անցնելու կապակցությամբ կամ Պաշտպանության կողմից անցկացվելիք պարապմունքների կապակցությամբ: Տանն աշխատող արտեղների անդամների համար դժբախտ պատահարը համարվում է տեղի ունեցած աշխատանքի կապակցությամբ միայն այն ժամանակ, յերբ այդպիսին տեղի չէ ունեցել «գ» և «զ» կետերում նշված պայմաններում և արտեղից տուն՝ հոմքը և տնից հանձնելու վայրը՝ արտադրանքն ուղեկցելու ժամանակ (Համարհկոոպգանձխորհրդի կողմից 1939 թ. հունիսի 28-ին հաստատված «Կենսաթոշակների մասին Կանոնադրության» 14-րդ հոդված):

§ 3. «Պրոֆեսիոնալ հիվանդություններ համարվում են սույն Կանոնադրությանը կցված ցուցակում նշված հիվանդությունները» (Համարհկոոպգանձխորհրդի կողմից 1939 թ. հունիսի 28-ին հաստատված «Կենսաթոշակների մասին Կանոնադրության» 15-րդ հոդվածը: Հիվանդությունների ցուցակը մեր կողմից չի կրցվում):

18. Վորպես արտեղների անդամներ աշխատող 3-րդ խմբի հաշմանդամներին (ինչպես թոշակառուներին, այնպես էլ կենսաթոշակի իրավունք չունեցողներին) ընդհանուր հիվանդության հետևանքով նպաստ տրվում է անընդհատ 2 ամսից և որացուցային տարում 3 ամսից (1-ից հունվարի առ 31-ը դեկտեմբերի) վոչ ավելի:

Աշխատանքը շարունակող մնացած հաշմանդամներին (1-ին և 2-րդ խմբերի) ընդհանուր հիվանդությունների հետևանքով նպաստ տրվում է նշված կարգով, յեթե հիվանդանոցային թերթիկը տրված չէ այն հիվանդությամբ, ըստ վորի սահմանված է նրա հաշմությունը: Յեթե աշխատող հաշմանդամի ժամանակավոր անաշխատունակությունը տեղի չէ ունեցել պրոֆեսիոնալ հիվանդությունից կամ աշխատանքա-

յին խեղանդամությունից,— նպաստ տրվում է մինչև առողջանալը կամ, նոր հիվանդության կապակցությամբ, հաշմության խմբի վերանայումը:

Այդ կարգը կիրառվում է նաև նեցուկի մահվան հետևանքով կենսաթոշակ ստացող ընտանիքի անդամների նկատմամբ:

§ 1. Կանոնադրության սույն հոդվածով սահմանված ժամանակավոր անաշխատունակության նպաստներ վճարելու սահմանափակումները չեն տարածվում արտեղների այն անդամների վրա, վորոնք թեև կենսաթոշակ են ստանում (ծերության, յերկարամյա ծառայության, նեցուկի մահվանից հետո— մինչև 8 տարեկան հասակի յերեխաների առկայության դեպքում և այլն), բայց հաշմանդամ չեն:

§ 2. Կանոնադրության 18-րդ հոդվածը տարածվում է հաշմանդամների վրա,— անկախ այն հանգամանքից, թե նրանք կենսաթոշակ ստանում են թե վոչ և ի՞նչ կազմակերպությունից (փոխադարձ ապահովագրության կարգով, պետական սոցիալական ապահովագրության կարգով և այլն):

19. Հղիության և ծննդաբերության հետևանքով ժամանակավոր անաշխատունակության նպաստ տրվում է արտեղների անդամ բոլոր կանանց— 35 որացուցային որ մինչև ծննդաբերությունը և 28 որացուցային որ ծննդաբերությունից հետո:

Յեթե մինչ ծննդաբերության շրջանում արձակուրդի փաստացի տևողությունը (հաշված աշխատանքից ազատվելու որից մինչև ծննդյան որը) սահմանված ժամկետից ավելի կամ պակաս լինի,— նպաստ կտրվի փաստորեն արձակուրդում յեղած որերի համար: Հետծննդաբերության շրջանը հաշվում են ծննդաբերության որից:

§ 1. Հղիության արձակուրդ տալիս՝ ժամկետը վորոշելու մեջ սխալներ են տեղի ունենում. արձակուրդ տրվում է մի քիչ ուշ կամ շուտ,— քան հասնում է (ստացվում է ավելի կամ պակաս ոգտագործած արձակուրդ): Յեթե մինչև ծննդաբերության շրջա-

նի արձակուրդի փաստացի տևողությունը (հաշված աշխատանքից ազատվելու օրվանից մինչև ծննդաբերության օրը) յերեսուն հինգ օրացուցային օրից ավելի կամ պակաս լինի,— նպաստ տրվում է փաստորեն արձակուրդում յեղած օրերի համար: Այդ պատճառով էլ նման դեպքերում, հետծննդաբերության շրջանի արձակուրդի ժամանակ նպաստ տրվում է որենքով սահմանված բոլոր օրերի համար (28 օր), անկախ ավելի կամ պակաս օգտագործելու տևողությունից:

Որինակ 1. Սամոյլովյան ծննդաբերության շրջանում, արձակուրդում 35 օրվա փոխարեն յեղել է 49 օր: Ծննդաբերությունից հետո, չնայած մինչև ծննդաբերությունն զգալիորեն ավելի օրեր (14 օր) օգտագործելու առկայությունը, արձակուրդ պետք է ստանա ընդհանուր կարգով, այսինքն 28 օր:

Որինակ 2. Արտեյի անդամ Վասիլեվայի ծննդաբերությունը տեղի յե ունեցել ժամկետից առաջ, վորի հետևանքով նա, մինչ ծննդաբերության շրջանը, 35 օրվա փոխարեն, արձակուրդում գտնվել է միայն 20 օր: Հետծննդաբերության արձակուրդ նա կստանա 28 օր, այսինքն՝ առանց հաշվի առնելու պակաս օգտագործած օրերը:

§ 2. Յեթե կինը, մինչ ծննդաբերության շրջանի արձակուրդի ժամկետն առաջանալու մոմենտը գտնվում է ժամանակավոր անաշխատունակության արձակուրդում (թեկուզ և հիլուսթյան կապակցությամբ),— յերբ նրա այդ արձակուրդը վերջանում է,— նա արձակուրդ ստանում է հիվանդանոցային թերթիկով հիլուսթյան հետևանքով:

§ 3. Հիլուսթյան և հետծննդաբերության շրջանի արձակուրդում գտնվող կինը հիվանդանալիս,— նրան ժամանակավոր անաշխատունակության արձակուրդ չի տրվում, վորովհետև նա արդեն համարվում է անաշխատունակ և գտնվում է արձակուրդում: Սակայն, յեթե հետծննդաբերության շրջանի արձակուրդը վերջանալուց հետո էլ հիվանդությունը շարունակվում է և կինն անաշխատունակ է լինում, նրան աշխատանքի դուրս գալու օրվանից տրվում է նոր հիվանդանոցային թերթիկ՝ ընդհանուր պատճառների հետևանքով ժամանակավոր անաշխատունակության համար, վորը պետք է ընդունել վորպես անաշխատունակության նոր դեպք:

§ 4. Հիլուսթյան և ծննդաբերության դեպքում հիվանդանո-

ցային թերթիկ տրվում է հղիների կոնսուլտացիայի կողմից, իսկ վորտեղ այդպիսին չկա,— ընդհանուր բուժհիմնարկների մանկաբարձ-գինեկոլոգների կողմից: Նման մասնագետների բացակայության դեպքում,— հիվանդանոցային թերթիկը տրվում է ընդհանուր ընդունելությունը տանող բժշկի կողմից (ԽՍՀՄ Ժողկոմխորհի կողմից 1937 թ. ոգոստոսի 14-ին հաստատված ՀԱՄԿԽ-ի և ԽՍՀՄ Առժողկոմատի 1937 թ. հուլիսի 31-ի հրահանգի 18-րդ հոդվածը):

§ 5. Անհրաժեշտ է ի նկատի ունենալ, վոր հիլուսթյան և ծննդաբերության արձակուրդը հաշվում են օրացուցային օրերով, իսկ նպաստն ըստ հիվանդանոցային թերթիկի, սովորաբար վճարվում է այդ արձակուրդի շրջանում յեղած բոլոր բանվորական օրերի համար (աշխատանքի դուրս գալու օրերն ըստ գրաֆիկի), վորը կազմում է՝ մինչ ծննդաբերության արձակուրդի համար մոտավորապես 30 և հետծննդաբերության արձակուրդի համար մոտավորապես 24 բանվորական օր:

20. Որենքով թույլատրված արբոտի կատարման և վիժման դեպքերում նպաստ տրվում է նույն ձևով, ինչպես և ընդհանուր հիվանդության դեպքում: Յեթե բուժհիմնարկից դուրս կատարած արբոտը,— առաջացրել է յերկարատև հիվանդություն,— նպաստ տրվում է ԽՍՀՄ Ժողկոմխորհի կողմից 14 ոգոստոսի 1937 թ. հաստատված ՀԱՄԿԽ-ի և ԽՍՀՄ Առժողկոմատի «Ապահովագրվածներին հիվանդանոցային թերթիկներ տալու մասին» հրահանգի 19-րդ հոդվածի 2-րդ ծանոթությամբ սահմանված կարգով (ԽՍՀՄ Որ. Ժող. 1937 թ. № 54, էջ 229):

§ 1. «Արբոտի հետևանքով հիվանդանոցային թերթիկ տրվում է միայն այն դեպքում, յեթե արբոտը բժշկական ցուցումներով կատարված է հիվանդանոցում կամ ծննդատնում» (ԽՍՀՄ Ժողկոմխորհի և Կենտգործկոմի 1936 թ. հունիսի 27-ի վորոշման 1-ին հոդվածը, ԽՍՀՄ Որ. Ժող. № 34, էջ 309):

Այս դեպքում հիվանդանոցային թերթիկ տրվում է արբոտ կատարող բժշկի կողմից՝ գլխավոր բժշկի հաստատմամբ,— վորի

ժամկետը վորոշվում է ապահովագրվածի առողջութեան դրութեան և պրոֆեսիայի կապակցութեամբ:

Աբորտի մնացած դեպքերում (ներառյալ և վոշ լրիվ աբորտի դեպքերը — բուժհիմնարկից դուրս սկսած և բուժհիմնարկում վերջացրած), հիվանդանոցային թերթիկ չի տրվում:

Ծանոթություն 1. Ինքնաբերական աբորտի դեպքում (մինչև հղիութեան 196 օրը լրանալը) հիվանդանոցային թերթիկ տրվում է նույնպես, ինչպես ընդհանուր հիվանդութեան դեպքում:

Ծանոթություն 2. Յեթե բուժհիմնարկից դուրս կատարած աբորտն առաջացրել է յերկարատև հիվանդություն, — առանձին դեպքերում, կարող է տրվել հիվանդանոցային թերթիկ՝ միայն ամեն անգամ ֆաբրործտեղիումի կամ սոցիալական ապահովագրութեան խորհրդի) վորոշմամբ և այն ել-միայն անաշխատունակութեան 11-րդ որից սկսած ժամանակամիջոցի համար (հաշվելով աբորտի որից), բայց հիվանդանոցային թերթիկի վրա բժշկի «վոշ որինական» նշանառումով, վորի մասին միաժամանակ հայտնուվում է դատախազութեանը (ԽՍՀՄ Ժողկոմխորհի կողմից 1937 թ. ոգոստոսի 14-ին հաստատված ՀԱՄԿԿ-ի և ԽՍՀՄ Առժողկոմատի 1937 թ. հուլիսի 31-ի հրահանգի 19-րդ հոդվածը):

IV. ՆՊԱՍՏՆԵՐԻ ԶԱՓԵՐԸ

21. Ժամանակավոր անաշխատունակութեան նըպաստ (չհաշվելով հղիութեան ու ծննդաբերութեան նըպաստը) արտելների բոլոր անդամներին տրվում է հետևյալ չափերով՝ տվյալ արտելում աշխատանքի անընդհատ ստաժի կապակցութեամբ:

Միևնույն արտելում աշխատանքի անընդհատ ստաժի դեպքում	Ընդհանուր արհեստանոցներում աշխատող արտելների բոլոր անդամներին	Տանն աշխատող արտելների անդամներին
6 տարուց ավելի	Աշխատավարձի 100%	Աշխ. վարձի 80%
3 » մինչև 6 տարի	» 80%	» 60%
2 » » 3 »	» 60%	» 40%
մինչև 2 »	» 50%	» 25%

1) Արհկոպերացիայի գծով — ԱԳԿԲ-ի:

§ 1. Կանոնադրութեան սույն հոդվածը սահմանում է հիվանդութեան (աշխատանքային և կենցաղային խեղանդամութուն, պրոֆեսիոնալ և ընդհանուր հիվանդություն), կարանտինի և ընտանիքի հիվանդ անդամին խնամելու հետևանքով ժամանակավոր անաշխատունակութեան նպաստների չափերը: Նպաստի չափը կախված է աշխատանքի ստաժի անընդհատութունից տվյալ արտելում և նրանից, թե արտելի տվյալ անդամի աշխատանքն ընթացել է արտելի ընդհանուր արհեստանոցում թե տանը: Կանոնադրութեան սույն հոդվածով ժամանակավոր անաշխատունակութեան նպաստների չափերը սահմանված են տվյալ արտելում աշխատանքի անընդհատ յերկարատև ստաժ ունեցող ազնիվ ու բարեխիղճ աշխատավորների առավելագույն սպասարկման նպատակով, և դրանով իսկ նպաստելու՝ աշխատանքային կարգապահութեան ամրացմանը արհեստագործական կոպերացիայում և շվոդների, լոդերի ու գործալիքների դեմ պայքարին: Ընդհանուր արհեստանոցներում աշխատողների համար նըպաստների ավելի բարձր չափեր են սահմանված, քան տանն աշխատողների համար:

§ 2. Նպաստների ավելի բարձրացված չափեր են սահմանված աժխի հանույթի մեջ զբաղվածների (հոդ. 22), անչափահասների (հոդ. 23) և հղիութեան ու ծննդաբերութեան արձակուրդի ժամանակամիջոցի (հոդ. 26) համար:

§ 3. Նպաստի չափը վորոշող աշխատանքի անընդհատ ստաժըն արտելում հաշվում են ժամանակավոր անաշխատունակութունն առաջանալու որից: Անաշխատունակութեան շրջանում ստաժի կուտակումը նպաստի չափն ավելացնելու իրավունք չի տալիս:

Որինակ. կետտեվն արտելում աշխատում է 1933 թ. սեպտեմբերի 20-ից: 1939 թ. սեպտեմբերի 4-ին նա հիվանդանոցային թերթիկով արձակուրդ է ստանում և համարվում է ժամանակավոր անաշխատունակ մինչև 1939 թ. նոյեմբերի 25-ը: Կետտեվին ժամանակավոր անաշխատունակութեան նպաստ պետք է վճարվի աշխատավարձի 80%-ի չափով, վորովհետև արձակուրդ սկսվելու օրը նրա անընդհատ ստաժը կազմում է 5 տարի 11 1/2 ամիս: Սեպտեմբերի 20-ից սկսած կետտեվի աշխատանքի

6 տարին արտելում լրանալու որվանից) նպաստի ավելացումը մինչև 100% չի կարող թուլլատրվել:

§ 4. Կիզահողա-մշակման (տորֆի) աշխատանքներում, բարահանքերում, անտառամթերման մեջ և այլն աշխատող արտելների անդամները ժամանակավոր անաշխատունակության նրպաստներով ապահովվելիս հավասարեցվում են ընդհանուր արհեստանոցներում աշխատողներին:

§ 5. Արտելի ժամանակավոր անաշխատունակ անդամի ժամանակավոր տեղավորումը հիվանդանոցում, սանատորիայում և այլն,— պատճառ չի հանդիսանում նրան հասանելիք ժամանակավոր անաշխատունակության նպաստի չափի իջեցման:

§ 6. Այն դեպքերում, յերբ ժամանակավոր անաշխատունակության արձակուրդի սկզբի մոմենտին արտելի անդամն ուղիղ յերկու տարվա անընդհատ աշխատանքի ստաժ է ունենում արտելում,— նպաստ նրան պետք է նշանակվի 60%-ի չափով, յեթե նա անընդհատ արհեստանոցում է աշխատում, և 40%՝ յեթե նա տանն է աշխատում: Նույն կարգով նպաստ պետք է նշանակվի նաև ուղիղ 3 և 6 տարի աշխատողներին:

Որինչակ. Սիմոնյանն արտելում սկսել է աշխատել 1936 թ. հոկտեմբերի 17-ից և ամբողջ ժամանակ այնտեղ աշխատել է անընդհատ մինչև 16 հոկտեմբերի 1939 թ., իսկ հոկտեմբերի 17-ից Սիմոնյանը հիվանդացել և ժամանակավոր անաշխատունակության արձակուրդ է ստացել 13 որով: Նպաստ նրան, վորպես մինչև անաշխատունակության առաջին որն ուղիղ 3 տարի աշխատող, պետք է տրվի 80%-ի չափով:

22. Ածխի հանույթում կամ շախտաչի նախապատրաստական աշխատանքներում աշխատողներին ժամանակավոր անաշխատունակության նպաստ տրվում է, միևնույն շախտում յերկու և ավելի տարվա աշխատանքի անընդհատ ստաժ ունենալու դեպքում— աշխատավարձի 100 տոկոսը, իսկ մինչև յերկու տարին՝ աշխատավարձի 60 տոկոսը:

§ 1. Սույն հոդվածով նախատեսված նպաստների արտոնյալ չափերը տարածվում են վոչ միայն այն անձանց վրա, վորոնք անմիջականորեն ղբաղված են ածխահանույթով (հանքապեղիչ,

ներհատիչ և այլն) և շախտի նախապատրաստական աշխատանքներում,— այլ նաև ածխի շախտերի բոլոր ստորերկրյա բանվորների վրա (ձիապահներ, ձի բշտղներ և այլն):

§ 2. Ածխի շախտաների դուրսն աշխատող անձանց, այլ նաև ուրիշ, թեկուզ և ստորերկրյա աշխատանքներում, բայց վոչ ածխի հանույթի գծով աշխատողների (հանքի հանույթի և այլն) վրա սույն հոդվածով նախատեսված արտոնությունները չեն տարածվում:

23. Մինչև 18 տարեկան անչափահասներին ժամանակավոր անաշխատունակության նպաստ տրվում է.

Միևնույն արտելում աշխատանքի անընդհատ ստաժի դեպքում	Ընդհանուր արհեստանոցում աշխատողներին	Տանն աշխատողներին
2 տարուց ավելի	Աշխատավարձի 80%	Նշխ-վար 60%
Մինչև 2 տարի	» 60%	» 40%

Նպաստների նույն նորմաները (80 և 60 տոկոս) տարածվում են մինչև 18 տարեկան անչափահասներին՝ ֆաբրորժուսի և պրոֆտեխնիկական դպրոցների աշակերտների վրա, բոլոր դեպքերում էլ, նրանց վրա պահպանելով թոշակը լրիվ չափով:

§ 1. Կանոնադրության սույն հոդվածով նպաստների բարձրացված չափերը սահմանված են այն անչափահասների համար, վորոնց ժամանակավոր անաշխատունակությունն առաջացել է

մինչև 18 տարեկան հասակը: Հասակը պետք է վորոշվի առ ժամանակավոր անաշխատունակութունն առաջանալու որը:

Այդ պատճառով սխալ պետք է համարել առանձին դանձարկըղները և ԱՊԿԲԲ-ների պրակտիկան, վորոնք ժամանակավոր անաշխատունակության շրջանում 18 տարին լրացած անչափահասներին—մինչև 18 տարին նպաստ վճարում են սույն հոդվածով սահմանված չափերով, իսկ 18 տարին լրանալուց հետո,— փոխում են նպաստի չափը— սահմանելով ըստ կանոնադրության 21-րդ հոդվածի:

Հիվանդացած անչափահասը մինչև 18 տարին լրանալը նպաստ պետք է ստանա ժամանակավոր անաշխատունակության վորջ ժամանակամիջոցի համար՝ անչափահասների համար սահմանված չափերով:

Որինակ. Միմոնյանը 17 տարի 11 ամիս հասակում հիվանդացել և գտնվել է ժամանակավոր անաշխատունակության արձակուրդում 3 ամիս: Հիվանդության ամբողջ ժամանակամիջոցի համար նա նպաստ պետք է ստանա անչափահասների համար սահմանված նորմաներով, թեկուզ հիվանդության 3 ամսից յերկուսն անաշխատունակն անց է կացրել 18 տարին լրանալուց հետո:

§ 2. Փոխադարձ ապահովագրության մուծանքները յենթակա յեն վճարման վոչ միայն ֆաբրիկա-գործարանային դպրոցների աշակերտության աշխատավարձի դիմաց— տրված սովորելու ժամանակ արհեստանոցներում աշխատանքի համար, այլ նաև թոշակի դիմաց:

Այդ պատճառով կանոնադրության 23-րդ հոդվածով նախատեսված է, վոր աշակերտի ժամանակավոր անաշխատունակութունն առաջանալու դեպքում, նրան արհապագանձարկղների կողմից նպաստ պետք է տրվի թոշակի և աշխատավարձի ընդհանուր գումարից,— հետևյալ կարգով.

ա) թոշակի 100 տոկոսի չափով,—անկախ սովորելու ստաժի տևողութունից:

բ) աշխատավարձի 60 կամ 80 տոկոսի չափով,—ստաժի կապակցությամբ:

Որինակ. Պետրովը ֆաբգործուում սովորում է առաջին տարին: Պետրովը 17 ու կես տարեկան է: Ժամանակավոր անաշխատունակության նպաստը կկազմի թոշակի 100 տոկոսից

և աշխատավարձի 60 տոկոսից: Այդ բոլոր նպաստը վճարվում է արհապագանձարկղի կողմից, իսկ արտելն աշակերտին վոչ մի վճարում չի կատարում:

24. Տանն աշխատող 1-ին և 2-րդ խմբերի համանդամներին, յեթե նրանք թոշակավորվելու ժամանակ դասված են յեղել 1-ին կամ 2-րդ խմբերին (կենսաթոշակների կանոնադրության 10-րդ հոդվածը),— նպաստ վճարվում է ընդհանուր արհեստանոցներում աշխատող արտելների անդամների համար սահմանված չափերով:

§ 1. Մինչև թոշակավորվելը տանն աշխատած 1-ին և 2-րդ խմբի համանդամներին, այլ նաև 3-րդ խմբի բոլոր հաշմանդամների վրա (անկախ մինչև թոշակավորվելն աշխատանքի վայրից) սույն հոդվածով նախատեսված արտոնութունները շեն տարածվում, այսինքն՝ տանն աշխատելու դեպքում, նրանց ժամանակավոր անաշխատունակության նպաստ պետք է վճարվի տանն աշխատողների համար սահմանված չափերով:

§ 2. Սույն հոդվածով սահմանված արտոնութունները տարածվում են միայն այն հաշմանդամների վրա, վորոնք ապահովվում են փոխադարձ ապահովագրության և արհեստագործական կոոպերացիայի փոխոգնության գանձարկղների կողմից, և շեն կարող տարածվել պետական սոցիալական ապահովագրության և այլ կարգով ապահովութունների վրա (որինակ՝ զինվորական հաշմանդամներ):

25. Վոչ հանրայնացված կենդանի լծկան ուժի (ձիեր, ուղտեր, եշեր և այլն) վրա աշխատող արտելների անդամներին ժամանակավոր անաշխատունակության նպաստ տրվում է տանն աշխատողների համար սահմանված չափերով:

§ 1. Իր ձին, ուղտը և այլն, արտադրության գործիքների հանրայնացման կարգով, արտելին հանձնած արտելի անդամը ժամանակավոր անաշխատունակության նպաստներով յենթակա յեն ապահովվման ընդհանուր արհեստանոցներում աշխատողների

համար սահմանված չափերով, և այն դեպքում, յերբ նա արտելի վարչության հանձնարարությամբ արտելին պատկանող կենդանուն պահում է իր գոմում:

26. Հղիության ու ծննդաբերության հետևանքով ժամանակավոր անաշխատունակության նպաստ բոլոր արտելների կին անդամներին (ընդհանուր արհեստանոցներում և տանն աշխատող) տրվում է հետևյալ չափերով՝ տվյալ արտելում աշխատանքի անընդհատ ստաժի կապակցությամբ.

3 տարուց ավելի	աշխ-վարձի 100 տոկոս
1½ » մինչև 3 տարի	» 80 »
1 » » 1½	» 65 »
7 ամսից » 1 »	» 55 »

§ 1. Հղիության ու ծննդաբերության արձակուրդի ժամանակ նպաստ տրվում է ավելի բարձր չափերով, քան ժամանակավոր անաշխատունակության այլ դեպքերի ժամանակ, պահանջելով՝ ավելի պակաս անընդհատ աշխատանքի ստաժ տվյալ արտելում:

§ 2. Հղիության կապակցությամբ ժամանակավոր անաշխատունակության արձակուրդ ստացած կանայք (բայց վոչ հղիության ու ծննդաբերության արձակուրդ) նպաստներով ապահովվում են ընդհանուր կարգով և վոչ թե համաձայն սույն հոդվածի:

Որինակ. Տանն աշխատող (տնագործ) արտելի անդամ Պյատիգորսկայան 1939 թ. սեպտեմբերի 16-ից ժամանակավոր անաշխատունակության արձակուրդ է ստացել այն կապակցությամբ, վոր հղիության բարդությունների հետևանքով նա չի կարողացել աշխատել նույնիսկ թեթև աշխատանքում: 1939 թ. նոյեմբերի 1-ին կոնսուլտացիայի բժիշկները Պյատիգորսկայային փոխադրել են հղիության արձակուրդի 35 օրով՝ մինչև ծննդաբերու-

թյունը, տարով հիվանդանոցային նոր թերթիկ, վորը հետագայում, ծննդաբերության օրից փոխվել է հետծննդաբերության արձակուրդի: Սակայն, ծննդաբերությունից հետո, Պյատիգորսկայայի առողջության վերականգնումը ընթացել է վատ և 1940 թ. հունվարի 2-ին հետծննդաբերության արձակուրդը (28 օրից հետո) լրանալուց հետո, նա չի կարողացել աշխատանքի դուրս գալ: Կոնսուլտացիան նրան 1940 թ. հունվարի 3-ից տվել է հիվանդանոցային նոր թերթիկ՝ ընդհանուր հիվանդության հետևանքով ծննդաբերությունից հետո բարդություններ առաջանալու կապակցությամբ:

Պյատիգորսկայան արտելում, վորպես տան աշխատող (տնագործ) աշխատում է 1936 թ. հոկտեմբերի 24-ից:

Նպաստ նրան պետք է տրվի հետևյալ չափերով.
ա) մինչև մինչև ծննդաբերության արձակուրդի սկիզբը հիվանդության օրերի համար— վորպես 2-ից մինչև 3 տարի տնագործ արտելականի ստաժ ունեցողի,— աշխատավարձի 40 տոկոսը.

բ) հղիության և ծննդաբերության արձակուրդի օրերի համար, վորպես 3 տարուց ավելի ստաժ ունեցողի (հոկտեմբերի 24-ին լրացել է աշխատանքի 3 տարին),— աշխատավարձի 100 տոկոսը.

գ) հետծննդաբերության արձակուրդը լրանալուց հետո հիվանդության օրերի համար, վորպես 3-ից մինչև 6 տարվա ստաժ ունեցողի,— աշխատավարձի 60 տոկոսը:

§ 3. Սույն հոդվածով նախատեսված չափերով հղիության և ծննդաբերության արձակուրդի ժամանակ նպաստ տրվում է միայն նպաստի իրավունք ունեցողներին, այսինքն՝ մինչև հղիության արձակուրդի սկիզբը, 7 ամսից վոչ պակաս աշխատողներին (տես հոդ. 4):

27. Ժամանակավոր անաշխատունակության նրանուց անցած օրերը նշանակելիս (հոդ. հոդ. 4, 21, 22, 23, 26) աշխատանքի ստաժը համարվում է անընդհատ, յեթև արտելի անդամը մի արհեստանոցից փոխադրվել է նույն արտելի մի ուրիշ արհեստանոց՝ արտելի վարչության վորոշմամբ կամ մի արտելից մի ուրիշ՝ արտելի ապախոշորացման և խոշորացման կապակցու-

Յլամբ, կամ փոխադրված և արհեստագործական միության կողմից:

Անընդհատ ստաժը հաշվելիս բանվորների և ծառայողների աշխատանքի ժամանակամիջոցը հաշվասարեցվում է արհեստագործական կոոպերացիայի արտելի անդամի աշխատանքին, յեթե վարձու աշխատանքից արտելի անդամների կազմի մեջ փոխադրումը կատարվել է համապատասխան կազմակերպությունների հատուկ վորոշման համաձայն:

Ժամանակավոր անաշխատունակության նպաստ ստանալու ժամանակամիջոցը ստաժ հաշվելիս, — հաշվասարեցվում է աշխատանքին:

§ 1. Տվյալ արտելում աշխատանքի անընդհատ ստաժի տեվողությունը հաշվելիս, նրա մեջ է մտցվում նաև վարձու աշխատանքի ժամանակամիջոցը նույն արտելում, վորն անմիջականորեն նախորդել է վորպես արտելի անդամ կամ թեկնածու աշխատանքին:

§ 2. Տվյալ արտելում վերջին աշխատանքին նախորդող աշխատանքը՝ դադարեցված լուծարքի, սեզոնը վեջանալու, հաստիքների կրճատման, անհամապատասխան լինելու և այլ պատճառների կապակցությամբ, չի մտցվում աշխատանքի անընդհատ ստաժի մեջ, — անկախ ընդմիջման տեվողությունից:

Կատարած հանցագործության, կանոնադրությունն ու աշխատանքային կարգապահությունը խախտելու և իր ցանկությամբ աշխատանքը թողնելու մասին, — տես Կանոնադրության 3-րդ հոդվածի մեկնաբանումները:

§ 3. Սեզոնը վերջանալու կապակցությամբ աշխատանքը թողած, թեկուզ և արտելի կազմից դուրս չեկած ու աշխատանքը վերսկսելուց հետո հիվանդացած, — արտելների անդամները ժամանակավոր անաշխատունակության նպաստ ստանում են համաձայն վերջին աշխատանքի տեվողության: Նախորդ սեզոնների աշխատանքը չի կարող անընդհատ ստաժի մեջ մտցվել:

§ 4. Համաձայն Կանոնադրության 3, 4, 51, 52 և 53 հոդվածների ժամանակավոր անաշխատունակության այն որերը, վոր

րոնք յենթակա չեն նպաստով բավարարման, — չեն մտցվում անընդհատ ստաժի մեջ, բայց չեն ել ընդհատում նրան:

28. ԲԳԿԻ շարքերում գտնվելու, փոխադարձ ու սոցիալական ապահովագրության կարգով կենսաթոշակ ստանալու, արտելի ներքին կարգապահական կանոններով նախատեսված առանց աշխատավարձի պահպանման արձակուրդի, այլ նաև առանց աշխատավարձի պահպանման պարապուրդի ժամանակամիջոցը, չեն խախտում աշխատանքի ստաժի ընթացքը, բայց և չեն ել մտցվում ստաժի մեջ:

§ 1. Ուսումնական հաստատություններում սովորելու ժամանակամիջոցն ընդհատում է անընդհատ ստաժը, թեկուզ և արտելի անդամն աշխատանքը վերսկսի նույն արտելում: Արտելների անդամների, արհեստագործական կոոպերացիայի սիստեմի կողմից կազմակերպված զանազան դասընթացներում գտնվելու ժամանակամիջոցը, — աշխատավարձը պահպանելու դեպքում (կամ այդ աշխատավարձը վորպես թոշակ վճարելու միջոցով), — վոր միայն չի ընդհատում անընդհատ ստաժը, այլ և մտցվում է նրա մեջ:

§ 2. Բանվորա-Գյուղացիական Կարմիր Բանակի և Ռազմա-Մովային Նավատորմի շարքերում գտնվելու ժամանակամիջոցը չի մտցվում անընդհատ ստաժի մեջ, բայց չի յել ընդհատում նրան, յեթե արտելի վերջին աշխատանքից հեռացումը տեղի յե ունեցել զինակոչի կապակցությամբ և յեթե զորացրվածն արտելում սկսել է աշխատել անմիջապես բանակից կամ նավատորմից հեռացվելուց հետո: Այս դեպքում չի պահանջվում, վոր արտելի անդամը վերադառնա այն նույն արտելը, վորտեղ նա աշխատել է մինչև զինակոչը: Այդ նույն հիմունքներով անընդհատ ստաժի մեջ է մտցվում և մինչ զինակոչն ունեցած վարձու աշխատանքը:

Այսպիսով, յեթե զորացրվածը մինչև զինակոչը յեղել է բանվոր կամ ծառայող, կամ արտելի անդամ, — նրա անընդհատ ստաժի մեջ պետք է մտցնել վոր միայն նրա անընդհատ ստաժը բանակից հետո, այլ և մինչև բանակը:

Որինակ 1. Վլասովան արտելում աշխատել է 1934 թ. մար-

տի 1-ից: 1936 թ. հոկտեմբերի մեկին նա կանչվել է Կարմիր Բանակ և զորացրվելով 1938 թ. հոկտեմբերի 1-ին, վերադարձել է մի ուրիշ արտել: 1939 թ. ոգոստոսի 15-ին Վլասովյան հիվանդացի է: Նպաստի չափը վորոշելու համար, Վլասովյայի ստածը պետք է հաշվել այսպես.

ա) 1934 թ. մարտի մեկից առ 1-ն հոկտեմբերի 1936 թ.— 2 տարի 7 ամիս.

բ) 1938 թ. հոկտեմբերից առ 1-ն ոգոստոսի 1939 թ.— 10½ ամիս՝ ընդամենը 3 տարի 5 ամիս 15 օր:

Վորովհետև Վլասովյայի աշխատանքի անընդհատ ստածը գերազանցում է 3 տարուց և նա աշխատել է անընդհատ արհեստանոցում,— նպաստ պետք է տրվի աշխատավարձի 80 տոկոսի չափով:

Ուրինակ 2. Վասինն աշխատել է Յերևանի մեխանիկական գործարանում վորպես ճախարակագործ՝ 1935 թ. փետրվարից առ 1937 թ. սեպտեմբերը: Այնուհետև նա կանչվել է Կարմիր Բանակ,— ուր ծառայել է մինչև 1939 թ. սեպտեմբերը: Զորացրվելով, Վասինը մտնում է Յերևանի արհեստագործական արտելներից մեկը: Յերևու օրից հետո Վասինը հիվանդանում է: Վասինը հիվանդանոցային թերթիկով նպաստ կստանա վորպես 2 տարուց ավել անընդհատ ստած ունեցող (2½ տարի մինչև բանակը վարձու և 2-օր էլ բանակից հետո արտելում):

§ 3. Բանվորա-Գյուղացիական Կարմիր Բանակի և Ռազմա-Մովային Նավատորմի շարքերը վարժության հավաքի կանչված արտելների անդամները պահպանում են իրենց աշխատանքի տեղն ու աշխատավարձի կեսը: Դրա կապակցությամբ էլ վարժությունների հավաքն անցնելու ժամանակամիջոցը մտցվում է անընդհատ ստածի մեջ: Յեթե արտելի անդամը, վարժության հավաքի ընթացքում, ժամանակավոր անաշխատունակ է լինել,— նրան վճարվում է աշխատավարձի 50 տոկոսը ԲԳԿՖ ֆոնդի հաշվին (բայց վոչ ժամանակավոր անաշխատունակության նպաստ): Հավաքը վերջանալուց հետո ժամանակավոր անաշխատունակությունը շարունակվելու դեպքում,— նա նպաստ ստանում է հիվանդանոցային թերթիկով, ընդհանուր հիմունքներով:

§ 4. Սեզոնային պարապորդի ժամանակամիջոցը,— ընդհատում է անընդհատ աշխատանքի ստածն արտելում:

§ 5. Ժամանակավոր անաշխատունակության նպաստի չափը վորոշելու համար, աշխատանքի անընդհատ ստածի տեվողությունը տվյալ արտելում սահմանելիս,— ԱՊԿԲԲ-ները չպետք է սահմանափակվեն միայն աշխատանքի սկզբի որաթիվը սահմանելով, այլև պետք է պարզեն՝ թե աշխատանքի ընթացքում չեն լինել արդյոք այնպիսի ժամանակաշրջաններ, վորոնք չեն մտցրվում ստածի մեջ և չեն ընդհատում նրան, այլ նաև ստածի ընթացքն ընդհատող ժամանակաշրջաններ:

29. Արտելների բոլոր անդամների համար, բացառությամբ տանը և չհանրայնացված— կենդանի լծկան ուժի վրա աշխատողներից, նպաստի չափը չի սահմանափակվում մի վորեկից առավելագույն չափով (մաքսիմումով):

Տանը և չհանրայնացված կենդանի լծկան ուժի վրա աշխատող արտելների անդամների համար ժամանակավոր անաշխատունակության նպաստը չի կարող գերազանցել ամսական 300 ռուբլուց: Այդ պատճառով, նրանց համար որական նպաստը չի կարող գերազանցել 300 ռուբլին՝ այն ամսվա բոլոր օրացուցային (կամ բանվորական) օրերի թվի վրա բաժանելուց ստացած գումարից, վորի ընթացքում նրանք անաշխատունակ են լինել: Հղիության ու ծննդաբերության հետեվանքով ժամանակավոր անաշխատունակության նպաստ վճարելիս,— առավելագույն չափը (մաքսիմում) չի կիրառվում:

§ 1. Ժամանակավոր անաշխատունակության նպաստը մաքսիմումով սահմանափակելիս,— սովորական կարգով հաշվում են փաստացի միջին աշխատավարձից, բայց հաշված նպաստի ընդհանուր գումարը չի կարող գերազանցել նպաստի սահմանված մաքսիմումից:

Ուրինակ 1. Տանն զբաղված արտելի անդամ Կլյուեվին նպաստ պետք է տրվի 16 օրվա համար աշխատավարձի 80 տոկոսի չափով: Կլյուեվին աշխատավարձը միջին հաշվով որական 12 ռուբլի լի: 12 ռուբլու 80 տոկոսը կազմում է 9 ռ. 60 կ., վորը ֆլայյանը կստանա լրիվ, վորովհետեվ այդպիսին ցածր է մաք-

սիմոնից (300 ռ.: 30=10 ռ. Կլյուեվին հիվանդացած ամսում յեղել է 30 սրացուցային որ):

Որինակ 2. Յեթե Կլյուեվը դատած լիներ վոչ թե որական 12 ռուբլի, այլ 20 ռուբլի— դրա 80 տոկոսը կկազմի 16 ռուբլի: 30 սրացուցային որ ունեցող ամսում նա 16 ռուբլու փոխարեն նրպաստ կստանա 10 ռուբլի (մաքսիմում), իսկ 31 սրացուցային որ ունեցող ամսում— միայն 9 ռ. 68 կ. (300 ռուբ.: 31=9 ռ. 68 կ.):

Որինակ 3. Իր ձեռքով սայլի տրանսպորտի արտելի անդամ Կաշիրսկին հիվանդանոցային թերթիկ է ստացել 4-ից առ 17-ն ապրիլի: Այդ ժամանակամիջոցում Կաշիրսկուն 2 հանգստի որ (կիրակի) ունի: Այսպիսով, Կաշիրսկին հիվանդության հետևանքով բաց է թողել 13 բանվորական որ: Կաշիրսկու աշխատավարձը, հաշված համաձայն սույն կանոնադրության 33 և 34 հոդվածների՝ հավասար է որական 16 ռուբլու:

Հիվանդանոցային թերթիկով Կաշիրսկուն, վորպես 4 տարի անընդհատ աշխատողի, նպաստ հասնում է 80 տոկոսի չափով կամ որական 12 ռ. 80 կ.: Բայց վորովհետև Կաշիրսկու նպաստի չափը սահմանափակվում է մաքսիմումով— ամսական 300 ռուբլի,— ապրիլի համար, վորի ընթացքում ունեցել է 25 բանվորական որ,— այդ կկազմի որական 12 ռ.: Կաշիրսկանը նպաստ կստանա վոչ թե որական 12 ռ. 80 կ., այլ 12 ռուբլի: Յեթե Կաշիրսկին հիվանդացած լիներ փետրվարին, յերբ նա ունեցել է 24 բանվորական որ,— նպաստ կստանար որական 12 ռ. 50 կ. (300 ռ.: 24=12 ռ. 50 կ.) և այլն:

V. ՆՊԱՍԵ ՀԱՇՎԵԼՈՒ ԿԱՐԳԸ

30. Այն աշխատավարձի մեջ, վորից նպաստ են հաշվում, մտցվում են աշխատավարձի բոլոր տեսակները, վորից ապահովագրական մուծանքներ են հաշվում՝ բացի արտելի ներքին կարգապահական կանոններով սահմանված, բանվորական որից դուրս կատարած աշխատանքի համար վարձատրությունից, հերթական ու լրացուցիչ արձակուրդի և համատեղություն համար վարձատրությունից, այլ նաև միանվագ բնույթ կրող ամեն տեսակի վճարումից:

Սակայն, յեթե յուրաքանչյուր առանձին ամիս աշխատած ժամերի ընդհանուր թիվը չի գերազան-

ցում ներքին կարգապահական կանոններով սահմանված ըստ նորմայի բանվորական ժամերի գումարից,— այդ դեպքում, արտելի ներքին կարգապահական կանոններով սահմանված առանձին բանվորական որից դուրս կատարած աշխատանքը, չի կարող հաշվվել աշխատանքի ժամերից դուրս աշխատանք:

§ 1. Այսպիսով, աշխատավարձի ընդհանուր գումարի մեջ, վորից պետք է հաշվել ժամանակավոր անաշխատունակության նպաստը, մտնում են՝

ա) նորմալ աշխատանքի վարձատրությունը, անկախ վճարման ձևից (ամսավարձ, որավարձ, գործարքային, ակկորդային և այլն).

բ) նորմայից դուրս գերարտադրանքի վարձատրություն, նույն թվում և պրոգրեսիվայի (միայն աշխատանքի ժամերին ունեցած գերարտադրանքի նկատմամբ).

գ) վարձատրություն ըստ միջին աշխատավարձի.

դ) ակկորդային (միայն աշխատանքի ժամերին աշխատանքի ժամանակամիջոցի համար).

ե) հավելումներ աշխատանքի ծանր պայմանների համար.

զ) հավելումներ յերկարատեմ ծառայության համար.

է) լրացուցիչ վարձատրություններ վորակի և բեռնավորման համար (չնորմավորված բանվորական ժամեր և այլն).

ը) գործարքով աշխատողներին լրացուցիչ վարձատրություն աշխատանքի նորմալ պայմաններից շեղվելու համար.

թ) պլանը գերակատարելու, խոտանի տոկոսն իջեցնելու, պարապուրդներն իջեցնելու, վառելիքի, ելեկտրոններգիայի, հումքի, նյութեղենի, գործիքների տնտեսման, գույքավորումը պահպանելու վորող ցուցանիշներ գերակատարելու համար պարբերաբար պարգևատրումները և այլն.

ժ) բրիգադիրին՝ բրիգադայի աշխատանքները կազմակերպելու համար հավելումները.

ժա) տոկոսային վարձատրություն (տոկոս՝ շրջանառությունից և այլն), անկախ նրանից, թե այդպիսին վճարվում է վորպես

լրացուցիչ՝ տարիֆային դրույքին, թե վորպես աշխատանքի վարձատրութեան հիմնական ձեւ:

ժբ) լրացուցիչ վարձատրութիւն գիշերային աշխատանքի համար.

ժգ) խոտանի վարձատրութիւն (վոչ արտելի անդամի հանցանքով).

ժդ) արտադրութիւնում աշակերտներին սովորեցնելու համար վարձատրութիւն.

ժե) հեռավոր վայրերի աշխատանքների համար վարձատրութիւն.

ժզ) պարապուրդների վարձատրութիւն.

ժէ) անշափահասների արտոնյալ ժամերի վարձատրութիւն.

ժը) կերակրող մայրերի աշխատանքի ընդմիջումների վարձատրութիւն.

ժթ) հասարակական և պետական պարտականութիւնների կատարման հետ կապված աշխատանքի ժամանակ աշխատանքի դուրս չգալու և ընդմիջումների վարձատրութիւն.

ի) ուսումնական հաստատութիւններում սովորելու համար գործուղված արտելի անդամների վարձատրութիւն, վորոնք շարունակում են արտելի անդամների կազմի ցուցակում մնալ.

իա) աշակերտների աշխատավարձը, անկախ վճարման աղբյուրներից:

§ 2. Չեն մտցվում աշխատավարձի ընդհանուր գումարի մեջ, վորից հաշվում են ժամանակավոր անաշխատունակութեան նպաստը.

ա) պարգեւներ՝ արտելի անդամների պարգեւատրման ֆոնդից.

բ) լրացուցիչ վարձատրութիւն ոգուտից.

գ) արտաժամյան, — դրա տակ հասկանալով ամսվա նորմալ աշխատանքի ժամերից դուրս կատարած աշխատանքի համար տրված վողջ աշխատավարձը.

դ) միանվագ բնույթ կրող բոլոր տեսակի վճարումներ (արտելի տվյալ անդամի պարտականութիւնների մեջ չմտնող պատահական աշխատանքների համար).

ե) միանվագ բնույթ կրող պարգևներ, որինակ, տարեկան

և յեռամսյակային հաշվետվութիւնները կազմելու, առանձին հանձնարարութիւնները հաջող կատարելու համար և այլն.

զ) պարգեւներ գյուտարարութեանն ու տեխնիկական կատարելագործման ոժանդակման ֆոնդից.

է) զրական հեղինակային հոնորար.

ը) տեղափոխութեան և գործուղման գումարներ.

թ) համատեղութեան աշխատավարձ.

ժ) շոգտադործած արձակուրդի փոխհատուցում.

ժա) արտելի անդամներին իրենց սեփական գործիքներն ու նութեղենն ոգտադործելու համար տրված գումարներ, այլ նաև, վորպես կոմպենսացիա, նրանց կողմից կատարած արտադրական բնույթ կրող ծախքեր.

ժբ) հերթական և լրացուցիչ արձակուրդների ժամանակամիջոցի աշխատավարձ.

ժգ) մասնագիտական ճարպի (կաթ, յուղ և այլն) արժեքը և շտրված մասնագիտական հազուատի արժեքը.

ժդ) ժամանակավոր անաշխատունակութեան նպաստը.

ժե) ԲԳԿԲ և Ռազմա-Մովային Նավատորմի շարքերում հաշվաքներն անցնելու կապակցութեամբ նպաստը.

ժզ) բուժման համար տրված միանվագ նպաստը.

ժէ) բնակարանային դրամը:

§ 3. Արտելի ձեռնարկներում բանվորական որվա տեվողութիւնը սահմանվում է տվյալ արտելի անդամների ընդհանուր ժողովի կողմից և, վորպես կանոն, նախատեսվում է ներքին կարգապահական կանոններով:

Սահմանված բանվորական որից դուրս կատարած բոլոր աշխատանքները համարվում են արտաժամյա աշխատանքներ: Սակայն, յեթե տվյալ ամսում աշխատած ժամերի ընդհանուր քանակը չի գերազանցում ըստ նորմայի ընդհանուր ժողովի կողմից սահմանված բանվորական ժամերի գումարից, առանձին որերի աշխատանքը՝ նորմալ որից դուրս տեվողութեամբ, — չի կարող արտաժամյա համարվել: Բանվորական ժամերի ամսական նորման ստացվում է՝ որական նորման ըստ գրաֆիկի տվյալ ամսվա բանվորական որերի թվի վրա բազմապատկելու միջոցով:

Որինակ. Արտելի տեղամ Կապրալովը հունիսի ընթացքում աշխատել է 13 որ՝ որական 8 ժամ, 5 որ — որական 4 ժամ

և 7 որ—որական 12 ժամ, իսկ ընդամենը 208 ժամ: Արտելի ներքին կարգապահական կանոններով նախատեսված է 8 ժամյա բանվորական որ, վորը հունիսին կկազմի 200 ժամ, վորովհետև այդ ամիսը 25 բանվորական որ ունի: Այդ պատճառով էլ, չնայած նրան վոր Կապրալովն արտաժամյա աշխատել է 28 ժամ (7 որ՝ որական 4 ժամ), նպաստ հաշվելիս նրա աշխատավարձի գումարից պետք է դուրս գալ միայն 8 ժամվա աշխատավարձը:

§ 4. Վորովհետև աշխատավարձի ընդհանուր գումարից փաստորեն միշտ էլ հնարավոր չի լինում առանձնացնել արտելի անդամի կողմից աշխատանքի ժամերից դուրս ստացած աշխատավարձը,— այդ դեպքերում անհրաժեշտ է ընդհանուր աշխատավարձը բաժանել փաստորեն աշխատած ժամերի քանակի վրա, իսկ քանորդը բազմապատկել արտելի ներքին կարգապահական կանոններով նախատեսված աշխատանքի նորմալ ժամերի քանակի վրա: Ստացված գումարը կտա այն աշխատավարձը, վորը պետք է ինկատի ունենալ ժամանակավոր անաշխատունակության նպաստը հաշվելիս:

Որինակ. նույն Կապրալովը 208 ժամի համար ստացել է 416 ուրբլի, վորպիսին բաժանելով 208-ի վրա,— մի ժամվա միջին աշխատավարձը կստանանք 2 ուրբլի: Յերկու ուրբլու բազմապատկումը 200-ի վրա կտա բանվորական նորմալ ժամանակամիջոցի աշխատավարձը, այն է 400 ուրբլի: Արտելի անդամի կողմից արտաժամյա աշխատանքի համար, հիմնական գնահատումից դուրս վորպես հատուկ հավելում ստացված գումարները հաշվի չեն առնվում:

Սակայն, յեթե արտելի անդամը տվյալ ամսում աշխատանքային նորմալ ժամերը լրիվ չի աշխատել,— չի կարելի նման ձևով հաշվարկում կատարել:

§ 5. Հանգստի և տոն որերի աշխատանքը չի համարվում աշխատանքի ժամերից դուրս աշխատանք, և այդ որերի աշխատավարձը ժամանակավոր անաշխատունակության նպաստ հաշվելիս մտնում է հաշվարկի մեջ (տես Կանոնադրության հոդ. 34):

31. Նպաստը հաշվելու համար վերցվում է մինչև աշխատունակությունն առաջանալը վերջին աշխատանքի միջին աշխատավարձը: Յեթե այն ժամանակամիջոցում, վորի համար նպաստը հաշվելու համար վերցրված է աշխատավարձը,— արտելի անդամը փո-

խաղրվել է ուրիշ աշխատանքի,— նպաստը հաշվելու համար վերցվում է միայն նրա վերջին աշխատանքի աշխատավարձը:

§ 1. Որինակ 1. Ուսիկովն արտելում աշխատում է 1937 թ. հունվարի 15-ից մինչև 1939 թ. փետրվարի 10-ը, նա աշխատել է վորպես վարպետ, վորից հետո փոխադրվել է տեխնիկի պաշտոնի: Նա փետրվարի 20-ին հիվանդացել է: Նպաստը պետք է հաշվել, յեղևելով նրա վորպես տեխնիկի աշխատավարձից:

Որինակ 2. Աֆոնինն արտելում աշխատում է 15 տարի: Մինչև 1939 թ. հոկտեմբերի 17-ը նա աշխատել է վորպես ատաղձագործ, վորից հետո փոխադրվել է փայտի գծով ճախարակագործ: Աֆոնինը 1939 թ. նոյեմբերի 28-ից հիվանդացել է: Նրան նպաստը հաշվելիս պետք է վերցնել վերջին աշխատանքի աշխատավարձը, այն է հոկտեմբերի 17-ից մինչև նոյեմբերի 27-ը ժամանակամիջոցի համար:

Որինակ 3. Լեվինն արտելում անընդհատ աշխատում է 1931 թ. փետրվարի 1-ից: Մինչև 1939 թ. հոկտեմբերի 1-ը նա աշխատել է վորպես հաշվետար՝ 250 ուրբլի ուձիկով, իսկ այնուհետև նա փոխադրվել է հաշվապահի պաշտոնի— 400 ուրբլի ուձիկով: Հոկտեմբերի 5-ից նա հիվանդացել է 9 որով ժամանակավոր անաշխատունակության արձակուրդ է ստացել: Լեվինյանին նպաստ պետք է հաշվել՝ հաշվապահի աշխատավարձից, այն է՝ 400 ուրբլի ուձիկից:

§ 2. Յեթե արտելի անդամի կողմից ժամանակավոր անաշխատունակության նպաստ ստանալու ժամանակամիջոցին,— նրա աշխատավարձի մեջ ավելացման կամ իջեցման դժով մի վորևիցե փոփոխություն է յեղել, այդ փոփոխությունները նրա ստանալիք նպաստի չափի վրա չեն ազդում: Բացառություններ կազմում են միայն այն դեպքերը, յերբ հավելումը կատարվել է արտելի անդամի այն աշխատավարձին, վորից սկզբում հաշված է յեղել նպաստի չափը:

Որինակ 1. 1939 թ. նոյեմբերի 20-ից հղիության ու ծննդաբերության արձակուրդով ոգտվող արտելի անդամ Միխայլովայի աշխատավարձը 1940 թ. հունվարի 1-ից ավելացել է 5 տոկոսով: Չնայած դրան, նպաստ նա հունվարի 1-ից հետո էլ պետք է ստանա նախկին չափով: Յեթե 1940 թ. հունվարի 1-ից Միխայլովայի համար դրույքը պակասեցվի,— այդ դեպքում էլ նպաստ նրան դարձյալ կտրվի նախկին չափով:

Որինակ 2. Նույն Միխայլովայի համար դրույքի վերանայու-

մը կատարվել է վոչ թե 1940 թ. հունվարի 1-ից, այլ կատարվել է 1939 թ. հոկտեմբերի 1-ից և նրան տարբերությունը տրվել է մի քանի ամսից հետո: Վորովհետև նպաստի որակյան միջին չափը հաշվելիս վերցրվել է նրա 1939 թ. սեպտեմբեր և հոկտեմբեր ամիսների աշխատավարձը,— պետք է հաշվարկում կատարվի և համապատասխանորեն ավելացվի նպաստի որակյան չափը վճարելով նրան ստացված տարբերությունը:

32. Նպաստը հաշվելու համար ամսական աշխատավարձի դեպքում, վերցվում է տվյալ արտելի անդամի համար սահմանված ամսական աշխատավարձը մինչև անաշխատունակությունն առաջանալու որը: Ամսական աշխատավարձի դեպքում լրիվ որակյան նպաստը (100 տոկոս) վորոշվում է ամսական բոլոր անաշխատունակության ամսվա բոլոր բանվորական որերի վրա բաժանելու միջոցով (այսինքն՝ տոն և կիրակի որերը հանելուց հետո մնացած բոլոր որերի):

Նպաստ տրվում է անաշխատունակության հետեվանքով բաց թողած բոլոր բանվորական որերի համար:

§ 1. Բերում ենք կայուն աշխատավարձ ստացողներին նպաստը հաշվելու որինակներ:

Որինակ 1. Մալցեվը վորայես տնտեսագետ, արտելում անընդհատ աշխատում է վեց տարուց ավելի և ստանում է ամսական 600 ռ. աշխատավարձ: Նպաստ նա պետք է ստանա աշխատավարձի 100 տոկոսի չափով: Մալցեվը հիվանդացել է հինգ բանվորական որ: Հիվանդության ամսում յեղել է 25 բանվորական որ: 600-ը բաժանելով 25-ի վրա,— կստանաք 24: Հետևապես Մալցեվի ժամանակավոր անաշխատունակության նպաստը կկազմի որակյան 24 ուրբի, իսկ հիվանդության բոլոր 5 որվա համար— 120 ուրբի:

Որինակ 2. Յեթե Մալցեվի հիվանդության ամսում լիներ վոչ թե 25, այլ 24 բանվորական որ,— 600-ը բաժանելով 24-ի վրա, կստանայինք 25: Հետևապես Մալցեվի ժամանակավոր անաշխատունակության նպաստը կկազմի որակյան 25 ուրբի, իսկ 5 որվանք՝ 125 ուրբի:

Որինակ 3. Արտելի անդամն ստանում է 345 ուրբի կայուն աշխատավարձ: Նա հիվանդացել է նոյեմբերի 5, 6, 7, 8, և 9:

Որակյան նպաստը 100 տոկոսի չափով կկազմի (345:23=15) 15 ուրբի: Նպաստը յենթակա յե վճարման 2 որվա համար, վորովհետև 3 որը բանվորական որեր չեն (մեկ որ կիրակի յե, 7 և 8-ը՝ տոն է): Ընդամենը հասնում է վճարելու 30 ուրբի: Յեթե արտելի անդամին նպաստ հասնեի աշխատավարձի 80 տոկոսի չափով,— այդ դեպքում նա կստանար վոչ թե 30, այլ 24 ուրբի:

§ 2. Յեթե ժամանակավարձային աշխատավորի ժամանակավոր անաշխատունակությունը տեղի ունենար տարբեր որացուցային ամիսներին տարբեր աշխատանքային որերով (23, 24, 25, 26), նպաստը պետք է հաշվել յուրաքանչյուր ամսվա համար առանձին (որինակ, դեկտեմբերի և հունվարի հիվանդության դեպքում— դեկտեմբերի համար առանձին և հունվարի համար առանձին):

Որինակ. Ագաֆոնովը հիվանդացել է 1939 թ. նոյեմբերի 25-ից առ 17 դեկտեմբերի ներառյալ: Ագաֆոնովի ամսական դրույքը մինչև նրա հիվանդանալը կազմում է 117 ուրբի 30 կոպեկ: Նրա փաստացի հանգստի որերն են— կիրակի որերը: Նպաստը վորոշվում է հետևյալ հաշվով.

Նոյեմբեր. 117 ռ. 30 կ. բաժանում ենք 24 բանվորական որվա վրա (հանելով 2 որ տոն՝ 7 և 8 և 4 կիրակի որ) = 4 ռ. 89 կ.:

Դեկտեմբեր. 117 ռ. 30 կ. բաժանում ենք 26 բանվորական որվա վրա (հանելով 5 կիրակի) = 4 ռ. 51 կ.:

Նոյեմբերին ժամանակավոր անաշխատունակության հետեվանքով բաց է թողել 5 բանվորական որ՝ յուրաքանչյուր որվան 4 ռ. 89 կ. = 24 ռ. 45 կ.:

Դեկտեմբերին բաց է թողել 14 բանվորական որ՝ յուրաքանչյուր որվան 4 ռ. 51 կ. = 63 ռ. 14 կ.

Նպաստը լրիվ (100 տոկոսով) չափով՝ Աղախանյանին հասնում է վճարել 87 ռ. 59 կ.:

Նպաստն իջեցված չափով վճարելիս, դումարի չափը համապատասխանորեն իջեցվում է:

§ 3. Ժամանակավոր անաշխատունակության նպաստի հաշվելը հեշտացնելու համար, անհրաժեշտ է կազմել կիրակի և տոն որերի տախտակն ըստ ամիսների:

§ 4. Այն անձանց մասին, վորոնք կայուն աշխատավարձի հետ միաժամանակ ստանում են նաև զանազան լրացուցիչ դատումներ, վորը մտցվում է այն աշխատավարձի դումարի մեջ, վորից և հաշվում են նպաստը,— տես Կանոնադրության 35-րդ հոդվածը:

33. Գործարքային, ակկորդային (բանվորական ժամերին) և այլ նման աշխատավարձի դեպքում, նպաստը հաշվելու համար վերցվում է վերջին յերկու լրիվ որացուցային ամսվա փաստացի աշխատավարձն առ մեկն այն ամսվա, — վորի ընթացքում առաջացել է անաշխատունակությունը:

Առ մեկն այն ամսվա, վորի ընթացքում առաջացել է անաշխատունակությունը յերկու ամսից պակաս, բայց մեկ լրիվ ամսից վոչ պակաս աշխատողների համար, վերցվում է այդ լրիվ ամսվա աշխատավարձը:

Առ մեկն այն ամսվա, վորի ընթացքում առաջացել է անաշխատունակությունը — մեկ լրիվ ամսից պակաս աշխատողների համար վերցվում է առ անաշխատունակությունն առաջանալու որն աշխատանքի ամբողջ ժամանակամիջոցի աշխատավարձը:

Այս դեպքում պետք է ի նկատի ունենալ, վոր, համաձայն 31-րդ հոդվածի, նպաստը հաշվելու համար վերցվում է միայն վերջին աշխատանքի աշխատավարձը:

Ծանոթություն: Արդյունքային-խրախուսիչ և պրոգրեսիվ-խրախուսիչ աշխատավարձ ստացող անձանց միջին աշխատավարձի մեջ է մտցվում յերկու ամսվա համար ստացված փաստացի աշխատավարձը: Յեթե նպաստը հաշվելու ժամանակ այդ վարձատրությունը դեռ հաշված չի լինում, պետք է այդ գումարները վճարելուց հետո նպաստի հաշվարկում կատարվի:

§ 1. Որինակ 1. Ալեքսանդրովն արտել է մտել 1930 թ. հունվարի մեկին, հիվանդացել է 1939 թ. մայիսի 1-ից առ 2-ը հունիսի: Ալեքսանդրովին նպաստ վորոշվում է մինչև հիվանդանալու ամիսը՝ նրա յերկու լրիվ որացուցային ամսվա աշխատավարձից, այն է՝ 1939 թ. մարտի 1-ից մինչև մայիսի 1-ը, վորը կազմում է 500 ռուբլի: Նպաստի հաշվումը կատարվում է այսպես. աշխատավարձի միջին որականն

ստացվում է 500 ռուբլին 52-ի վրա բաժանելու միջոցով, այն է բանվորական որերի թվի (հանելով փաստորեն ոգտագործած 9 կիրակի որը) մարտ և ապրիլ ամիսներին: Այդ տալիս է աշխատավարձի միջին որականը — 9 ռ. 62 կ.: 1939 թ. մայիսի 1-ից մինչև հունիսի 2-ը ներառյալ՝ 33 որացուցային որ է: Յեթե դրանից հանենք 6 վոչ բանվորական որը (մայիսի 1, 2, և 4 կիրակի) — կմնա 27 բանվորական որ: Նպաստի լրիվ (100 տոկոս) չափի դեպքում Ալեքսանդրովին պետք է վճարել 259 ռ. 74 կ. (9 ռ. 62 կ. \times 27):

Որինակ 2. Արխիպովն աշխատել է 1939 թ. մայիսի 18-ից առ 28 հուլիսի 1939 թ.: Դատել է մայիսին 142 ռ., հունիսին, — 275 ռ. և հուլիսի 28 որը — 263 ռ.: Հիվանդացել է նա հուլիսի 29-ից առ ոգոստոսի 24-ը ներառյալ: Արխիպովն ամբողջ ժամանակամիջոցի համար իրավունք ունի նպաստ ստանալու աշխատավարձի լրիվ չափով: Նպաստը հաշվելու համար վերցնում ենք միայն մեկ ամսվա (լրիվ) — հունիսի աշխատավարձը, վորի ընթացքում յեղել է 25 բանվորական որ և դրա վրա բաժանում ենք Արխիպովի հունիսի աշխատավարձը (275 ռ.): Աշխատավարձի որական չափը հավասար է 11 ռուբլու: Հիվանդության հետեվանքով բաց թողած 22 բանվորական որվա համար Արխիպովն կստանա 242 ռուբլի (11 \times 22):

Որինակ 3. Աֆանասևիչն աշխատանքի յե մտել 1939 թ. նոյեմբերի 10-ին, իսկ հիվանդացել է 1939 թ. դեկտեմբերի 17-ին: Նպաստը հաշվելու համար պետք է վերցնել Աֆանասևիչի աշխատավարձն աշխատանքի ամբողջ ժամանակամիջոցի համար:

Որինակ 4. Տեխդեկ Ֆոմինչուկը ժամանակավոր անաշխատունակ է յեղել 1939 թ. հոկտեմբերի 6-ից առ 13-ը: Ֆոմինչուկի աշխատավարձը կազմված է 500 ռուբլի ուճիկից և արհեստանոցի աշխատանքի արդյունքների համար յեռամսյակային պարգեվատրումներից: Ֆոմինչուկի նպաստը վճարելիս նրան 3-րդ յեռամսյակի համար հասանելիք պարգեվատրման չափը դեռ սահմանված չի յեղել և նպաստը հաշված է յեղել հիմնական աշխատավարձից: Հոկտեմբերի 23-ին Ֆոմինչուկին 3-րդ յեռամսյակի համար պարգեվատրում է հաշված յեղել 900 ռուբլու չափով: Չնայած նրան, վոր Ֆոմինչուկը նպաստն արդեն ստացել է, — հարկավոր է նրա նպաստին հավելում կատարել և վորովհետեվ պարգեվատրումը հաշվված է յեղել Ֆոմինչուկի վորը յեռամսյակի ընթացքում, այն է 3 ամսվա աշխատանքի արդյունքների համար, իսկ նպաստը հաշվում են այդ յեռամսյակի 2 ամսվա աշխա-

տավարձից, — անհրաժեշտ է վերցնել 900 ուրբլու $\frac{2}{3}$ — 600 ուրբլի և այդ ավելացնելով յերկու ամսվա հիմնական աշխատավարձին (1000 ու.), նպաստը Ֆոմինշուկին հաշվել ընդհանուր գումարից (1600 ուրբլուց):

§ 2. Պետք է ի նկատի ունենալ, վոր արդյունքային-խրախուսիչ և պրոգրեսիվ-խրախուսիչ աշխատավարձ ստացող անձանց նպաստը բոլոր դեպքերում ել հաշվում են վորպես գործարքայինով աշխատողներին, նույնիսկ և այն դեպքում, յերբ այդ ժամանակամիջոցում, վորի համար վերցվում է աշխատավարձ, — արտելի անդամին պարգևատրում ել չի հասնում:

34. Գործարքով, ակկորդային և այլ աշխատողների համար որական լրիվ (100 տոկոս) նպաստը վորոշվում է 33-րդ հոդվածում նշված ժամկետի փաստացի աշխատավարձը — այդ նույն ժամանակամիջոցի որերի վրա բաժանելու միջոցով, — հանելով կիրակի ու տոն որերը (իսկապես ոգտագործած), ժամանակավոր անաշխատունակության նպաստով վճարված որերը և հերթական ու լրացուցիչ արձակուրդների որերը: Նպաստ տրվում է անաշխատունակության հետեվանքով բաց թողած բանվորական որերի համար:

§ 1. Այն որերի թիվը վորոշելիս, վորի վրա ժամանակավոր անաշխատունակության նպաստը հաշվելիս պետք է բաժանվի արտելի անդամի աշխատավարձը, — ամսվա բոլոր որացուցային որերի ընդհանուր թվից, վորոնց համար վերցված է աշխատավարձը, — պետք է հանվի՝

ա) ժամանակավոր անաշխատունակության նպաստով վճարված որերը, բ) հերթական և լրացուցիչ արձակուրդների որերը, գ) արտելի անդամի կողմից փաստորեն ոգտագործված կիրակի և տոն որերը (այլ նաև «ա» և «բ» կետերում նշված ժամանակամիջոցի մեջ ընկնող և պարապուրդի ժամանակի կիրակի ու տոն որերը), դ) Բանվոր-Գյուղացիական Կարմիր Բանակի և Ռազմածովային Նավատորմի շարքերում վարժուկույունների հավաքում գտնվելու որերը:

Այդպիսով, այն որերի թվի մեջ, վորի վրա բաժանվում է աշխատավարձը, — մտնում են՝

ա) բոլոր պարապուրդների որերը. բ) առանց աշխատավարձի պահպանման, առանց բացառության, բոլոր արձակուրդների որերը. գ) ժամանակավոր անաշխատունակության նպաստով չվճարված որերը:

Ուրինակ 1. Գործարքով աշխատող Պետրովը ժամանակավոր անաշխատունակության արձակուրդ ստացավ մայիսի 8-ից: Նպաստ նրան պետք է հաշվել նախորդ յերկու որացուցային ամսվա, այն է՝ մարտ և ապրիլ ամիսների աշխատավարձից:

Այդ ամիսներին Պետրովը 9 կիրակի որից ոգտագործել է միայն 7-ը: Բացի այդ, նա ունեցել է պարապուրդ 2 բանվորական որ (13 և 14), առանց ուժիկի պահպանման արձակուրդ 2 որ: 5-ից առ 9-մարտի ներառյալ Պետրովն ստացել է նպաստ հիվանդանոցային թերթիկով: Միջին որական աշխատավարձը (այսինքը — 100 տոկոսով նպաստ) պետք է գտնել ապրիլ և մայիս ամիսների աշխատավարձը 49 որվա բաժանելու միջոցով, վորովհետեվ մարտ և ապրիլ ամիսների որացուցային որերի ընդհանուր թվից (61) պետք է հանել ոգտագործած 7 կիրակի որը, ժամանակավոր անաշխատունակության նպաստով վճարած 4 որը և նպաստով վճարած հիվանդության ժամանակամիջոցի մեջ ընկնող (մարտին) մեկ կիրակի որը:

35. Ամսական ուժիկի հետ լրացուցիչ դատում, ակկորդային և այլն ստացող արտելների անդամների համար, նպաստը վորոշվում է նույն կանոններով, ինչպես և գործարքով աշխատողներինը (հոդ. հոդ. 33—34):

§ 1. Այս դեպքում, ժամանակավոր անաշխատունակության նպաստը հաշվելիս՝ տես Կանոնագրության 33-րդ հոդվածի մեկնաբանման 4-րդ որինակը:

36. Տան աշխատողներին, վորոնք ըստ իրենց աշխատանքի պայմանների չեն կարող աշխատանքի դուրս գալու կայուն սահմանված որեր ունենալ, նրապաստը վորոշում է 33-րդ հոդվածում նշված յեռապատիկ ժամկետի փաստացի աշխատավարձը (այսինքն՝ 6 ամսի, 3 ամսի, կամ փաստորեն աշխատած ժամանակի համար) այդ նույն ժամկետների որացուցա-

ցուցային որերի ընդհանուր թվի վրա բաժանելու միջոցով:

Այս դեպքում, այդ որերի թվից, վորի վրա բաժանվում է աշխատավարձը, հանվում են միայն հերթական արձակուրդի և ժամանակավոր անաշխատունակության նպաստով վճարված որերը: Նպաստ տրվում է անաշխատունակության բոլոր որացուցացային որերի համար:

§ 1. Այսպիսով տանն աշխատողների ժամանակավոր անաշխատունակության նպաստը հաշվելու համար, պետք է վերցնել հետևյալ ժամկետների աշխատավարձը.

ա) Մինչև ժամանակավոր անաշխատունակության առաջանալու սկիզբը՝ 6 ամսից ավելի աշխատողներից—այդ 6 ամսվանը:

Որինակ 1. 1935 թ. աշխատող տնագործը հիվանդանոցային թերթիկով արձակուրդ է ստացել 1940 թ. հունվարի 25-ից: Նպաստը պետք է հաշվել 1939 թ. հուլիսի 1-ից մինչև 1940 թ. հունվարի 1-ը ժամանակամիջոցի միջին աշխատավարձից:

բ) Մինչև ժամանակավոր անաշխատունակությունն առաջանալու սկիզբը՝ 6 ամսից պակաս, բայց 3 ամսից ավելի աշխատողներից— 3 ամսվանը:

Որինակ 2. Տնագործն սկսել է աշխատել 1939 թ. հունիսի 10-ից, իսկ հիվանդանոցային թերթիկով արձակուրդ է ստացել 1939 թ. դեկտեմբերի 24-ից: Պետք է վերցնել 1939 թ. սեպտեմբեր, հոկտեմբեր և նոյեմբեր ամիսների աշխատավարձը:

գ) Մինչև ժամանակավոր անաշխատունակությունն առաջանալու սկիզբը 3 լրիվ որացուցային ամսից պակաս աշխատողներին՝ նպաստը հաշվում են փաստորեն աշխատած ժամանակամիջոցի աշխատավարձից:

Որինակ 3. Տնագործն սկսել է աշխատել 1939 թ. հուլիսի 10-ից, իսկ հիվանդացել է 1939 թ. հոկտեմբերի 28-ից: Պետք է վերցնել նրա՝ արտելում վորպես տնագործ աշխատելու ամբողջ ժամանակամիջոցի, այն է՝ 1939 թ. հուլիսի 10-ից մինչև հոկտեմբերի 27-ի աշխատավարձը:

§ 2. Բերում ենք տնագործների նպաստը հաշվելու որինակներ:

Որինակ 1. 1930 թ. աշխատող տնագործ վասիլյանը ժամանակավոր անաշխատունակ է լիցել 1939 թ. նոյեմբերի 4-ից

մինչև 19-ը: Նպաստ նրան պետք է հաշվել յեկնելով 6 ամսվա, այն է՝ 1939 թ. մայիս—հոկտեմբեր ամիսների աշխատավարձից: Այդ ամիսներին նա դատել է 1656 ուրբլի: Որական աշխատավարձը պետք է գտնել 1656-ը 184-ի վրա (մայիս—հոկտեմբեր ամիսների որացուցային որերի թիվը) բաժանելու միջոցով, վորը կտա որական 9 ուրբլի: Վորովհետև վասիլյանը տվյալ արտելում անընդհատ աշխատում է 1930 թվից, — նա իրավունք ունի նպաստի 80 տոկոսի չափով, այն է՝ որական 7 ուրբլի 15 որացուցային ուրբլա համար 108 ուրբլի:

Որինակ 2. Յեթե այդ նույն վասիլյանը մայիս—հոկտեմբեր ամիսների ընթացքում հիվանդանոցային թերթիկով արձակուրդ ունեցած լիներ (ոգոստոսի 4-ից մինչև սեպտեմբերի 1-ը), այդ դեպքում հաշվարկից պետք է հանել 28 ուրբլ, վորովհետև վասիլյանի այդ ժամանակաշրջանի ստացած ժամանակավոր անաշխատունակության նպաստը չպետք է աշխատավարձի մեջ մտցվի:

37. Կենդանի լծկան ուժի վրա (ձիերի, ուխտերի, եշերի և այլն) աշխատողների նպաստը հաշվելիս պետք է վերցնել ապահովագրական մուծանքները հաշվելու համար հանրապետական, մարզային (յերկրային) արհապահանձարկողների (գանձախոթյունների) կողմից սահմանված ու համաձայնեցրված տեղական փոխադրական արհեստագործական միութայունների հետ միջին աշխատավարձը: Որական լրիվ նպաստը վորոշվում է, աշխատավարձը վճարելու ձեովի կապակցությամբ, 32 կամ 33—34 հորվածների կարգով:

Արտելի այն անդամները, վորոնք հրաժարվում են իրենց ձին (ուղտը, եշը և այլն) իրենց հիվանդության ընթացքում շահագործելու համար արտելին հանձնելուց, ժամանակավոր անաշխատունակության նպաստով չեն ապահովվում:

§ 1. Կանոնադրության սույն հոդվածով սահմանված ժամանակավոր անաշխատունակության նպաստները հաշվելու կարգը տարածվում է ինչպես հանրայնացրված, այնպես էլ արտելի անդամներին պատկանող կենդանի լծկան ուժի վրա աշխատող բոլոր արտելականների վրա:

§ 2. Կենդանի լծկան ուժի վրա աշխատող արտելների անդամների միջին աշխատավարձը պետք է հաշվել վոչ թե արտելու գումարով (ամսական այսքան ուրբի), այլ կենդանի լծկան ուժի կատարած աշխատանքի համար արտելի ստացած գումարից վերոջ տոկոսով: Արտելի յուրաքանչյուր անդամի աշխատավարձ վերոշվում է առանձին, աշխատանքի հետեվանքով արտելի ստացած գումարից նույն տոկոսի չափով:

§ 3. Հանրապետական, մարզային (յերկրային) արհապահանձարկղների ու գանձմիությունների կողմից կենդանի լծկան ուժի աշխատանքի համար արտելի անդամի աշխատավարձը վերոջ տոկոսը սահմանելիս, սխալներից խուսափելու համար, պետք է փոխադրությունների արժեքի և արտելի փաստացի ծախքերի կալկուլացիան կատարել ուշադրությամբ ու մանրամասնորեն ուսումնասիրելուց հետո, այլապես աշխատավարձի սահմանումը կկատարվի կամ շատ բարձր, կամ շատ ցածր չափով:

§ 4. Այն դեպքում, յերբ հանրայնացված կամ իր ձեռով (ուղտով և այլն) աշխատող արտելի անդամը ձիու (ուղտի և այլն) հիվանդության, նրա վրա կարանտին դնելու կամ անասնապահական հսկողության մարմինների կողմից արտելի տվյալ անդամին ձիու վրա (ուղտի և այլն) աշխատելն արգելելու հետեվանքով պարապուրդ է ունենում,— այդ ժամանակի համար նրան ժամանակավոր անաշխատունակության արձակուրդ ու միաժամանակ նպաստ չի տրվում:

§ 5. Սույն հոդվածի յերրորդ մասով սահմանվում է, վոր իրենց պատկանող ձիով (ուղտով և այլն) աշխատող արտելի անդամները, վորոնք հրաժարվում են իրենց ժամանակավոր անաշխատունակության ընթացքում, կենդանուն շահագործելու համար արտելին հանձնելուց,— զրկվում են իրենց հասանելիք նպաստից: Սակայն այս կանոնը չի կարող կիրառվել արտելի այն ժամանակավոր անաշխատունակ անդամների նկատմամբ, վորոնց կենդանի լծկան ուժը չի ոգտագործվում իրեն արտելի հանցանքով: Այդ դեպքում, ժամանակավոր անաշխատունակության նպաստ վճարելիս, չպետք է հաշվի առնել այն յեկամուտը, վորն արտելի անդամն ստանում է իրեն պատկանող ձին (ուղտը

և այլն) իր ընտանիքի անդամի կամ կողմնակի անձի կողմից շահագործելուց:

38. Տանն աշխատող արտելի գորգագործ անդամների որական նպաստը հաշվելիս՝ գորգ պատրաստելու համար պայմանագրով նախատեսված աշխատավարձը բաժանվում է որացուցային որերի թվի վրա, վորի ընթացքում ըստ պայմանագրի գորգը պետք է հանձնվի:

Նպաստ տրվում է անաշխատունակության բոլոր որացուցային որերի համար, յեթե անաշխատունակությունն առաջացել է պայմանագիրը գործելու ընթացքում և յեթե անաշխատունակության կապակցությամբ գորգը հանձնելու ժամկետը յերկարացված է:

§ 1. Այն դեպքում, յերբ գորգագործուհին, չնայած ժամանակավոր անաշխատունակության արձակուրդին, գորգը ժամկետին հանձնում է,— նրան հիվանդանոցային թերթիկով նպաստ չի տրվում:

Ուրիճակ 1. Գորգագործուհի Կարոեվան համաձայն սահմանված նորմայի և պայմանագրի՝ հումքն ստանալու որից հաշված, գորգն արտելին պետք է հանձնի յերեք ամսվա ժամկետում: Այդ ժամանակամիջոցում Կարոեվը հիվանդանոցային թերթիկով արձակուրդ է ունեցել: Սակայն գորգը ժամկետին արտելին է հանձնել: Այնքան, վորքան Կարոեվն այն աշխատավարձը, վորն ըստ պայմանագրի պետք է ստանար 3 ամսվա ընթացքում, փաստորեն ստացել է,— ժամանակավոր անաշխատունակության նպաստը վճարման յենթակա չէ:

§ 2. Յեթե ժամանակավոր անաշխատունակությունն անհրաժեշտություն է առաջ բերել յերկարացնելու գորգն ավարտելու ժամկետը,— այդ յերկարացման որերի համար նպաստ է տրվում (բայց վոչ ավելի այն ժամկետից, վորի համար հիվանդանոցային թերթիկ է տրված յեղել):

Ուրիճակ 2. Գորգագործուհին ըստ պայմանագրի պետք է գորգը հանձնի յերեքամսյա ժամկետում: Այդ ժամանակամիջոցում նա 1½ ամիս գտնվել է հիվանդանոցային թերթիկի վրա: Չնայած դրան, գորգը հանձնվել է միայն մեկ ամիս ուշացումով:

Գորգապործուհուն հիվանդանոցային թերթիկով նպաստ պետք է տրվի միայն մեկ ամսվա համար: Յեթե գորգի հանձնումն ուշանար 2 ամսով, նպաստ կտրվեր միայն 1½ ամսով:

39. Յեթե անաշխատունակութունն առաջացել է արտելն աշխատելու ժամանակ և շարունակվում է նրա ժամանակավոր կանգնեցման շրջանում (արհեստանոցի, ցեխի և այլն), — արտելը կանգնեցնելու շրջանում նպաստ տրվում է (յեթե արտելի անաշխատունակ անդամները պահպանում են իրենց աշխատավարձը կամ նրա մի մասը) այն չափով, ինչ չափով նույն պրոֆեսիայի ու վորակի արտելի անդամներին այդ նույն ժամանակամիջոցի համար աշխատավարձ է վճարվում, բայց համենայն դեպս, վոչ ավելի այն նպաստից, վորն արտելի տվյալ անդամը կստանար նպաստն ընդհանուր կանոններով հաշվելու դեպքում:

Յեթե անաշխատունակութունն առաջանում է արտելի աշխատանքը ժամանակավորապես կանգնեցնելու շրջանում, կանգնեցման ժամանակի համար նրա նպաստ չի տրվում (բացի ներքեվում հիշատակված դեպքերից):

Սակայն, յեթե ժամանակավոր անաշխատունակութունն առաջացել է կնոջ հղիությամբ, վորը, մինչև հղիության արձակուրդ տալու որը, 7 ամսից վոչ պակաս անընդհատ աշխատել է տվյալ արտելում և ապրում է միայն արտելի աշխատավարձով (վորովհետև նրա ընտանիքն այլ դատումներ չունի), — ժամանակավոր անաշխատունակության նպաստի վճարումը յենթակա յե և այն դեպքում, յերբ աշխատանքը կանգնեցնելու շրջանում արտելի անդամների աշխատավարձը չի պահպանվել: Այդ արտոնությունը չի տարածվում մինչև հղիության հետեվանքով արձակուրդ տալու որը տանն աշխատող կանանց վրա:

Յեթե անաշխատունակութունը (անկախ նրա առաջացման ժամկետից) շարունակվում է արտելի աշ-

խատանքը վերականգնելուց հետո, — նպաստ տրվում է աշխատանքը վերականգնելու որից այն աշխատավարձի հաշվով, վորն արտելի անդամն ստացել է մինչև աշխատանքի կանգնեցնելը:

§ 1. Աշխատանքը ժամանակավորապես կանգնեցնելու կապակցությամբ հնարավոր են հիվանդանոցային թերթիկներով նպաստը վճարելու հետևյալ դեպքերը.

ա) հիվանդանոցային թերթիկով արձակուրդն սկսվել է մինչև աշխատանքի ժամանակավոր կանգնեցումը և վերջացել է ժամանակավոր կանգնեցման շրջանում, վորի ընթացքում արտելի անդամների աշխատավարձը բոլորովին չի պահպանվել:

Այս դեպքում մինչև կանգնեցումը ժամանակի համար նրա նպաստը տրվում է սովորական չափերով, իսկ կանգնեցման ժամանակամիջոցի համար բոլորովին չի տրվում:

բ) Արձակուրդը հիվանդանոցային թերթիկով սկսվել է մինչև աշխատանքի ժամանակավոր կանգնեցումը և վերջացել է ժամանակավոր կանգնեցման շրջանում, վորի ընթացքում արտելի անդամները, համաձայն ընդհանուր ժողովի վորոշման, աշխատավարձը պահպանել են վորոշ չափերով:

Այս դեպքում մինչև կանգնեցումը ժամանակի համար նպաստը տրվում է սովորական չափերով, իսկ կանգնեցման ժամանակամիջոցի համար նպաստը չպետք է գերազանցի այն աշխատավարձի չափից, վորը պահանջում են նույն պրոֆեսիայի ու վորակի արտելի անդամները (սակայն վոչ բարձր այն նպաստից, վորը տրվել է մինչև կանգնեցումը):

գ) Աշխատանքի ժամանակավոր կանգնեցումը տեղի յե ունեցել արտելի անդամը հիվանդանոցային թերթիկի վրա գտնվելու ժամանակ, վորն արդեն վերջացել է կանգնեցում աշխատանքը վերսկսելուց հետո:

Մինչև կանգնեցումը ժամանակավոր անաշխատունակության ժամանակաշրջանի համար նպաստ տրվում է սովորական կարգով: Կանգնեցման ժամանակի համար կամ բոլորովին չի տրվում (համաձայն «ա» կետի) կամ տրվում է այն աշխատավարձի չափով, վորը պահպանում են նույն պրոֆեսիայի ու վորակի ար-

տելի աշխատունակ անդամները, բայց վոչ բարձր այն նպաստից, վորը տրվել է մինչև կանգնեցումը (համաձայն «բ» կետի): Արտելի աշխատանքը վերսկսելուց հետո, նպաստ տրվում է նույն շափով, ինչ վոր մինչև կանգնեցումը:

դ) ժամանակավոր անաշխատունակությունն սկսվել ու վերջացել է արտելի աշխատանքը կանգնեցնելու շրջանում:

Նպաստ բոլորովին չի տրվում:

ե) Հիվանդանոցային թերթիկով արձակուրդն սկսվել է արտելի աշխատանքը ժամանակավոր կանգնեցման շրջանում, բայց արտելի անդամն աշխատանքի յե դուրս գրվել արդեն աշխատանքը վերսկսելուց հետո: Նպաստ տրվում է միայն կանգնեցված աշխատանքը վերսկսելուց հետո: Նպաստը հաշվում են մինչև աշխատանքի կանգնեցումն ունեցած աշխատավարձից:

զ) Հիվանդանոցային թերթիկով արձակուրդն սկսվել է ժամանակավորապես կանգնեցրված աշխատանքները վերսկսելուց հետո մոտակա օրերին:

Նպաստը պետք է հաշվել սովորական կարգով, այն է՝ կայուն ժամանակավարձայիններին՝ նրանց առ անաշխատունակության սկզբի օրն աշխատավարձից, իսկ գործարքայիններին՝ կանոնադրության 34-րդ հոդվածի կարգով:

է) Հղիության ու ծննդաբերության արձակուրդն ամբողջովին կամ մասնակի զուգադիպել է արտելի աշխատանքը ժամանակավորապես կանգնեցնելու հետ: Ընդհանուր արհեստանոցներում (վոչ տանը) աշխատող կանանց, 39-րդ հոդվածի 3-րդ պարբերությունում նշված պայմանների առկայության դեպքում, վերապահվում են արտոնություններ, վորոնք արտահայտվում են նրանում, վոր հղիության ու ծննդաբերության հետևանքով նպաստը կանգնեցման ժամանակի համար տրվում է սովորական շափով, անկախ նրանից, թե կանգնեցման շրջանում աշխատունակ անդամները պահպանում են աշխատավարձի մի մասը թե վոչ: Այս դեպքում նպաստը հաշվում են մինչև կանգնեցումն ունեցած աշխատավարձից:

40. Արտելիների հարկադիր աշխատանքի դատապարտված անդամներին նպաստ վորոշվում է յե լինելով այն աշխատավարձից, վորն արտելի անդամը պահ-

պանում է համաձայն դատարանի վորոշման: Աշխատանքա-ուղղիչ աշխատանքների պատիժը (ըստ աշխատանքի վայրի) կրելու ժամանակամիջոցը չի ընդհատում ստաժի ընթացքը, բայց և ստաժի մեջ էլ չի մտցվում:

§ 1. Աշխատանքա-ուղղիչ աշխատանքները վոչ ըստ աշխատանքի վայրի, պատժի ժամանակամիջոցն ընդհատում է արտելում անընդհատ աշխատանքի ստաժի ընթացքը՝ ժամանակավոր անաշխատունակության նպաստի շափը վորոշելու համար: Այսպիսով, 1939 թ. 4 ամսվա ընթացքում վոչ արտելում աշխատանքա-ուղղիչ աշխատանքների պատիժը կրած և նույն արտելը, վորի անդամն է մնացել նա, աշխատանքի վերադարձած ու աշխատանքի 6 ամիսն անցնելուց հետո հիվանդացած արտելի անդամը նպաստ պետք է ստանա յերկու տարվա անընդհատ ստաժ շունեցողների համար սահմանված շափով: Յեթե նա արտել վերադառնալուց հետո հիվանդանա մինչև վեց ամսվա ստաժի կուտակումը, — նպաստ բոլորովին չի ստանա:

§ 2. Իրենց արտելում աշխատանքա-ուղղիչ աշխատանքների պատիժը կրողների ժամանակավոր անաշխատունակության նըպաստի շափը հաշվում են նրանց վրա պահպանված աշխատավարձից: Ասենք, յեթե արտելի անդամի 400 ուրբլի ամսական աշխատավարձից պահպանվում է 300 ուրբլի, — $2\frac{1}{2}$ տարվա ըստաժի դեպքում, նա նպաստ կստանա (ընդհանուր արհեստանոցներում աշխատելու դեպքում) 300 ուրբլուց 60 տոկոսի շափով:

VI. ՆՊԱՍՏԻ ԻՐԱՎՈՒՆՔԻ ՍԱՀՄԱՆՈՒՄՆ ՈՒ ՆՐԱ ՎՃԱՐՈՒՄԸ

41. Նպաստի իրավունքն ու նրա շափը սահմանվում են ԱՊԿԻԲ-ի (աշխատանքի պաշտպանության և կենցաղի բարելավման բյուրո) նիստերին՝ արտելի անձնական կազմի հաշվառման և հաշվապահության աշխատավորների մասնակցությամբ, իսկ վորտեղ ԱՊԿԻԲ-ի չկա, — ալդ աշխատանքը կատարում է ապահովագրական պատգամավորը, արհասպանձարկղի

(ապահովագրական խորհրդի) հետագա ստուգմամբ: Նպաստը հաշվում և վճարում է արտելի վարչությունը, արտելից հասանելիք ապահովագրական մուծանքների հաշվին:

Նպաստը հաշվելու և վճարելու բոլոր աշխատանքները կատարում են արտելները, առանց այդ աշխատանքների համար մի վորևիցե վարձատրության արհապագանձարկղների (ապահովագրական խորհուրդների) կողմից:

§ 1. ԱՊԿԲԲ վոչ մի դեպքում չի կարող արտելի անդամի նպաստի իրավունքի վորոշումը և նրա շափի սահմանումը (արտելի տվյալ անդամի միջին աշխատավարձի տոկոսներով) դնել արտելի վարչության կամ նրա հաշվապահության վրա: Միանգամայն անթույլատրելի չե և այն կարգը, յերբ արտելի անդամի մասին տեղեկություններ հավաքում է արտելի հաշվետարը, վորը և լրացնում է հիվանդանոցային թերթիկը, իսկ ԱՊԿԲԲ, առանց տեղեկություններն ըստ ելության ստուգելու, բավականանում է միայն թերթիկը մակագրելով: Նպաստներ նշանակելու և նրանց շափը վորոշելու աշխատանքը խորշոր նշանակություն ունի և այդ պատճառով ել ԱՊԿԲԲ-ները պետք է նրան վերաբերվեն հատուկ ուշադրությամբ և ճշտաջանությամբ:

§ 2. Ժանանակավոր անաշխատունակության նպաստի նշանակումն ու նրանց շափի սահմանումը պետք է կատարվի ԱՊԿԲԲ-ների նիստերին (այդ նիստերի ԱՊԿԲԲ-ների 2/3-ից վոչ պակաս անդամների ներկայությունը պարտադիր է) և վոչ թե ԱՊԿԲԲ-ի նախագահի կողմից միանձնորեն: Փորձը ցույց է տալիս, վոր ապահովության կանոնների խախտումները մեծ մասամբ տեղի չեն ունենում այն արտելներում, ուր նպաստները նշանակվում են մենակ ԱՊԿԲԲ-ների նախագահների կողմից: ԱՊԿԲԲ-ի նիստին ցանկալի չե արտելի այն անդամի ներկայությունը, վորին նպաստ է նշանակվում:

§ 3. ԱՊԿԲԲ-ի վորոշումները հիվանդանոցային թերթիկներով նպաստ նշանակելու և նպաստի շափը սահմանելու մասին պետք է անպատճառ արձանագրվեն ըստ յուրաքանչյուր վճարման

դեպքի առանձին: Նպաստի նշանակումը մերժելու կամ արտելի անդամին նրան հասանելիք նպաստից զրկելու դեպքում (տես կանոնադրության հոդ. հոդ. 3, 4, 51, 52, 53)—պետք է մերժման պատճառը մանրամասնորեն արձանագրության մեջ մտցվի:

§ 4. ԱՊԿԲԲ-ի նիստում նպաստ նշանակելուց հետո, ԱՊԿԲԲ-ի նախագահը՝ արձանագրության մեջ գրանցված վորոշման համաձայն, նպաստը նշանակելու և նրա շափի մասին համապատասխան մակագրություն է անում հիվանդանոցային թերթիկի վրա:

§ 5. ԱՊԿԲԲ-ի արձանագրությունը՝ ժամանակավոր անաշխատունակության նպաստները վորոշելու և նշանակելու խնդրի մասին,— ստորագրվում են ԱՊԿԲԲ-ի նախագահի, հաշվային աշխատողի և անձնական կազմի աշխատողի կողմից:

ԱՊԿԲԲ-ի նիստի արձանագրությունը կազմվում է մեկ որինակից և պահվում է արտելի գործերում՝ նպաստների վճարման (աշխատավարձի) տեղեկագրին կցված:

§ 6. ԱՊԿԲԲ-ներ շունեցող արտելներում (մինչև 25 հոգի աշխատողներով) հիվանդանոցային թերթիկներով նպաստների նշանակումը կատարվում և ձեվակերպվում է նույն կարգով ապահովագրական լիազորի և արտելի հաշվապահի կողմից:

§ 7. Ժամանակավոր անաշխատունակության նպաստներ նշանակելու յուրաքանչյուր դեպքում,— ԱՊԿԲԲ-ները պետք է պարզեն.

ա) թերթիկ ներկայացնող արտելի անդամն իրավունք ունի՞ արդյոք նպաստ ստանալու.

բ) աշխատանքի ինչպիսի անընդհատ ստաժ ունի նա՞ այդ մասին յեղած տեղեկությունները կանոնադրության 46-րդ հոդվածում նշված փաստաթղթերով ստուգելու միջոցով.

գ) ճի՞շտ է տրված արդյոք բուժող բժշկի կողմից հիվանդանոցային թերթիկը և լրիվ է լրացված թե վոչ.

դ) արտելի անդամի տունն ընկերական հսկողություն ուղարկվել է թե վոչ և ինչպիսի արդյունք է տվել նա.

ե) հիվանդի արձակուրդը չի՞ առաջացել արդյոք հարբեցողության հետեվանքով և այլն.

զ) թերթիկ ներկայացնողը չի՞ պատկանում արդյոք այն անձանց շարքերին, վորոնց նպաստ պետք է տրվի սահմանափա-

կումներով: Միաժամանակ պարզվում է ժամանակավոր անաշխատունակության պատճառը և միջոցներ են ձեռք առնվում նրանց վերականգնելը՝ հիվանդություններն ու դժբախտ պատահարները հետագայում կանխելու համար:

§ 8. Արտելը լուծարքի յենթարկվելու դեպքում (տես 16-րդ հոդվածի մեկնաբանումների § § 4 և 5) նպաստը, արտելի լուծարքի յենթարկվելու որից, վճարվում է լուծարքի յենթարկվող արտելն սպասարկող արհապագանձարկղի (ապահովագրական խորհրդի) կողմից:

§ 9. Ժամանակավոր անաշխատունակության նպաստ նշանակելիս ԱՊԿԲԲ-ները պետք է ուշադրություն դարձնեն պարզելու՝ ժամանակավոր անաշխատունակության այս կամ այն դեպքի նկատմամբ ռեգրեսիվ հայց հարուցելու հնարավորությունը, արտելի կամ մասնավոր անձի դեմ, վորը մեղավոր է ճանաչված, վոր արտելի անդամի հետ դժբախտ պատահար է տեղի ունեցել կամ հիվանդացել է (ՌԽՅՍՂ քաղաքացիական կոդեքսի 413 և 414 հոդվածների կարգով): Պետք է հիշել, վոր ռեգրեսիվ հայցերը հսկայական նշանակություն ունեն հիվանդության և տրավմատիզմի դեմ պայքարելու գործում՝ պահանջելով արտելների վարչություններից ե՛լ ավելի հետևել անվտանգության տեխնիկային, ե՛լ ավելի հոգալ արտելներում աշխատանքի պայմաններն առողջացնելու մասին: Խոշոր դաստիարակչական նշանակություն ունեն ռեգրեսիվ հայցերը կենցաղային տրավմաների պայքարի գործում:

Փոխադարձ ապահովագրական գանձարկղների ռեգրեսիվ հայցեր հարուցելու իրավունքը սահմանված է ՌԽՅՍՂ Գերագույն Դատարանի նախագահության 1932 թ. փետրվարի 3-ի վորոշմամբ («Խորհրդային արդարադատության շաբաթաթերթ» 1932 թ., № 10):

§ 10. ԱՊԿԲԲ-ների կողմից նշանակված ժամանակավոր անաշխատունակության նպաստների վճարումն ի հաշիվ ապահովագրական մուծանքների՝ կազմում է արտելների վարչությունների պարտականությունը, վորի կատարումից նրանք վոշ մի պատրվակով շեն կարող խուսափել (միջոցների բացակայության, գանձարկղի կողմից արտելի պարտքի առկայություն և այլն):

Նպաստները վճարելուց խուսափելու համար հանցավորները պետք է յենթարկվեն պատասխանատվության, վորպես աշխատավարձի վճարումն ուշացնողներ:

42. Յեթե ժամանակավոր անաշխատունակությունն առաջացել է արտելը գտնվելու վայրից դուրս (որինակ, գործուղման մեջ, արձակուրդում և այլն),— նպաստի վճարումը կատարվում է ըստ աշխատանքի վայրի (վորտեղ արտելի անդամն աշխատավարձ է ստանում):

§ 1. Արտելների այն անդամներին, վորոնց ժամանակավոր անաշխատունակությունն առաջացել է մշտական բնակավայրից և աշխատանքի վայրից դուրս (որինակ, գործուղման ժամանակ, հանգստյան տնում և այլն),— հիվանդանոցային թերթիկները տրվում են նրանց ժամանակավորապես գտնվելու վայրում, բայց միայն բուժհիմնարկի գլխավոր բժշկի հաստատմամբ (ՀԱՄԿԽ-ի և ԽՍՀՄ Առժողկոմատի 1937 թ. հուլիսի 31-ի հրահանգի 24-րդ հոդ.):

§ 2. Բացառիկ դեպքերում, յերկարատե ժամանակավոր անաշխատունակության դեպքում, նպաստը ԱՊԿԲԲ-ի վորոշմամբ արտելի կողմից կարող է ուղարկվել փոստով: Սակայն դրամի նման փոխադրումը կարող է տեղի ունենալ միմիայն ԱՊԿԲԲ-ի կողմից, ըստ արտելի անդամի ուղարկած հիվանդանոցային թերթիկի, նպաստը նշանակելուց հետո: Դրամի փոխադրման ծախքն անց է կացվում արտելի հաշվին:

43. Նպաստը տրվում է արտելի անդամի աշխատավարձը վճարելու համար սահմանված ժամկետներին, բացի հետևյալ դեպքերից, յերբ նպաստը տրվում է առաջուց.

ա) այլ վայրերում ձրի սանկուրորտային բուժման արձակուրդի դեպքում— արձակուրդի վողջ ժամկետի նպաստի 70 տոկոսը (մնացած մասը տալով արձակուրդից վերադառնալուց հետո).

բ) այլ վայրում իր հաշվին բուժվելու արձակուրդի դեպքում (սանկուրորտային, մասնագիտական ստացիոնար կամ ամբուլատոր) — սանկուրորտային հանձնաժողովի և բժշկական-աշխատանքային եքսպերտ հանձնաժողովի (ԲԱԵՀ) կողմից տրված արձակուրդի վողջ ժամկետի համար:

գ) Հղիության արձակուրդի դեպքում — մինչև ծննդաբերության վողջ շրջանի համար (հետծննդաբերության շրջանի համար նպաստը վճարելով մաս-մաս աշխատավարձը վճարելու հետ միաժամանակ):

§ 1. Գորգագործուհիներին, նրանց վարձատրության յուրահատուկ պայմանների կապակցությամբ, հիվանդանոցային թերթիկներով նպաստը տրվում է տվյալ գորգագործուհու հետ արտելի կողմից աշխատավարձի հաշվարկումը կատարելուց հետո: Սակայն ԱՊԿԲԲ-ները կարող են, անհրաժեշտ դեպքերում, — յերկարատև հիվանդության դեպքերում, թուլյատրել գորգագործուհիներին առաջուց, ի հաշիվ նպաստի ավանս վճարել, — մինչև արտելի կողմից նրանց հետ վերջնական հաշիվ կատարելը:

§ 2. Ի նկատի ունենալով, վոր արտելի անդամ-կանանց հղիության հետևանքով արձակուրդի նպաստը մինչ ծննդաբերության վողջ շրջանի համար (35 օր) տրվում է առաջուց, — ԱՊԿԲԲ-ներին՝ անհրաժեշտ է հետեվել, վոր պեսզի այն դեպքերում, յերբ ծննդաբերությունը տեղի յե ունենում բժշկի կողմից սահմանված ժամկետից շուտ, — հղիության հետեվանքով ավելի վճարած նպաստը հաշվել հետ ծննդաբերության շրջանի արձակուրդի հաշվին, վոր պեսզի միևնույն օրերի համար, նպաստի կրկնակի վճարում չլինի:

Որինակ. Արտելի անդամ Իլինայի ծննդաբերության ժամկետը բժշկները վորոշել են դեկտեմբերի 8-ին և նրան նոյեմբերի 3-ից առ 7-ը դեկտեմբերի հղիության հետեվանքով արձակուրդ են տվել: Նոյեմբերի սկզբին, Իլինան արձակուրդի ամբողջ ժամանակամիջոցի համար, այն է առ 7-ը դեկտեմբերի ներառյալ, նպաստ է ստացել: Սակայն, ծննդաբերությունը տեղի յե ունեցել վող թե դեկտեմբերի 9-ին, այլ դեկտեմբերի 2-ին: Իլի-

նային հետ ծննդաբերության շրջանի արձակուրդի նպաստը վճարելիս, — դեկտեմբերի առաջին կեսի համար՝ նպաստը պետք է վճարել վող թե 2-ից, այլ միայն դեկտեմբերի 8-ից, վորովհետև դեկտեմբերի 2-ից առ 7-ը ժամանակամիջոցի համար հղիության հետեվանքով նպաստ արդեն վճարված է յեղել:

§ 3. Մինչև աշխատավարձ վճարելու ժամկետը չի թուլյատրվում նպաստ վճարել (բացառությամբ կանոնադրության սույն հոդվածում թված դեպքերից):

Որինակ. Արտելի անդամ Մոսալսկին ժամանակավոր անաշխատունակ է յեղել սեպտեմբերի 7-ից առ 20-ը: Հիվանդանոցային թերթիկով այդ օրերի նպաստը նա կստանա ամսվա յերկրորդ կեսի աշխատավարձը վճարելու համար սահմանված ժամկետին, այն է՝ հոկտեմբերի 4-ին:

§ 4. ԱՊԿԲԲ-ի կողմից նշանակված ժամանակավոր անաշխատունակության նպաստները արտելի վարչությունը պարտավոր է վճարել ի հաշիվ ապահովագրական մուծանքների, դրա համար սահմանված ճիշտ ժամկետին:

Այն դեպքում, յերբ հայտնաբերվում են արտելի վարչության կողմից հիվանդանոցային թերթիկներով գումարների վճարումը ձգձգելու դեպքեր, առավել ևս թերթիկներով, վորոնցով նշանակված նպաստների գումարներն արդեն ընդունված են արհապագանձարկղների կողմից ի հաշիվ ապահովագրական մուծանքների, — պետք է անմիջապես միջոցներ ձեռք առնել հանցավորներին յենթարկելու քրեական պատասխանատվության և մարելու ստացված պարտքը՝ արտելի անդամի նկատմամբ:

44. Նպաստ տրվում է միմիայն անաշխատունակության թերթիկով. դրանց դիմաց վճարման համար այլ փաստաթղթեր չեն ընդունվում:

Թերթիկը կորցնելու դեպքում, դուբլիկատ տրվում է այն մարմնի կողմից, վորը թերթիկը տվել է. պետք արտելից տեղեկանք ներկայացնել այն մասին, վոր տվյալ ժամանակի համար նպաստ չի տրված:

§ 1. Արտելների անդամների ժամանակավոր անաշխատունակության նպաստի վճարումը կատարվում է Համարհկոոպանձխորհրդի կողմից հաստատված ձևի հիվանդանոցային թերթիկով,

այլ նաև Պետական Սոցիալական ապահովագրության սխեմայի համար ընդունված հիվանդանոցային թերթիկներով: Փոխադարձ ապահովագրության իրավասության տակ գտնվող բուժօժանդակներում կիրառվում են միայն առաջին ձևի թերթիկներ:

§ 2. Հիվանդանոցային թերթիկները կորցնելու մասին մամուլում հայտարարություններ չեն կատարվում:

§ 3. Առանձին արտելներում դեպքեր են տեղի ունեցել, յերբ բուժօժանդակներում հիվանդանոցային թերթիկների բլանկների բացակայության կապակցությամբ ժամանակավոր անաշխատունակության նպաստը տրվել է վոչ թե թերթիկներով, այլ բժիշկներին կողմից տրված տեղեկանքներով: Նման վճարումները հանդիսանում են անորինական: Անհրաժեշտ է միջոցներ ձեռք առնել, վոր առբաժիններն անխափան թերթիկների բլանկներ մատակարարեն բոլոր բուժօժանդակներին: Իսկ յեթե ժամանակավորապես այդպիսիքը չլինեն, — այդ դեպքում բժշկի տեղեկանքը կարող է միայն ապացույց ծառայել, վոր աշխատանքի չներկայանալը յեղել է հարգելի պատճառով: Ժամանակավոր անաշխատունակության նպաստը վճարելու համար այդ տեղեկանքները պետք է փոխարինվեն հիվանդանոցային թերթիկներով:

§ 4. Այն դեպքում, յերբ հերթական աշխատավարձը վճարելու ժամանակ անաշխատունակությունը դեռ շարունակվում է, բուժող բժիշկն արտելի անդամին տալիս է հիվանդանոցային թերթիկի «շարունակություն», իսկ առաջնակի հիվանդանոցային թերթիկի «աշխատանքի անցնել» սյունակում «շարունակություն» տալու մասին նշանառում է անում: 10 օրից ավելի տևող անաշխատունակության դեպքում, — «շարունակությունը»-ը տրվում է կոնսուլտացիոն հանձնաժողովի բժշկի կողմից կամ բուժող բժշկի կողմից՝ գլխավոր բժշկի հաստատմամբ:

Թերթիկի շարունակությունը տրվում է նաև նպաստն առաջուց վճարելու դեպքում (յեթե այդ նպաստը վճարվում է վոչ արձակուրդի ամբողջ ժամանակամիջոցի համար): «Շարունակության թերթիկներով» նպաստների նշանակումն ու վճարումը կատարվում է ընդհանուր կարգով:

45. Սխալների հետեվանքով կամ նպաստն ստացողի կողմից շարագործության հետեվանքով (կեղծ փաստաթղթեր ներկայացնել և այլն) ավելի վճարված նպաստների գումարները, բացի 51 և 52 հոդվածներում նախատեսված դեպքերից, արհապագանձարկղի (ապահովագրական խորհրդի) ԱՊԿԲԲ-ի (աշխատանքի պաշտ. կենցաղի բարելավման բյուրոյի) առաջարկությամբ կամ իր սեփական ցանկությամբ (առանց դատարանի վորոշման) արտելի վարչության կողմից պահվում են նրա աշխատավարձից:

§ 1. Յեթե ժամանակավոր անաշխատունակության նպաստը սխալ է վճարված յեղել արտելի անդամին և, կամ հաշվային սխալի հետևանքով, կամ ստացողի կողմից շարագործության պատճառով, ԱՊԿԲԲ-ի կողմից նպաստը նշանակելիս կամ նրա շափը վորոշելիս ավելի վճարում է թույլ տրված յեղել, — ավելի վճարած գումարները յենթակա յեն հետ գանձման արտելի անդամի աշխատավարձից:

§ 2. Արտելի հանցանքով (հաշվային սխալ, անընդհատ ըստաժի մասին վոչ ձիշտ տեղեկությունների հաղորդում և այլն) արտելի անդամին ավելի վճարած նպաստի գումարները հաշվի չեն առնվում ի հաշիվ ապահովագրական մուծանքների և անց են կացվում արտելի հաշվին:

46. Պահանջվելիք աշխատանքային ստաժի ապացույց կարող են ծառայել արտելի անդամի անձնական քարտը, ընդհանուր ժողովների արձանագրությունները, հաշվային գրքույկները, աշխատանքի վայրից տեղեկանքները, աշխատանքային գրքույկները, անդամագրքույկները և դրանց փոխարինող այլ փաստաթղթերը:

§ 1. Կատեգորիկ կերպով արգելվում է անաշխատունակության թերթիկների հաշվարկման մեջ մտցնել փաստաթղթերով չապացուցված աշխատանքի ստաժի մասին տվյալները:

Անցյալ աշխատանքի մասին փաստաթղթային տվյալների

բացակայության դեպքում (փոխադրումներ, արտելներ ձուլում) ստաժը հաշվել միայն տվյալ արտելի աշխատանքի մասին պաշտոնական փաստաթղթեր ներկայացնելու մոմենտից (Համարհկո-ոպգանձխորհրդի նախագահության 1939 թ. հունիսի 22-ի վորոշման 8-րդ կետը):

§ 2. Նպաստ ստացողից պահանջվելիք ստաժի առկայության ստուգումը պետք է կատարվի ԱՊԿԲԲ-ի կողմից նպաստ նշանակելիս, ստաժը պետք է հաստատվի միայն 46-րդ հոդվածում նշված փաստաթղթերով: Վարձու աշխատանքի մասին տեղեկությունները պետք է ստուգվեն միայն աշխատանքային գրք-քույկներով: Ոգտվել ամեն տեսակի սուրբոգատային ցուցակներով և այլն չի կարելի:

VII. ԺԱՄԱՆԱԿԻՆ ՉՍՏԱՑԱԾ ԿԱՄ ԱՆԱՇԽԱՏՈՒՆԱԿԻ ՄՍՀ-ՎԱՆԻՑ ՀԵՏՈ ՄՆԱՑԱԾ ՆՊԱՍՏԻ ՎՃԱՐՈՒՄԸ ՅԵՎ ՓԱՍՏԱ-ԹՂԹԵՐԸ ՆԵՐԿԱՅԱՑՆԵԼՈՒ ԿԱՐԳԸ

47. Անաշխատունակության թերթիկը արտելի անդամը պետք է աշխատանքի դուրս գալու որը հանձնի արտելի վարչությանը, ըստ վորի այդ որը հաշվվում է թերթիկը վճարման համար ներկայացնելու որ:

Արտելին հանձնած անաշխատունակության թերթիկով հասանելիք նպաստի համար կարելի չե դիմել՝ աշխատունակությունը վերականգնելու կամ հաշմանդամությունը սահմանելու որից հաշված մինչև 6 ամիս լրանալը: Այդ ժամկետն անցնելու դեպքում՝ նըպաստը կարող է նշանակվել միայն բացառիկ դեպքերում արհկոոպգանձարկղի (ապահովագրական խորհրդի) կարգադրությամբ:

Նպաստը տրվում է անաշխատունակության միայն այն ժամանակամիջոցի համար, վորն ընկնում է նպաստի համար դիմելուց առաջ, վերջին 6 ամսվան:

§ 1. Յերկարատե հիվանդության դեպքում արտելի անդամին հիվանդանոցային թերթիկի «շարունակություն» տալիս,— առաջ-

նակի թերթիկը վճարման հանձնելու որը— (իսկ յերկրորդ «շարունակությունը» տալիս,— առաջին «շարունակությունը») համարվում է թերթիկները վճարման համար արտելին հանձնելու փաստացի որը, բայց վոչ ուշ աշխատանքի դուրս գալու որից:

§ 2. Վեցամսյա ժամկետն անցկացնելուց հետո, արհապգանձարկղի (ապահովագրական խորհրդի) կարգադրությամբ ժամանակավոր անաշխատունակության նպաստը նշանակելու դեպքում (տես սույն հոդվածի 3-րդ պարբերությունը),— այդպիսին վճարվում է ժամանակավոր անաշխատունակության ամբողջ ժամանակամիջոցի համար, բայց վոչ ավելի, քան մինչև ժամանակավոր անաշխատունակությունը վերջանալու որը,— վեց ամսից:

§ 3. Կարող են տեղի ունենալ դեպքեր, յերբ ժամանակավոր անաշխատունակության արձակուրդը վերջանալուց հետո, արտելի անդամը չի վերադառնում աշխատանքի՝ հետևյալ պատճառների հետևանքով.

- ա) կենսաթոշակի փոխադրման.
- բ) մահվան.
- գ) արտելի անդամների կազմից հեռացման.
- դ) արտելի լուծարքի.
- ե) այլ պատճառներով:

Այդ դեպքերում հիվանդանոցային թերթիկն արտելին ներկայացնելու որը պետք է համարել վոչ թե ժամանակավոր անաշխատունակությունը վերջանալու որը, այլ թերթիկը վճարման համար փաստորեն հանձնելու որը, վորովհետև արտելը հնարավորությունից զուրկ է յեղել ժամանակին պահանջել հիվանդանոցային թերթիկը:

48. Ընթացիկ ամսում վճարման ներկայացրած անաշխատունակության թերթիկներն (հոդ. 47) արտելի վարչության կողմից պետք է հանձնվեն արհապգանձարկղին (ապահովագրական խորհրդին) հետևյալ ամսի 8-ից վոչ ուշ:

Արհապգանձարկղի (ապահովագրական խորհրդի) կողմից ստացված անաշխատունակության թերթիկները կարող են վերադարձվել արտելին՝ լրացուցիչ և

ճշտված տեղեկություններ մտցնելու համար վոչ ուշ, քան արտելի ստանալու որից հաշված մինչև 15 որը:

Այս դեպքում, արտելը պարտավոր է, ստանալու որից հաշված, հնգորչա ժամկետում մտցնել պահանջվելիք ուղղումները և վերադարձնել արհապագանձարկղին (ապահովագրական խորհրդին): Յեթե անաշխատունակության թերթիկների պահպանումը դրված է արտելի վրա, արտելի վարչությունը պարտավոր է, հաշվետու ամսվա հաջորդ ամսի 8-ից վոչ ուշ, ներկայացնել պարտագրված նպաստների հաշվային տեղեկագրերը սահմանված ձևով: Լրացուցիչ և ճշտված տեղեկություններ մտցնելու համար սահմանվում են նույն ժամկետները, ինչ վոր ներկայացրած անաշխատունակության թերթիկներինն է:

§ 1. Գանձարկղների միավորումներին, արհապագանձարկղներին և ապահովագրական խորհուրդներին անհրաժեշտ է ժամանակավոր անաշխատունակության նպաստների հաշվարկման ճշտության վրա ապահովել սխտեմատիկ հսկողությունն անմիջապես արտելներում:

Պետք է ապահովել նաև ըստ բոլոր հիվանդանոցային թերթիկների նշված հիվանդության որերի ճշտության ստուգումը՝ համեմատելով այդ տվյալները ցուցակների տվյալների հետ (Համարհկոպգանձխորհրդի նախագահության 1939 թ. հունիսի 22-ի վորոշման 7-րդ հոդվածը):

§ 2. Ժամանակավոր անաշխատունակության նպաստները հաշվելու և վճարելու ճշտության ստուգումը, ինչպես ԱՊԿԲԲ-ի, այնպես էլ արհապագանձարկղի (ապահովագրական խորհրդի) կողմից միանգամայն անհրաժեշտ է, վորովհետև՝

ա) արտելը կարող է այնպիսի փաստաթղթերով նպաստ վճարել, վորոնցով նպաստ վճարել չի կարելի. նման վճարումներ հայտնաբերելու դեպքում, — նրանք պետք է անցկացվեն արտելի հաշվին.

բ) արտելը կարող է նպաստ վճարել վոչ այն շափով, ինչ վոր սահմանված է յեղել ԱՊԿԲԲ-ի կողմից. որինակ՝ արտելի

անդամին նպաստ հասնում է աշխատավարձի 50 տոկոսի շափով, իսկ հաշվետարը սխալմամբ, անփութությամբ կամ դիտմամբ հաշվել է 100 տոկոսի շափով, կամ ընդհակառակը.

գ) արտելը կարող էր չկատարել նպաստի մաքսիմումի մասին պահանջը.

դ) կարող է տեղի ունենալ այն աշխատավարձի վոչ ճիշտ սահմանումը, վորից յեղնելով պետք է հաշվեն ժամանակավոր անաշխատունակության նպաստը, որինակ՝ մինչև հիվանդանալը մի քանի որ առաջ նոր աշխատանքի փոխադրվածին նպաստ հաշվել՝ նրա մինչև հիվանդության ամիսը վերջին յերկու ամսրվա աշխատավարձից և վոչ թե վերջին աշխատանքի աշխատավարձից.

ե) արտելի վոչ բոլոր հաշվային աշխատողները գիտեն, թե նպաստ հաշվելիս աշխատավարձի վո՞ր գումարները պետք է ի նկատի ունենալ.

զ) հաշվելիս հաճախ թվաբանական սխալներ են տեղի ունենում.

է) արտելի հաշվետարը սխալմամբ կարող է սխալ վորոշել բաց թողած որերի թիվը. նա կարող է սխալ վորոշել այն որերի թիվը, վորի վրա պետք է բաժանել աշխատավարձը և այլն.

ը) արտելի վարչությունը կարող էր նպաստը հաշվելիս սխալ մեթոդ կիրառել:

թ) վերջապես, արտելի հաշվային ապարատի կողմից կարող են տեղիք տրվել այս կամ այն շարարկությանը, վոր կարելի չէ հայտաբերել միայն թերթիկների ստուգման միջոցով, նրանց՝ վճարելուց հետո:

Այդ բոլոր հանգամանքներն էլ, վճարած փաստաթղթերի հետագա ստուգման անհրաժեշտություն են առաջացնում: Յեթե ստուգման ժամանակ հայտաբերվում է նպաստի պակաս վճարում, արտելին կարգադրություն է արվում անմիջապես վճարելու:

Իսկ հիվանդանոցային թերթիկը, վորով լրացուցիչ վճարում է կատարվել, մնում է հաշվետվության կից և ընդունվում է ի հաշիվ մուծանքների: Արտելը լրացուցիչ վճարում է կատարում արտելի անդամին և այդ կարգադրությունը վորպես արդարացուցիչ փաստաթուղթ կցվում է հետևյալ հաշվետվությանը:

նպաստների ավելի վճարում հայտաբերելու դեպքում, գանձարկղն առաջարկում է արտելին՝ ավելի վճարած դրամը գանձել արտելի անդամից: Ավելի վճարած գումարներն արտելի կողմից կարող են պահվել առանց այդ մասին հատուկ վորոշման:

Ավել վճարած գումարներն ապահովագրական մուծանքների հաշվին չեն անցկացվում, հետևապես արտելն այդպիսին պետք է գանձի վոչ թե գանձարկղի, այլ իր ոգտին:

Արհայգանձարկղները (ապահովագրական խորհուրդները) պետք է մանրամասնորեն հրահանգեն արտելին, վորպեսզի նրպաստները հաշվելու և վճարելու ժամանակ սխալներ չլինեն:

49. Անաշխատունակության թերթիկները (կամ տեղեկանքները) 48-րդ հոդվածում նշված ժամկետների խախտմամբ ներկայացնելու դեպքում, — արհայգանձարկղը (ապահովագրական խորհուրդը) անաշխատունակության թերթիկներով վճարած արտելի կատարած ծախսերի $\frac{1}{3}$ -ը հաշվի դիմաց չի ընդունում:

Վճարման համար ներկայացրած որից հաշված (հոդ. 47) 3 ամիս անցնելուց հետո արհայգանձարկղին (ապահովագրական խորհուրդին) ներկայացրած անաշխատունակության թերթիկները (տեղեկագրերը) չեն ընդունվում ապահովագրական մուծանքների հաշվին:

Այդ դեպքերում նպաստը մնում է վճարած՝ ի հաշիվ արտելի իրեն ծախսերի, առանց վճարած գումարները արտելի անդամից — իրենից հանելու:

Ներկայացրած անաշխատունակության թերթիկները պետք է ունենան շտամպ կամ մակագրություն՝ «նպաստը պարտագրված է»:

§ 1. Յեթե ամսական հաշվարկման տեղեկագրերը (կամ հիվանդանոցային թերթիկները) արտելի կողմից ներկայացված են ուշացումով, — ծախսերի $\frac{1}{3}$ -ը անց է կացվում արտելի հաշվին: Ուշացման տակ պետք է հասկանալ.

ա) տեղեկագրերը կամ թերթիկները հաշվետու ամսվա հաջորդ. ամսի 8-ից ուշ ներկայացնելը.

բ) տեղեկագրի մեջ մտցնելը կամ այն թերթիկների ներկայացնելը, ըստ վորոնց՝ աշխատանքի դուրս գալը տեղի չի ունեցել վոչ հաշվետու ամսում, այլ ավելի շուտ:

§ 2. Յեթե հիվանդանոցային թերթիկները (կամ տեղեկագրերը) արտելի կողմից ներկայացված են 3 ամիս անցնելուց հետո, — դրանցով կատարված ծախսերն ամբողջովին անց են կացվում արտելի հաշվին:

Որինակ՝ Իլինան հիվանդությունից հետո, աշխատանքի չե դուրս չեկել մարտի 5-ին: Նրա կողմից հանձնված հիվանդանոցային թերթիկը պետք է ներկայացվի (կամ հաշվային տեղեկագրի մեջ մտցվի) մարտի հաշվետվությամբ, անկախ թերթիկը փաստորեն հանձնելու ժամանակից. թերթիկն արտելը պետք է նրանից վերցնի աշխատանքի դուրս գալու որը:

Յեթե արտելը թերթիկը հանձնում է (կամ մտցնում է տեղեկագրի մեջ) ապրիլի հաշվետվությամբ, — դրանով վճարած գումարների $\frac{1}{3}$ -ն անց է կացվում արտելի հաշվին:

Յեթե արտելը թերթիկը հանձնում է (տեղեկագրերը) հուլիսի հաշվետվությամբ, — թերթիկով վճարած նպաստի ամբողջ գումարը անց է կացվում արտելի հաշվին և չենթակա չե հաշվառման՝ ապահովագրական մուծանքների հաշվին:

50. Մինչև արտելի անդամի մահվան որը շտացած նպաստն ստանալու իրավունք ունեն ընտանիքի հետևյալ անդամները — արտելի անդամի մահվան որվանից 6 ամսից վոչ ուշ դիմելու դեպքում.

ա) յերեխաները, յեղբայրները և քույրերը, յեթե նրանց 18 տարին չի լրացել կամ, յեթե նրանք իրենց անաշխատունակության հետևանքով յեղել են մահացածի ինամքի տակ:

բ) ծնողներն ու ամուսինները (անկախ նրանց անաշխատունակությունից), յեթե նրանք ապրել են մահացածի հետ կամ յեղել են նրա ինամքի տակ:

Մանրորյուն. սույն կանոնադրությամբ յերեխաներին հավասարեցվում են վորդեգրվածները (սահմանված կարգով), յսկ ծնողներին — վորդեգրուները:

§ 1. Առ արտելի անդամի մահվան որը շտացած նպաստը

յենթակա չէ նրա ընդհանուր ժառանգական գույքի մեջ մտցնելու:

§ 2. Նպաստն ստանալու համար մահացածի բարեկամները տեղեկանք են ներկայացնում այն մասին, վոր նրանք պատկանում են նպաստն ստանալու իրավունք ունեցող մահացածի ընտանքի անդամների թվին (իսկ անհրաժեշտ դեպքերում, ներկայացնում են փաստաթուղթ անաշխատունակության մասին և միասին ապրելու կամ խնամքի տակ գտնվելու փաստի մասին):

§ 3. Յեթե նպաստն ստանալու համար դիմում են մահացածի մի քանի բարեկամները, — նպաստը բաժանվում է նրանց մեջ հավասար:

§ 4. Համաձայն կանոնադրության 47-րդ հոդվածի, նպաստն ստանալու համար կարելի չէ դիմել, արտելի անդամի մահվան որվանից հաշված, մինչև 6 ամիս լրանալը: Նպաստի համար մահվան որվանից 6 ամիսը լրանալուց հետո, դիմելու դեպքում, — նպաստը չի տրվում:

Այդ ժամկետը բաց թողնելու դեպքում, նպաստ կարող է տրվել բացառիկ դեպքերում և միայն արհապագանձարկղի կամ ապահովագրական խորհրդի կարգադրությամբ (տես կանոնադրության 47-րդ հոդվածը):

VIII. ՆՊԱՍՏԻՑ ԶՐԿԵԼ

51. Իրենց առողջությանը դիտավորյալ վնաս հասցնող կամ հիվանդ ձեռքող (սիմուլյանտ) արտելների անդամները զրկվում են նպաստից: Առաջուց տրված նպաստները հետ են դանձվում արհապագանձարկղի (ապահովագրական խորհրդի) կողմից դատական կարգով:

§ 1. Անվտանգության տեխնիկայի կանոնների չկատարելը չի կարող հիմք ծառայել նպաստից զրկելու համար: Բայց յեթե արտելի անդամը, չնայած հաճախակի նախազգուշացումներին ու հիշեցումներին, սիստեմատիկաբար խախտում է այդ կանոնները, ԱՊԿԲԲ-ն այդ դեպքում կարող է նրան զրկել նպաստից, այնքան, վորքան նա դիտավորյալ է վնաս հասցնում իր առող-

ջությանը (տես «Սոցիալական ապահովագրության» ամսաթերթ, 1938 թ. № 11, էջ 50):

§ 2. Վոչ աշխատանքի կապակցությամբ ստացված դժբախտ դեպքի հետևանքով ժամանակավոր անաշխատունակ դարձած արտելի անդամը (սպորտային պարապմունքի, տուրիստական ճանապարհորդության, տանն իր կամ ուրիշի համար աշխատանքի ժամանակ և այլն) յենթակա չէ նպաստով ապահովման ընդհանուր հիմունքներով: Հարբեցողության կապակցությամբ հիվանդության մասին՝ տես կանոնադրության 53-րդ հոդվածը և նրա մեկնաբանումները:

§ 3. Յերբ արտելի անդամը ժամանակավոր անաշխատունակության արձակուրդ կամ այդ արձակուրդի ժամանակամիջոցի համար նպաստ ստանալիս թույլ է տալիս մի վորևիցե շարարկություն (կեղծիք, քերում, շտկում և այլն), նա զրկվում է նրա պատից ամբողջ ժամանակամիջոցի համար: Նրա ստացած գումարները հետ են դանձվում սույն կանոնադրության 45-րդ հոդվածի կարգով, և անկախ պատասխանատվության յենթարկելուց, արտելը կարող է քննության առնել արտելի տվյալ անդամի հետագա մնալու հնարավորության խնդիրը արտելի կազմում:

52. Արտելների այն անդամները, վորոնք խախտում են բուժող բժշկի կողմից նրանց համար սահմանված ռեժիմը, կամ առանց հարգելի պատճառների չեն ներկայանում բժշկական քննության, այլ նաև առանց բուժող բժշկի համաձայնության կամ առանց բժշկական-աշխատանքային եքսպերտ հանձնաժողովի (ԲԱԵՀ) կողմից ուղարկվելու՝ բուժվելու համար այլ վայր են մեկնում, զրկվում են նպաստից, խտիտումը թույլ տալու որվանից, ԱՊԿԲԲ-ի կողմից սահմանված ժամկետով:

§ 1. Հիվանդը պետք է ճշտորեն կատարի բուժող բժշկի բուժարարարները և նշանակված որերը ճշտապահորեն ներկայանա բուժարանի ընդունելությանն ու շաշխատի հիվանդության արձակուրդի ժամանակ: Բժշկի պատվերների չկատարելը յեր-

կարացնում ե հիվանդութիւնը, վորով մնաս ե հասցնում թե՛ արտադրութիւնը և թե իրեն՝ հիվանդին: Յեթե պարզվի, վոր արտելի անդամն իրեն բուժման համար հատկացված արձակուրդն սգործել ե վոչ իր նպատակին, կամ խախտել ե բուժող բժշկի կողմից պատվիրված ռեժիմը (որինակ՝ անկողնում պառկելու առաջարկութեան դեպքում — գնացել ե կինո), կամ առանց հարգելի պատճառի, նշանակված ժամկետին չի ներկայացել բժշկի քննութեանը, կամ առանց բժշկի կամ ԲԱԵԶ-ի հանձնարարութեան մեկնել ե (թեկուզ և բուժման համար) այլ վայր, — արտելի անգամը ԱՊԿԲԲ-ի կողմից կարող ե բուժորովին զրկվել նպաստից կամ արձակուրդի մի մասից:

Արձակուրդը համարվում ե վոչ իր նպատակին ծառայած նաև այն դեպքերում, — յերբ՝

ա) սանկուրորտային բուժման համար տրված արձակուրդն այդ բուժման համար չի ոգտագործվել.

բ) հիվանդին սանատորիայից դուրս են գրել ներքին կարգապահական կանոնները խախտելու, հարբեցողութեան համար և այլն.

գ) հիվանդն ինքնակամ սանատորիայից հեռացել ե ժամկետից առաջ և այլն.

§ 3. Արտելի ժամանակավոր անաշխատունակ անդամի վիրահատումից հրաժարվելը չի կարող պատճառ ծառայել ժամանակավոր անաշխատունակութեան արձակուրդի և նպաստից զրկելու համար, թեկուզ և այդ դեպքում հիվանդութեան ընթացքի զանգաղում լինի:

53. Հարբեցողութեան կամ հարբեցողութեամբ առաջացած գործողութեաններին (ծեծ, վիրավորել և այլն) հետևանքով հիվանդացած արտելների անդամները, յեթե նրանք դրա համար արտելի անդամների կազմից չեն հեռացվել, զրկվում են նպաստից հիվանդութեան առաջին հինգ որացուցային որվա ընթացքում: Միայնակներին (այսինքն՝ իրենց խնամքի տակ յերեխաներ, ամուսին և ծնողներ չունեցողներ) — հարբեցողութեամբ առաջացած հիվանդութեան վեցե-

րորդ որից սկսած, սահմանված նպաստը տրվում ե կեսի շափով:

Ընտանիքավորներին, հարբեցողութեամբ առաջացած հիվանդութեան վեցերորդ որից սկսած, նպաստ տրվում ե ընդհանուր հիմունքներով:

§ 1. Աշխատանքի ժամանակ վոգելից խմիչքներ գործադրելու համար արտելի կազմից հեռացված արտելի անդամները ժամանակավոր անաշխատունակութեան նպաստով չեն ապահովվում, թեկուզ հիվանդութեան սկսված լինի աշխատանքից հեռացվելու որը (տես կանոնադրութեան 2-րդ հոդվածը):

§ 2. Հարբեցողութեան կամ նրանից առաջացած գործողութեան կապակցութեամբ, ժամանակավոր անաշխատունակութեան նպաստից զրկումը կատարվում ե հետևյալ կարգով:

Որինակ 1. Արտելի անդամ Տեգունովը հարբած դրութեամբ կտրել ե իր ձեռքը և արձակուրդ ստացել 10-ից հոկտեմբերի առ 3-ը նոյեմբերի: Հոկտեմբերի 10, 11, 12, 13 և 14-ի համար, այն ե՝ 5 որացուցային որվա կամ 4 բանվորական որվա համար, նա նպաստ բուժորովին չի ստանա, իսկ հոկտեմբերի 15-ից նա իրեն հասանելիք նպաստը կստանա լրիվ, վորովհետև իր խնամքի տակ ունի կին ու յերեխա: Կինն ու յերեխան նրա խնամքի տակ գտնվելու փաստը պետք ե հաստատված լինի տնային վարչութեան կողմից:

Որինակ 2. Պետրուխինը հարբած վիճակում սանդուխքից ընկել ջարդել ե իր ձեռքը: Դրա հետևանքով նրան արձակուրդ ե տրվել դեկտեմբերի 2-ից առ 13-ը ներառյալ (այսինքն՝ տասը բանվորական որ): Պետրուխինի որական միջին աշխատավարձն ե 9 ռուբլի: Պետրուխինը միայնակ ե և խնամքի տակ վոչ վոք չունի. վորպես արտելում 2 տարուց պակաս աշխատած, նա նպաստ պետք ե ստանա աշխատավարձի կեսի շափով (4ռ. 50 կ.):

Պետրուխինը հիվանդացել ե հարբեցողութեան հետևանքով: Այդ պատճառով ել առաջին հինգ որացուցային որվա ընթացքում, այն ե՝ դեկտեմբերի 2, 3, 4, 5 և 6-ը նա նպաստ բուժորովին չի ստանա, իսկ մնացած 7 որացուցային որվա համար (դեկտեմբերի 7, 8, 9, 10, 11, 12 և 13), մեկ կիրակին դուրս գալուց հետո, 6 բանվորական որվա համար, վորպես միայնակ՝ նպաստ կստանա կեսի շափով, այն ե՝ 4ռ. 50 կ.: 2=2ռ. 25 կ., վորը բազմապատկելով 6-ի վրա, — կստացվի 13 ռուբլի. 50 կոպեկ:

§ 3. Յեթե ժամանակավոր անաշխատունակությունն առաջացել է ընդհանրապես սխտեմատիկաբար ալկոհոլ գործածելու հետևանքով հիվանդությամբ, վոչ թե հարբեցողության հետևանքով, — նպաստ պետք է տրվի սովորական կարգով:

Ուրի՞նակ. Արտեղի անդամը սխտեմատիկաբար ալկոհոլ գործածելու հետևանքով հիվանդացել և տեղավորվել է հոգեբուժական հիվանդանոցում: Նպաստը պետք է վճարել հիվանդության բոլոր օրերի համար սովորական չափով, առանց կրճատման:

IX. ԲՈՂՈՔԱՐԿՄԱՆ ԿԱՐԳԸ

54. Նպաստը մերժելու կամ նրա չափը սխալ սահմանելու վրա բողոքներ տրվում են փոխադարձ ապահովագրության և փոխոգնության գանձարկղների սխտեմայի հետևյալ վերադաս կազմակերպությանը:

Արտեղի վարչության կողմից նպաստը սխալ վճարվելու կամ վճարումն ուշացվելու դեմ բողոքներ տրվում են տեղական արհեստագանձարկղին (ապահովագրական խորհրդին):

§ 1. Արհեստագործական կոոպերացիայի փոխոգնության գանձարկղների կողմից կենսաթոշակի և նպաստի մերժման վեճերի յենթադրության մասին կա ՌԽՖՍՀ Գերագույն դատարանի պլենումի 1930 թ. դեկտեմբերի 16-ի հետևյալ պարզաբանումը:

«Գտնել, վոր արհեստագործական կոոպերացիային կից փոխոգնության գանձարկղների կողմից կենսաթոշակի և նպաստի նշանակման մերժումների դեմ բողոքները լուծվում են ինստանցիոն կարգով և դատական քննության յենթակա չեն» («Դատական պրակտիկա» 1931 թ. № 3):

§ 2. Հիվանդանոցային թերթիկներ տալու բնագավառում բժիշկների գործողության դեմ բողոքները լուծվում են պլխավոր բժշկի կողմից, իսկ տվյալ բուժհիմնարկներում բժշկական-կոնսուլտացիոն հանձնաժողովի առկայության դեպքում, — այդ հանձնաժողովի կողմից:

Գլխավոր բժիշկների և բժշկական-կոնսուլտացիոն հանձնաժողովների վարչումների և գործողությունների դեմ բողոքները լուծվում են բժշկական-աշխատանքային եքսպերտ հանձնաժո-

ղովների կողմից, վորոնց վորոշումը հանդիսանում է վերջնական (ԽՍՀՄ Ժողկոմխորհի կողմից 1937 թ. ոգոստոսի 14-ին հաստատված ՀԱՄԿԽ—ի և ԽՍՀՄ Առժողկոմատի 1937 թ. հուլիսի 31-ի հրահանգի 30-րդ հոդվածը):

Ժամանակավոր անաշխատունակության նպաստների կանոնադրությունը հաստատելու մասին (Համարճկոոպգանձխորհրդի նախագահության 1939 թ. հուլիսի 28-ի վորոշումը)	3
Կանոնադրություն ժամանակավոր անաշխատունակության նպաստների մասին	5
I. Ընդհանուր դրույթուն	5
II. Նպաստի վճարման դեպքերը	18
1. Ընդհանուր կանոններ	18
2. Ընտանիքի հիվանդ անդամի խնամք	25
3. Կարանտին	26
4. Այլ աշխատանքի փոխադրում	27
5. Կրճատ բանվորական որվա փոխադրում	32
III. Նպաստի վճարման ժամկետները	32
IV. Նպաստի չափերը	48
V. Նպաստը հաշվելու կարգը	53
VI. Նպաստի իրավունքի վորոշումը և նրա վճարումը	72
VII. Ժամանակին շտապած կամ անաշխատունակի մահվանից հետո մնացած նպաստի վճարումը և փաստաթղթերի ներկայացնելու կարգը	81
VIII. Նպաստից զրկելը	87
IX. Բողոքարկման կարգը	91



Ա, 1940 թ.
 ԱՌԿ № 65/



34918

Арм.

3-4927a

Р. Р. КАЦ
Пособия по временной нетрудоспособности
(Комментарий)
Ереван—1940 г.